

De aquae usu medico in feribus epistolica disceptatio ... cui accedit celer excursus in librum ... Hippocratis De decenti ornatu / [Giovanni Andrea Moniglia].

Contributors

Moniglia, Giovanni Andrea, 1624-1700.
Hippocrates. De decenti ornatu.

Publication/Creation

Florence : C. de Bindis, 1700.

Persistent URL

<https://wellcomecollection.org/works/u8uram8k>


License and attribution

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection
183 Euston Road
London NW1 2BE UK
T +44 (0)20 7611 8722
E library@wellcomecollection.org
<https://wellcomecollection.org>



69886/3

The Library of the
Wellcome Institute for
the History of Medicine

MEDICAL SOCIETY
OF LONDON

Accession Number

Press Mark

MONIGLIA, G.A.



Digitized by the Internet Archive
in 2019 with funding from
Wellcome Library

U3

<https://archive.org/details/b30517795>

L. q. 3

DE A QVÆ

MEDICUS MEDICO

IN FEBRIBVS

ERISTOLICA DISCEPTATIO

A V C T O R E

IOANNE ANDREA

MONEGLIA

REGIÆ CELSITVDINIS

COSMI III

MAGNI HETRVRIÆ DVCIS

ARCHIATRO

Et in celeberrimo Pisarum Lyceo Medicinam
Practicam Ordinario loco edocente

Cui accedit celer excusus in Librum Magni Hippocratis
De Decenti Ornatu.

Ad Serenissimum Etruriae Principem

FLORENTIÆ Apud Cæsarem de Bindis
Sub signo S. Bernardi. Super. perm. 1700.

att. I. R. mo. sig: Naud. Adimari
in eano di Regno d' Eredi d' N. Aut.

ДЕ

УДАЧА

И ПРИЧИНЫ

ПОБЕДЫ

СВЯТОГО АЛЕКСАНДРА

АФРАМЯНСКОГО

АФРАМ

СВЯТИХ ДИМИТРИЯ

САНКТ МИХАИЛ

МАНИХЕЙСКАИХ

АРХИАПО

ДЕ ВОСПЕЛІЮ ПІСЛІУ ТРОЄСЛАВІІ

ПІДГІРСЬКИХ ОДИНАДЦІОДСЯСІЧІХ

СІДІСІЧІХ СІДІСІЧІХ ПІДГІРСЬКИХ МІДДІСІЧІХ

ДІДДІСІЧІХ ОДИНАДЦІОДСЯСІЧІХ

АХІДДІСІЧІХ ЕДІДІСІЧІХ

ФЛОРЕНТИЯ АРДІСІСІЧІХ ФЛІДІСІЧІХ

СІДІСІЧІХ ГІДІСІЧІХ 1500.



SERENISSIME PRINCEPS.



Vllum morbi genus est , quod frequentius homines invadat , iustumq; periculi , ac interitus formidinem ingerat, quam febris ; Omnem enim etatem , tēperiem omnem hac corripi experimur , nullumq; cœli tractum , etsi temperatissimum , terrarum plagam nullam , licet omnium saluberrimam à febrium incursione liberam intuemur ; Proficit omni ex loco infensissimus hic sacer ignis , voraciq; flamma depopulatur

latur tenellas puerorum carnes , robustiora iuuenium membra , exangues , et iam rigentes senum artus , et quamquam prona magis ad febrem merito illa dicantur corpora , quæ calidum , siccumq; temperamentum obtinuere , cum in his ob consimiles qualitates [quemadmodum Peripatetici loqui amant] facilior sit transitus ad ignem ; tanta tamèn est illius vis , ac potentia , vt inimicas sibi , et hostiles temperaturas , frigidas nempe , et humidas vincat , subitòq; flagrare cogat .

Felices sanè illi , quibus invidenda sorte contingit saluberrimus celi haustus , aerque temperatus , ac lenis , nulla halituum contagione impurus , ventorumq; afflatu sudus , atq; illustris ; Hi ad longissima temporis spatia vitam traducent , et inculpata valetudine fruentur ; Norint tamen , quod etiam si aeris optima conditione ab insultu morborum liberentur , à febre minimè immunes euasuros , cum per omnes terrarum partes effrenis excurrat , et destituta externalium causarum fotu , ab internis vitijs non raro excitata subcrescat .

Nivibus undequaq; operta , ac perpetuo gelu rigens Septentrionalis tellus , à se tamen febrilem ardorem arcere nequit , sed quę Austro calet , longè magis febribus patet , cum huius spiri-

spiritus afflatu promptiora sint viscera , vt igne corripiantur ; Gens , quæ nascentem excipit Sollem , et quæ mergi videt occiduum , æstu aeris , sed magis febrium incendio torretur ; quin ? Tēpestas nulla ab huiusmodi morbo evadit ; Temperatissimum sanè Ver est , et cum nulla alia Anni parte in salubritate conferendum ; Viget tunc maximè nativus calor , ac benignissimus omnium humor , et Naturæ thesaurus sanguis exuberat , et tamen in hac æquali Anni ipsius ètate à febre invaduntur corpora , parumq; prodest moderatissimi aeris optanda salubritas .

Iam verò quantò magis Æstate , et Autumno grassabitur , cum intemperatæ anni partes sint , et in illa ambientis fervor ad febrilem flammam viscera traducat , in hoc ipsa dierum varietas degenerum humorum proventum , et copiam talem procreet , quæ regulari , regiq; à nativo , et domestico igne nequeat , nosquè modò caliditate relaxet , modò frigore opprimat , vnde languor , et virium infirmitas , quas plerumq; fractas , ac debiles hostilis febrium ardor aggreditur , nec hyems ipsa , vel imbre assiduo , aut glacie densiori perfusa febrile incendium extinguit , tunc enim densatis corporum spiramentis , calidisq; retentis halitibus , flammula , quæ in Cordis thalamo micare purior , placidiorq;

diorq; debet, acuitur, nouoq; virium incremen-
to æstuat.

Meritò igitur quod de quocumq; morbo pro-
tulit summus medicinæ dictator Hippocrates ad
folas febres congruentius referri posse videtur,
has scilicet cunctis anni temporibus sævissimè
procreari ; At si in qualibet anni parte, et ter-
rarum plaga quavis febres erumpunt , nullaq;
ætas est , que immunis , ac libera ab illarum in-
sultu reperiatur, erit vtiq; hoc valetudinis ge-
nus (scribente Celso *) vulgare maxime, homi-
nibusque in primis metuendum , et in quo de-
bellando medicorum ars sæpius insudet ; Cer-
uorum invidenda sors, si quidquam Plinio* cre-
dimus , animalia hæc suadenti non sentire febres;
Nil mirum igitur longissimæ ætatis existere, et
in libris historiarum referri vsque ad trecentos
annos incolumes perdurasse ; Conditio homi-
num miserrima , cum eorum aliquibus febris
perpetuò fuerit , quemadmodum Mæcenati ; Nos
vndique circumstant morborum agmina , qui
vel silentio subeunt, vel aperto Marte expatiā-
tur, ac sæviunt ; Non opus ad perniciem no-
stram , ut acuatur ferrum , cudantur enses, ve-
nena temperentur , levis etiam externalrum cau-
farum afflatus necare valet ; Non tam vario ge-
nere

nere vivimus, quam ægrotamus, et mors vt semel nos iugulet, vel sæpiissimè experitur; id e quidem admirabile, * id solitarium reperitur exemplum, Xenophilum musicum centum, et vinti vixisse annos absq; ullo vitæ incommodo; Hoc sanè, hoc dignum vt à cunctis optetur, quādoquidem nihil utilius, nihil iucundius in humano dierum circulo, quod cum optima valetudine componi possit, reperiatur.

Verùm si tanta est naturæ fragilitas, vt sæpius à saitatem recedat, et alijs etiam obnoxia præter naturam affectionum insultibus, frequentissimè tamen à mortifero febrium calore invadatur, non immerito quot modis nos febris exerceat, Sapientissimos quoque Viros obstupescere coegit, quosdam enim assiduè torret, in aliis cum breves inducias dederit, quotidie tamen recurrit, nonnullos alternis diebus vrit, et cum diem integrum præstiterit, tertio redit; Alios quarta die occupat, et biduum liberum elargitur, interdum longioris adeò temporis circuitu, ac intervallo remeat, vt apud Plinium extiterit Antipater Sidonius Poeta, qui singulis annis natali die febre corriperetur; Interdum principiò calet, non raro frigida erumpit, tantusq; horror est, vt vniversum corpus concuti-

at,

at , frequenter rigore premit , mox levi tantum algore in extremis partibus vrget ; Alia sic definit , vt omnino sequatur integritas , alia sic quidem , vt aliquantulum de ea minuatur , nihilominus tamen veluti reliquiae quedam superfint , donec recens reuertatur accessio .

Iurè itaq; febris varium ac dirissimum morbi genus appellabitur , cum Prothei ad instar in varias se se efferat formas , nullique hominum parcat ; hinc sedulò curandum est Medicis , vt certis remediorum opibus Dei munere , ac benevolentia concessis veluti tutissimis propugnaculis hunc naturæ humanæ tyrannum vel celerrimè exturbent .

Sed quamuis apud sapientes homines satis exploratum sit non solùm adversus febres , multasq; præter naturam affectiones inter remediorum materias nihil suavius , nihil præstantius frigidæ aquæ potu adinueniri , hoc tamen certum , probisque medendi legibus , ratione , ac experimento munitum præsidium veluti fabulosū quid , et inane hac nostra tempestate , et in vrbe è medicinæ limitibus à plurimis exibilatum exulat , adeo ut de eo cum Platone dici possit ; *Præclarum quiddam veritas est , atq; durabile , attamen non facile id persuadere videtur ; nec mulieres dumtaxat , aut vulgi homines , sed medentium pleriq;*

riq; ex huiusmodi remedio ventriculorum querelas, nativæ caliditatis iacturam in medium afferunt, atq; hydropis omne genus, inexpugnabiles obstrukciones, venarum scissuras, innumeralesq; alias calamitates infensissimè comminantur.

Non ita exilis cymbæ gubernator, qui modico velo vix portum stringere possit, dum se altioribus Oceani fluctibus credere ausit, si in altum pervehatur, ut difficillum ei sit ad continentem ferri, nam uno emenso sinu, statim alter maior aperitur, et dum longissima nauigatione non longè littora distare putat, novos superandos vndarum tractus, ac semper crescentem Pelagi planitiem videt, tantam aquarum vastitatem horret, quemadmodum frigidæ haustus febricitantibus elargiri nostrates medici pavent, naufragisq; egrotantibus commiserantur, frigidæq; amphoram estuanti febrentium labio exhibentes, quasi pocula Circæa offrant, ex quibus non belluinos mores, sed lethiferum omne virus, mortemq; inexorabilem bibant, increpando vituperant.

Vnde, obsecro, tanta in rebus medicis aque abominatio? vnde contra frigidæ usum tot calumniæ? forsitan ne saluberrimi huius elementi canina rabies pavorem indidit? dummodò hinc

pendeat ratio, vos met ipsos colligite, probèq; in-
tra vos meditamini, quam absurdum in febribus
præsertim curandis frigidam respuere sit, tunc
instar philosophi illius Aetiani apud Clarissi-
mum Meniotium in aquam animosè immersi
vnà simul cum hæresi malum exveretis.

Felicissimi huius medendi ordinis solertes ho-
stes, plerumq; fémellas, senesq; falsò admone-
nt, ne acti temporis laudatas remediorum syl-
vas relinquant, quibus malorum syndromes
strenuissime pellebatur; Calidum naturę semper
amicum, frigusq; perpetuò infensum, humidum
putredini, vnde plerumque febres erūpunt,
favorem tribuere ex philosophantium placitis
suadere conantur, solius aquæ beneficio exclamantes
cunctos persanari morbos, meræ nugæ
sunt, meræ nugæ, hoc Agyrtarum aliqui lar-
vas inter ludentes insomniaverunt.

Non vnicam, inquiunt, severa Catonis fron-
te, malorum series causam agnoscit, non eam-
dem temperaturam ægri omnes obtinuere, non
singuli sub eodem cælo languent, non consue-
tudinem, non ætatem, non anni tempora cun-
cti æqualiter metiuntur; Acriusq; hæc super-
addunt; Sollicita Dei cura, quot herbas, quot
salutares plantas humo excitavit, ijsq; adver-
sus morbos proprias vires exhibuit, vt harum
ope

ope optata mortalibus salus exsurgat? Taceamus Panaceam, taceamus Cretensem Dictatum, taceamus Felicia grama, quæ vel novit Chyron, vel eduxit Epidaurus, vel misere Arabes; E patenti magnæ matris gremio providum Numen elicuit herbarum omne genus, quo perniciosa quælibet cohibeatur lues, potentibusq; victa succis succumbat; Lieni herbis succurrimus, herbis capiti auxiliāur, præsidia paramus Cordi, Ventrem roboramus, crebriores anhelitus tollimus, clusoq; sanguini citatores cursus instituimus, graveq; nocentium succorum onus ejcimus; Oh beneficentissimi Numinis indulgentia, quæ Medicinam (præsidem scilicet sanitatis artem) in herbis, et plantis mortalibus exhibuisti, solius modò frigidæ potationibus tot remediorum vires, ac potestates succumbere permittes? et aquaticorum medentium adversus lectam, non optima artis lege, sed improba innovandi ambitione fontanas aquas Niliacis etiam vndis temere præferentium non indignaberis?

Hoc dicēdi genere tanquam disertissimi Rhetores non veritatis amatores probæ huic curandi methodo illudunt, eiq; prorsū in re medica locum denegare contendunt. Nobis sanè eloquii veneribus nihil præstantius satis tribui, omnemq; lapidem devoluisse videbitur, si ratio-

num momentis evicerimus, aquæ frigidæ morem febrientibus exhibendæ non exortum nuper, sed apud veteris medicinæ parentes celebratum invaluisse, nec levissimam hanc provinciam suscepturis, viribus tamèn nostris enervibus, fratrisq; imparem, nobis aptari nobile adagium illud amabimus *scribendi scilicet ad aquam*, quod à Demosthenis immensa, & incomparabili ad dicendum cura prosilijsse Rhodiginus asservit, non parum equidem gloriæ assequutos esse lætabimur, si nobis nimium audentibus non imputetur quod de Æschilo mordaciter retulit Callisthenes, quem vbi vino satis incaluisset, ac se largius bibendo excitaset, tragædias eocalore concinnare solitum, scribit.

Sed antequam sermonis nostri desumamus exordia, illud vobis sciendum volumus, non tanquam Milesius Thales aquam rerum omnium nos principium esse decernentes, quod ab Hesiode prodiisse aliqui existimarunt, vnicam aquam largè, beateq; profusam, medicinam infebrium curationibus propinari dicentes, id tantum oneris, laborisq; suscipimus, ut innotescat inter præsidia, quibus febri mederi ars frequentissimè edocuit, hanc vetus, hanc efficax, hanc iucundum extitisse remedium, & quemadmodum Ægyptiis moris erat, qui dum Hydria ad tem-

templum casta religione deferebatur, in terram procumbentes, manibus ad cælum sublatis divine bonitati gratias agebant, nos etiam Deo optimo maximo tanti erga nos collati beneficii memores, qui dum siti flagrantibus febrili incendio viscera iam exurente, præsertim

- „ Dum Procyon furit,
- „ & Stella Vesani leonis
- „ Sole dies referente siccōs.

Nobis inter aquarum delicias morti nectere moras, vitalesque auras suavissimè elargiri voluit, laudis monumenta sacremus.

Vt igitur clarioris incedamus doctrinæ ordine, prius quid veteres febris nomine enunciauerint inquirendum. & quemadmodum initio polliciti fuimus, ab antiquioribus illius definitiōnem eliciemus. Iure itaq; à summo medicinę parente edoceri lubeat, qui nunquam febris essentiam aptiùs, concinniùsq; aperire voluit, nisi dum Ignis nomine ipsam comprehendit inquiens: *Harmocrates, qui ad murum nouum habitat igni correptus est, paulòq; inferius: Qui in Dealcijs decumbebat horto, diu capitis conflictabatur gravitate, dexterumq; tempus dolebat, ex occasione igne detentus fuit;* Et sanè quemadmodum aliis græcis, Hippocrati etiam πῦρ Pyr ignis fuit,

vnde

vnde apud latinos πυρα Pyra lignorum strues
 cremandorum olim corporum gratia promana-
 vit; Et equidem apud Choorum maximum, non
 raro vehementissimam febrem significat; De
 Sylene etenim scripsit, qui in Platamonis edi-
 bus propè filios Eualcidis habitabat*, *Ex laxitu-*
dinibus, potuq; intempestivis πῦρ ἄλαβεν Pyr Elaben,
 scilicet ignis corripuit, & rursus ægroto quarto;
Vxorem Philini in Thaso, quæ filiam pepererat, pur-
gatamque ex præscripto naturæ decimoquarto à par-
tu die μετὰ τόκου πῦρ ἔλαβε Meta tocon Pyr Elabe;
 Ignis nempe eam post partum inuasit; Sed quid
 amplius? febres omnes ab Hippocrate Ignis vo-
 cabulo nuncupantur, nam ex bile sincera ortas
 πυρετοὺς ἀκριτοχόλους Pyretus acritocholus appellavit,
 febres implacidas πυρετοὺς ασωδέας Piretus Asodeas;
 febres in quibus caligant ἐ gri, caliginesq; circa
 oculos obuersantes inspiciunt in Prorrheticis, &
 Coaceis πυρετοὺς ἀχλυώδεας Pyretus Achliodeas len-
 tas, & viscosas πυρετοὺς γλισχρούς Pyretus Glischrus,
 febrem perrubram, quæ ad vultus colorem spe-
 ctat πυρετούς ἐξέρυθρον Pyreton Exerython; Non ne
 febris tepida, moderata, ac mitis, quæq; acutæ
 opponitur, quæque lethargo, κώματι Comati, aut
 καταφορᾷ Cathaphora laborātibus socia dicitur ignis
 nomine exprimitur πυρετος Pyretos nempe χλιαρος
 Chlia-

Chliaros; Immo non solummodo febribus Ignis nomenclaturam Hippocrates elargitur, verum corpora etiam in febres maxime prona.* Ex versione siquidem Clarissimi Foesij legimus πυρετῶδες σῶμα Pyretodes Soma, quod est corpus febriculosum; Addamus insuper, Ulceribus quoque inflammatis Ignis nomen impertitur, cum pre nimia constrictione in deligando accenduntur, scripsitque πυρετῶδες ἔλκος Pyretodes Helcos, Ulcus scilicet, igneum. Sed cum ex plurimis summi dictatoris oraculis euincere quisquis possit ignis appellatione febris essentiam apprimè demonstrata existere, huius tamen doctrine claritas sole ipso nitidior refulget, si hisce loquutus Hippocrates audiatur*: Convulsa, ex rigoribus supervenientia febris dissolvit; eodemque in opere subdit, ** Convulsio-
nis remedium acuta febris, quo loci à summo artis nostrae Magistro expressa fuit acuta febris, nam si debilis, ac diurna inuaderet, nihil sane prodesset, quemadmodum disertissimus medicorum evenisse*** tradit Numenis filio, de quo ibidem inquit divinus Senex; Supersubitaneæ Apoplexiæ superfebrienti diutine perniciose; Nam in singulis nervosi generis praeter naturam affectionibus, cum ob pituitosos, frigidosque sint humores febris acuta invadens non modici est iu-
vamen-

uamenti, Numenij autem filio (veluti Galenus cordatè ratiocinatur) quoniam ab exorta Apoplexia febris non acuta, verum enervis, ac diuturna subsequuta est, nihil profuit, vnde quis non arguit febres validas accedentes, & superfluam exiccare humiditatem, frigiditatemq; calefacere, quod proprium dumtaxat ignis est attributum, cuius nomine Hippocrates febres omnes sapientissimè patefecit. Nonne legimus apud eumdem; * febres propterea fiunt, cum corpore superinflammato carnes intumuerint, & pituita, & bilis inflammata quieverint, ut neq; refregeretur quicquam, neq; exeat, neq; moveatur, neq; aliquid subeat; Non ne? febris ardens est cum ** resiccatae venulae hora aestiva acres, ac biliosos serofos humores in se ipsas attraxerint; Et quid obsecro pituitam inflammare frigidam, & humidam, venas resiccare poterit præter ignem? nil mirum igitur, si febrem à fervore inter plurimos voluerit Isidorus***quod sit abundātia caloris, & Ioannes Gerardus Vossius scripserit; *A ferveo, seu ferbeo febris est, & Orientales linguae ab incendio deducta voce febrem nominare consueuerunt.*

Hinc iure optimo maximi medicorum interpres maximus febrem calidam, siccumque passionem esse precepérat scribens.*****Febris, qua febris*

I. propr. comm. 2. tex. 50. lib. de loc. in hom. 4. de rat. uict. in acut.

febris humectantia, & refrigerantia desiderat; Pau-
loq; infra subiunxit; Si sola adsit febris, ad refri-
gerandum, & humectandum omne medici consilium
dirigitur; & penes ipsum, Corpora calida, & sic-
ca, ut ignis, quatenus calida calefacere, quatenus sicca e-
xiccare,* ex quibus subsuit Clarissimus Hofmānus;
** At qui omniū febriū causæ, ipsomet adstruente
Galenō, calidæ existunt, & siccæ, febres inde inter
calidas, siccasque intemperaturas recensendas
esse quis ambigit? siquidem innatum calidum
habet symbolum ad ignem, facile igneum eva-
dit, siq; verum hoc sit, non calidius dumtaxat,
sed siccus etiam in febribus fieri minimè du-
bitandum asserimus; Perbellè itaq; Vates fe-
brem vocavit aridam, eo quod, vt Servius ad-
notat, arida efficiat corpora, ariditas enim per
se siccitatem adducit, quæ sanè doctrina duo-
bus locis Galenum sibi arridentem invenisse
gloriatur, post quam igitur scripsit. *** Febreū
lege contrariorum velle frigida, & humida, subiun-
xit esse calidam, & siccā, talis namq; natura est
ignis; indeq; protulit. **** Ignem calidum, & sic-
cum non minus quam febris existere; quò etiam
princeps Peripateticorum traduci potest; ****

C

Qui-

lib. 4. cap. 6. 9. meth. med. cap. 14. 1. de temp. cap 2. In
Apol pro Gal. lib. 3. par. 2. sect. 11. cap. 256. 1. acutor. tex. 18.
text. 43.

Quibus additur Auicennæ calculus. * *Caliditas maior, quam debet, reddit corpus siccus, quam oportet;* At in febribus calorem naturæ leges excedentem quis non fatetur?

*Victus humidus febricit antibus omnibus prescribitur ab Hippocrate ** ibiq; non solùm incurandis febribus non excluditur humectandi indicatio, verùm primo loco reponitur, ita pariter à Galeno *** sapienter exigitur victus ratio frigida, & humida; quin ab eodem prolatum legimus. **** Febris calida, & sicca passio est; Nil mirum si febre detentos plerumq; hiulca sitis excruciet, ac inter illius symptomata non immerito reponatur; hinc veluti in Thelyste Seneca.*

„ *flagrat incensum siti*

„ *Cor, & perustis flamma viscera*

ribus micat.

Sitim verò frigidi, & humidi cupiditatem esse quem latet? hæc ferè nulla, vel levissima dum os ventriculi humore dulci, frigidoq; perfunditur; Inextinguibilis autem, ac infæviens cum ipsum humore prorsus exhaustum arescit; & si cū Lucano loquāmur.

„ *Torrentur viscera flamma.*

„ *Oraq;*

1. de gen. & cor. tex. 16. & 23. Fen. 1. doct 3

c. 1. 1. aphor. 16. 8. meth. med. c. 9. 1. apho.

„Oraq; sicca rigent squamosis
aspera linguis.

Vnicuiq; igitur febri necessariò siccitatem iniungi inter plurimos nuper relatus Hofmannus, Altimarus, Augenius, Zacutus subscribe-re non erubescunt.

Ratione denique, ac experimento doctissimus Galenus protulit; * *Febrem esse conversionem nativæ caliditatis ad igneam*; quam brevissimam, numerisque omnibus absolutam definitionem, tamquam optimam, & ab ipso aucto-re saepius repetitam, literisque mandatam, unde febris natura magis, magisque constaret, oculatissimè exarare, fusisque laudibus prosequi præ cæteris placuit Clarissimo Rudio, qui primò illius terminos adaperiens, mox quomodo cum re definita convertatur edocens, inde illius quidditatem, (scholasticis utamur verbis) & singulas causas ostendens, tandem quo pacto ex ea ritè probèque percepta, omnes circa febris essentiam emergentes difficultates (quod optimæ definitionis munus censemur) è medio tollantur, enuncians, sibi glorię, & medicinam facturis plurimum utilitatis comparavit.

At nunquām adversus quæ huc usque retu-

limus vix Tyronibus audienda ab aliquibus ratiocinia efferantur , febres nempe *λεπυρίας* *Lipyrias*, atque *ἐπιάλας* *Epialas* perpetuò corporis frigore ægrotantes occupare , à quibus ignis calor , & siccitas integrè excluditur , nec non febris nomen à fervore seiungentes , quemadmodum latinè veteres ab horrore potius ipsam appellari Querquerā arbitrentur , græcis *κρυερός* *Cryeros*, scilicet horridus , proindeq; Apuleium scripsisse ; *Ob nominum similitudinem qui minus possit ex eodem littore Calculus ad vessicam* , Cancer ad *ulcera* , Alga ad *Querqueram* ; Alga namque herba in maris vndis enata ab algore aquę sic dicta Querqueræ assimilatur , verùm blandimenta hæc cassa sunt , & inaniū fomenta votorum , si cum Arnobio * loquamur , & vix in eis toleranda , qui nebulas Helicone vendunt ; Illud sanè , illud nos semper admirari coegerit apud doctissimum Fernelium ** tanti opinionem hanc extitisse , ut asserere non timuerit in accessionum initijs corpora febre non detineri , eo quod tunc temporis algeant , nec simul æstuent partes omnes , quemadmodum in febricitantibus opus esse firmissimè autumavit ; Sed satis à littore discessimus , sedulò nobis colligenda vela , & si quemadmodum principio orationis nostræ à semi-

tibus

tibus antiquorum medicinæ principum non elongari promisimus, inviolabilem huc vsq; tenimus fidem, ita etiam eadem intus limina quò tandem finem tetigerimus, iure iurando immorari spondemus.

Clarioris ergo sermonis gratia, dum *febrem conversionem esse nativæ caliditatis ad igneam libentissimè admittimus*, ne lato quidem ungue à vetustiorum placitis recedere videamur, ut facilius, nitidiusq; exploretur, quam pronus nativus calor ad igneam suscipiendam naturam existat, quid & ipse sit, eiusque nomine quid audiendum voluerint, nam innati calidi iam essentia comperta, unusquisque sibi ocyssimè suadecit, quomodo præter naturæ leges evadat, actionesque quarum antea optimus, & laudabilis auctor aderat labefactet, atque subvertat; Sed quamuis multa artis nostræ scriptores de nativa caliditate litteris commiserint, adeo subobscura, & perplexa sunt, quæ dixerunt, vt inter tot ambages Delio plerumq; natatore indiquerint, vnde luculenter, & fusè integra volumina tradidere, in quibus, quod Seneca damnabat, non multum, sed multa legere sit necesse.

Augustissimè de calido innato, quemadmodum decæteris eorum placitis sensere Stoici, non sua rebus accomodantes decreta, sed res ad de-

creta

creta sua , cum quibus consentire eas natura non
sinit , detorquentes , si græcorum Sapientissimo
credimus ; Sunt itaque opinati ipsum esse ani-
mam , eo quòd ab innato calore actiones cor-
poris nostri prodire advertissent ; Stoicis adhæ-
sit Romani parens eloquij dum scripsit * *Omne*
quod vivit, sive anima, sive terra editum, id vivit
propter inclusum in eo calorem, quare cum calor à
Sole syderum principe tamquam à perenni fon-
te , propriaque origine per vniversum orbem
hunc effundatur , si is anima esset , egregie , ac
verissimè cecinisset Vates ,
„ ... *animarum omnia plena.*

hisce arridens Macrobius Solem omnium , quæ
in mundo reperiuntur vitam appellavit , Solis
etenim absque igneo vapore , inquit Lactanti-
us , neve nasci quicquam , neve potest augeri ,
veluti Plutarchus apud Delphos ostendit ; ad
hanc Stoicorum sententiam traducendum etiam
Hippocratem** aliqui crediderunt , dum inquit ,
Animam hominis usque ad interitum produci , nati-
vum enim calidum est , quod alimentis conti-
nuò augetur , & ad mortem usque servatur , &
quemadmodum ignis non totus simul extingui-
tur , sic vita nostra non repente in cineres re-
laitur

„ *Mors*

„Mors non una venit, sed quæ rapit ultima mors est.
 & Manilius scripsit *
 „Nascentes morimur, finisque ab origine pender.

Cæterum hæc Stoicorum doctrina, paucos, nullosue satius assertores obmeruit, cum anima hominis altioris ordinis, ac celsioris generis existat, & delapsa cœlo concretionisque cuiuscunque expers, ac proinde ab interitu immunitis, & libera humanum corpus informet, & regat; Novit id etiam Cicero, qui illam insomnio Scipionis insuper veluti in arce quadam à Diis constitutam credidit, & si hoc loci aliquid ex sacrorum Doctorum penu eliciendum est, licet nobis eamdem cum Tertulliano particulam divinitatis, & ex Dei Spiritu Spiritum asserere corporisque aurigam, & ducem, & sanè animam à nativa caliditate secerni luculenter Peripateticorum princeps ostendit; ** Illud tamen fateri lubet, huiuscemodi calido veluti instrumento quodam animam vti, eiusque beneficio operationes adeo vitæ expedire, ut mirum nulli videatur, si idem Philosophus vitam, & mortem per caliditatem hanc aliquando definit, cum tamen vita nihil sit aliud, quam ne-

xus,

xus , & coniunctio animæ cum corpore , mors
verò dissolutio vtriusque , quò respiciens Vates
optimus Irim à Iunone demissam fabulatur ad
abitus difficiles Didonis finiendos .

„ Quæ luctantem animam , ne-
xosque resolueret artus .

Hinc igitur anima tandiù terrestre , caducum-
que corpus inhabitat , quandiù proportionatam
hanc caliditatem tamquam vinculum obtinet ;
& quamuis Divinus senex in nuper laudato de-
diæta dixerint ; *Animam hominis usque ad interi-
tum produci* , illius nomine non verè animam ip-
sam , quæ neve augeri , nec decrescere vnquam
potest , sed eius instrumentum , calidum scilicet
innatum intellekerit , quod non rarò animæ ap-
pellatione enunciare consuevit , nam vt beni-
gniori hospitio noster suscipiatur Hippocrates ,
si de calore nativo non esset ibi loquutus , quo
nam modo à contradictionis criminе vindicare-
tur , cum in eodem opere candida hæc verbo-
rum series inspiciatur ? *Eorum enim omnium , à
quibus alteratur anima , causa ad meatuum per quos
ipsa permeat naturam referenda est , prout enim affi-
ciuntur vasa , in quæ secedit , & ad quæ allabitur ,
& ex quibus admiscetur , talia faciunt , propterea ex
diæta talia transmutare non possumus , naturam
namque incorruptibilem immutare , & alterare im-*
possi-

possibile est, vnde apertissimè evincitur, non quod censuerit preceptor maximus calorem natum animam existere, sed quod medicè loquutus, animalē nomine ille designari etiam possit; quoniam primarius opifex, ac veluti (vt aliquibus arrisit) coanima functionum omnium humana- rum existat.

Apprimè igitur Poetę Iovis, Deorumque fabrum dixere Vulcanum, rerum videlicet omnium, quę vitam habent artificem, nam vt Laurentius, & Natalis admonent, Vulcani nomine ignem intellexere, qui Deorum faber, nempè instrumentum appellatur, quo Iovis arma perficiuntur, idest, vitę, necisque in homines exercitum, atque potestas; Hinc sapienter, & floridè in eius hymno canebat Orpheus,

„ *Vulcane, & prestans, & fortis flamma perennis*
„ *Flammatis auris splendens per-*
ramabile Numen.

Vnde ingeniosum commentum illud exoritur, Venerem ei datam fuisse coniugem claudio, fumosoque fēminarum venustissimam; Si enim canit Lucretius * *O mater sæva cupidinum,*

„ *Per te genus omne animantium*

„ *Concipitur, visque exortum*

lumina Solis,

,, *Nec sine te quicquam dias in
luminis oras.*

,, *Exoritur,*

hoc provenit ex coniunctione, & maritali nexu
Vulcani, ignito siquidem iuvante calore.

Ex Homeri itaque disciplina , dixit Servius Honoratus, Heroes in aquis mortem perhorreſcebant, naufragioque perire grave censebatur, siquidem contrario formidabat in elemento insita sibi facultate privari anima, & quod Ægyptij gloriabantur, vim Vulcaniam Æthiopum Neptuni virtute restingui .

Sed ad Aristotelem redeundi tempestuum est, cuius placita Zenonis * sententiae non omnino adversantur, cum nobis scriptum reliquerit, generationem primam animæ altricis esse participationem cum calore, vitam verò, huiuscemodum mansionem, ac proinde afferente clarissimo Gassendo ** nonnulli vitam definiunt, caloris, calidique innati mansionem, quod etiam Democrito, & Epicuro probatur, siquidem satis demonstrasse opinantur, easdem esse caloris, & ignis, atque animæ atomos, orbiculares enim utræque dignoscuntur, quemadmodum colligitur ex doctissima illa ad Herodotum epistola ,

ac.

ac ex alijs apud Lucretium vulgatissimis locis,
quos aduersus sapientissimos viros satis sit di-
vinum Platonem in Timæo audivisse docentem,
non componi animam ex atomis illis, ex qui-
bus calor, & ignis conficiuntur, sed tandiù in
corpore solummodo teneri, quamdiù illæ trigo-
næ (quam figuram tradit igni) vegetant nutri-
tivam medullam, quæ ex illis componitur, at-
que ob ipsas calida est, hinc ergo penè etiam
Philosophantium apicem, anima non ignis est,
sed ignis animæ instrumentum, quo sua exer-
cet munera, suaque virtutes operatur, ac præ-
stat.

Non arduo equidem negocio Stoicorum sen-
tentia evertitur, cum ullum vix assertorem, pro-
pugnatoremque inter medicos obtinuerit, lon-
gè difficilior, ut expugnetur illa unicuique pri-
ma fronte videtur, quam ex Galeno profectam
tuentur agmine facto omnes ferè medici, ac ve-
luti pro aris, focusque dimicaturi collato pede
consistunt; *Calidum* scilicet *innatum esse sub-*
stantiam quamdam ex principijs nostræ genera-
tionis, sanguine nempe menstruo, & semine or-
tam, & per singulas, ac universas corporis partes
diffusam.

Statuit itaque Galenus nativum calidum con-
stitui ex duobus principijs ortus nostri, quæ iux-

ta illius doctrinam , sunt semen , menstruusque sanguis , adeo , vt innata caliditas sit corpus quoddam compositum ex hisce duabus substantijs ; Deinde vult naturale calidum ante fætum existere , eo quod ipsius virtute corporis partes procreari , ac perfici queant , vnde necesse , vt hic calor principio sit , cum illas excitandi insitum in se munus contineat , à qua Pergameni sententia Plinius * minimè discrepat , dum loquens de mestruis protulit ; *Hec est generando homini materies , semine e maribus coaguli modo hoc in se se glomerante , quod deinde tempore ipso animatur , corporaturque ; Ideoque Venusinus in Epo- dis illudens Canidiæ , vocat ventrem illius partum , eò quia menstruis abundet , & statim à puerperio*

*„ Cruore rubros obstetrix pannos
lavit .*

Scripsit ob id Galenus huiusmodi corpus calidum innatum nuncupari , quod ante alias partes existat , & circa ipsum illæ eadem subcrescant , illique adnascantur Ossa , Cartilaginiæ , Ligamenta , omneque id , ex quo corpus nostrum completur , adeo , vt naturalis caloris appellatione eò vocari debeat , quia statim ab exordijs ortus nostri (principio scilicet temporis) quando

do primùm partes nostræ gignuntur præstò sit. Edocet insuper Galenus tale corpus non ex sola caliditate constare, sed ex temperatione quatuor elementarium qualitatum, in quibus attamen calor ipse præpolleat, vnde huius dominij robore calidum dicatur, quemadmodum in rebus hisce inferioribus, ex mixtis vulgo, à qualitate illa quæ dominatur nomen imponi assulet; Hinc ipso afferente Averroë, alia dicitur aqua, alias ignis, licet in ea, quam aquam nominamus, terrei nonnihil reperiatur, & in igne plurimum aeris, terreæq; materiei nemo non videat.

Iuxta igitur Galenicæ doctrinæ leges σύμμετρον *Symmetron*, videlicet temperatum, naturale calidum est, & ex concurso quatuor primorum qualitatum invicem temperatarum conflatur, quamvis in eo aliquantisper exuberet caliditas aerea, quia ex semine potissimum consurgat, ipsumque maximè aereum, ac spumosum existat, veluti nitidissimè innuere Poetæ, dum fabulati sunt ex abscissis Cæli, seu Saturni genitalibus orta spuma inter maritos fluctus productam Venerem, quæ ideo Αφροδίτη *Aphroditī*, ut Hesiodus & Plato tradunt, nam Αφρός *Aphros* Græcis spuma est, meritoque Veneri spuma eiusmodi principium, & origo tribuitur, ipsa si-

30 D E A Q V A
sa siquidem canente Lucretio *

„Omnibus incutiens blandum
per pectora amorem
„Efficit, ut cupide generatim
sæcla propagent.

Hec de calido innato, et si longiori verborum serie, ut eius moris erat, Galenus tradidit, quæ sanè opinio adeo posteris arrisit, vt nullus ferè ex medicis in eam non ausus sit, ac veluti Sibyllæ folio non subscribere, ita verum illud Senecæ in Epistolis; *Plerumque homines existimare, non quod dicatur, sed à quo;* Si etenim in hoc Galeni placitum attentiùs advertissent, & severiori trutina ad examen illud revocassent, multa equidem deprehensa fuissent, quæ à veritate vel longissimè distant, nam ut prætereamus quo pacto ex duobus diversis corporibus, semine scilicet, menstruoque sanguine possit talis, adeoque perfecta mixtio fieri, ut unum simplex corpus confurgat, cum sic perfectè misceri non nisi elementa possint. Ut istud, inquam, prætereamus, fidesque Plinio habeatur, semen esse instar coaguli menstrua obstringentis, si Galenus arbitratur oriri animantia quædam ex materia putri, quo nam modo hæc innatum calidum possidebunt, cum ex semine potissimum gene-

generetur, quo destituuntur pro sui ortu animantia, quæ ex putri originem deduxere? An hæc forsan huiusmodi caliditate carebunt? sed quo pacto obire vitæ munia poterunt, cum illa instrumentum animæ sit, illaque pro suis exercendis operibus indesinenter egeat?

Vlteriùs, à Galeno exquiratur, an necessarium putet innatum calidum adeo per singulas nostri corporis effundi particulas, ut ne minima quidem reperiatur, quæ illo perfusa non sit; Hoc meherculè asseret, cum in corpore animato minimum quodlibet vivat, vivereque minimè queat, quod innato calore non aspergatur, ostendat, obsecro, Galenus, quomodo id contingere possit absque corporum penetratione, cum hac calida substantia membra omnia rigari necesse sit? An huiusmodi calor extrinsecè tantum adnectitur partibus, nec intrò permeat? Partes igitur secundum se non vivent, cum intus eo careant, sine quo viventes esse non possunt; Addamus, quod per alimenta naturalis calidi substantia deperdita reparatur; Illud enim (si Zarotti verba referantur *) absumptum abit in substantiam aliti, lapsantemque reparat agente calore, qui viventibus inest, & cuius istud est munus, ut effluxæ partes solidæ quamdam

sui

fui aggenerationem rursus accipient, & spiritus prædatorij acrores reddit i contemperentur, fiatque alimentatum corpus, non ita rugosum, aut flaccidum, novis advenientibus partibus, quæ substantiam eius effluentem figant, tractabilioremque reddant ad longævitatem obtainendam; Quæ doctrina est consultissimi Verulamij in libro de vita, & morte non concinnè minus, quam sapienter effusa; Si itaque per ipsum reponitur quod de substantia nativæ caliditatis admittitur, qua propter Lucretius canebat*

„ *Vnde alit, atque auget, generatim pabula præbens fatendum dubio procul erit in intimis corporis partibus immorari, non eisdem iuxtaponi, aliquin sine cibo sumpto, ac deglutito vivere licet solo odore contentos, aut extrinseca illius admotione, quod vix somniavere ea maleficiatorum ingenia, quæ omnia (ut tradit Arnobius) labefactare, ac dissolvere studio contentionis audent, quamvis illud, quod infirmare moliuntur, sit pulum, & liquidum, & veritatis obsignatione munitum.* „

Demùm si ex concretione semenis, sanguinisque menstrui calor innatus producitur, nullique dubium sit, semen efficientem vim obtinere, sanguinem verò menstruum passivam dum-

dumtaxat, quod innuit etiam Plutarchus, dum continuum illum Heracliti fluxum declarans statim, inquit, à semine continuata generatione fit fætus, vel ut præcipit Galenus, ad fætus productionem, & activè, & passivè concurrere, cur hæc activa, & passiva corpora invicem non patiuntur, & agunt?

Quod si ad conficiendum innatum calidum semen, menstruusque sanguis agunt, & patiuntur, quia materia menstrualis ortum primum partiū carnosarū exhibit, & nutritionē deinceps omnium, vir autem tantūm efficaciam per semen præstat, qua ratione in Ecclesiaste* legitur, *Dissipabitur Capparis*; Quod doctissimus Covarruuiensis interpretatur de generandi potentia, cum genitalia marcescunt, & vitalis vna calore moritur; Si semen, & sanguis simul agunt, & patiuntur, quo pacto talia corpora in eodem statu permanebunt? Neque opportunè aliquis sibi occurrere persuadeat, in mistis etiam calidum, frigidum, humidum, siccumque incolare, quorum vnum vi tantūm agendi polleat, alia verò actionem sustineant, & tamen inuicem nec pati, nec agere, nam in mixto elementa facta sunt vnum, & convenere sub forma mixti, à qua continentur, & amica, nec amplius

E

invi-

invicem rixantia servantur , sive suas omnino
formas perdant , vt plurimi arguinentantur , si-
ve , ut placet Averroi * , formæ eorum secun-
dum medietatem intereant , nihilominus hoc
semper evidens apud cordatos homines , & in
confesso erit , semen , menstruumque sanguinem
in confiendo calido innato sub vna forma non
convenire , nec proprias amittere naturas , sed
in illa permistione manere , quod secùs in ele-
mentis accidit , quæ dumtaxat virtutes conser-
vant , & formas perdunt ; Neque nobis satis
firma Averrois sententia videtur , & quamuis
vel firmissima esset , non benè semini , sanguine
nique menstruo aptaretur ; & quis unquam per-
cipere valet quomodo media pars formæ in il-
lis depereat , media verò persistat , aut quo pa-
cto contingat , vt esse illorum medium sit inter
formas , & accidentia , ideoque formæ eorum
substantiales admisceantur , & ex earum collec-
tione alia forma consurgat , quod in elemen-
tis fieri docet Averroes ?

Alia possent adversus hanc tanti viri senten-
tiam objici , sed brevitati consulentes , hisce lucu-
lenter contenti , antiquorum quorundam Phi-
losophantium , qui calidum innatum esse Spiri-
tum , Æthereamque substantiam , desuper in cor-
pora

pora illapsam , & conditionis altioris , quam
sint elementa , quæ instar vinculi ipsa inter se-
se perpetuò contrarijs viribus rixantia coercet
celeri gressu excurramus , eoque magis cum ijs
acriter certandum , quòd putent se firmissimo
Aristotelis patrocinio tueri , quem in hanc sen-
tentiam traducere perperàm adnituntur .

In sublunaribus itaque corporibus præter ele-
menta portionem quandam cœlestis substantię
reperi autumarunt , quæ maioris potestatis exi-
stat , idque strenuissimè præstet , vt elementa si-
mul contineantur , & quamuis inuicem adversa
serventur ; Ad hanc doctrinam Chymicorum in-
ventum vel facillimè referri potest , qui per su-
blimationem ab unoquoque misto ætheream su-
bstantiam aliquam abstrahi volunt , cui Quintæ
essentiæ nomen impertiri consueuerunt .

Huiusmodi opinionis ad augendum robur
hisce ratiocinari audiantur ; Cum animantium
corpora quatuor elementares qualitates inter-
se se contrarias contineant , atque contrario-
rum perpetua lex inviolabilis sit , ut simul po-
sita invicem agant , & patientur , unde mistu-
ram interire evenit , ni prestò sit continens ali-
quod ipsa coercens , nullumque elementorum
hoc continens existere possit , cum omnia eius-
dem sint conditionis , erit igitur celsioris digni-

tatis, & naturæ, ac de substantia Cæli, quod
sublime adeo munus exercet, ut sublunaria
omnia moderetur, atque gubernet, quo etiam
ratiocinio usum fuisse afferunt Peripateticorum
Magistrum contra Empedoclem, animam ex
elementis invicem positis constare arbitrantem;
Verùm si ab hisce Philosophis, quæ nam sit
hæc cælestis substantia quæratur, ipsam lucem
esse respondent, quam longè elementarium
corporum substantiam excellere volunt, eò quod
cæleste dumtaxat corpus lucem, radiosque emit-
tat, nullumque splendeat elementorum, nec
etiam ignis ipse, dum in proprio loco, ac sphæ-
ra immoratur; Lux igitur pulcherrimum Dei
donum, & cuius solummodo gratia hoc nostrum
vivere iucundum, & optabile est, cæleste il-
lud, quod elementis suave frænum imponit
penè illos existit.

Inter hos autem non parum discriminis inest;
Nonnulli siquidem lucem corpus existimant,
Nonnulli verò aliquid tantum corporeum, vo-
luntque esse formam, atque in subiecto recipi,
quod in Animantibus nil aliud sic præter Spiri-
tum evincere gloriantur, quod non secùs ac lux
in animalibus ad omne diametrum se se effun-
dat, spiritus enim sursùm, deorsù, antè, retrò, &
ad quamlibet corporis dimensionem fertur,
idque

idque sanè ab elementari aliquo effici nequit, cum omnis motus elementorum ad unius loci differentiam determinetur, ac repente a corde moveri spiritus, quod luci dumtaxat competit, nequaquam autem elementis.

Quin? volunt qualitates elementorum unius tantum effectus esse, spiritus verò aptari ad plurimos, ad expellendum, nempè, sentendum, nutriendum, ac demùm ad alios omnes in quibus vita consistit, quamobrem cum totum hoc vires elementorum excedat, necessarium proinde ducunt spiritum ratione formæ aliquid supra elementa extare, quod autem super elementa existit, Cælum est, oportebit igitur spiritum de substantia cœlesti asserere, idque ratione ipsius lucis, quæ ætherea, ac cœlestis est, evenire.

Animadvertunt ulterius operationes elementorum absque contrarietate non promoveri, sed spiritus quidquid operantur, absque pugna perficere, tum videndi officium in oculo, tum in auribus audiendi, ac tandem ad singulas corporis partes virtutes advehere, unde ita adstruunt, quod alicui aliquod impertitur, distinctum, diversumque à natura illius esse debere, cui elargitur, ac tribuit, unde cum spiritus virtutem membris omnibus præster; esse

ali-

aliquid natura, substantiaque seiunctum ab il-
lis, quis non fatebitur? at substantia membro-
rum elementaris est, quod ipsis igitur virtutem
infert, aliquid erit supra ipsa eleenta, sed clēen-
ta solummodo substantia cælestis excellit, spi-
ritum igitur eiusdem substantiæ esse quis dene-
get? idque ex illius effectibus satis probare
opinantur, nam veluti lux contrahitur ad luci-
dum, ibique se se coercet, ita & spiritus ad cor-
tamquam ad propriam scaturiginem confluunt,
ibidemque uniuntur.

Verūm talia à Philosophis hisce prolata ar-
gumenta non adeo urgent, ut in eorum senten-
tiām alios etiam invitōs arripiant, nam ab ijs
exploretur, obsecro, an substantia illa, quam
è Cælo delapsam affirmant sit in corporibus
animalium, aut in ipsis generetur ex elemen-
tis, dum scilicet commiscentur, vel si est lux,
an aliquid sit, quod penetrando animantium
partes, non tamen à Cælo ipso abscindatur,
vel aliquid ab ipso Cælo seiunctum existat; Si
enim primum afferent, necesse erit illud gene-
rari, ac per consequens interire, quapropter
cælestis substantia ortui, & occasui obnoxia
dicetur; Si secundum concedant, adeo ut non
denegent lucem animalium corpora permeare,
nec tamen à Cælo dividi, ipsa etiam anima-
lium

lium corpora ipsi Cælo continuari ut fateatur oportet, quod apud sapientes homines fatuitatem maximam redoleret, immo cum illud, quod è Cælo procedit, lux sit, huiusmodi continuationem visibilem quis non admittet? At si tertium velint, delapsam nempè substantiam illam à cælesti corpore, ab eoque divisam lucem esse, tunc huiusmodi lux, vel corporea res est, quemadmodum sensati magis Philosophantes credidere, quo igitur pacto substantia hæc in humano corpore adeq recipi poterit, ut per universas eius particulas penetret, corpusque à corpore pervadatur; Et si dicant substantiam hanc non spargi per omne corpus, iam in singulis partibus non immoratur, quemadmodum in omnibus innatum calidum incolare, ad hoc ut viuant, necessario debere iam luculentissime monstravimus.

Illud denique exquiramus, quo nam modo hæc ætherea substantia è Cælo ad animalia ferratur, vel enim à se ipsa movetur, & tunc animata censenda erit, vel ab alio, & tunc movens assignari expedit, quod aut violentum erit, vnde ad absurdum statim offendunt, violentum scilicet ad constituendum animal id moveri, quod in eo præcipua, & princeps pars existat; Vel erit naturale, & duos tunc cælestis sub-

substantia obtinebit motus, circularem nempe, quo perpetuo torquetur in orbem, rectumque, quo ad animantia descendit; Vel demum lux erit qualitas incorporea, sed quomodo posset ex se moveri, quod non est corpus? Si enim lux Cæli tractum, & aeris usque ad nos illuminat, non provenit, quia ē Cælo separatur, & huc divisa perveniat, sed illuminat alterando perspicuum, facultatem scilicet illam in aere, & aqua alterari idoneam, ad hoc ut lucida evadat, non igitur aliquid de substantia cælestis corporis in animantium corpora allabitur, non probè itaque argumentantur innatum calidum Cælestem spiritum, Æthereamque substantiam esse, ab elementis diversam, & à Cælo ipso in corpora descendentem.

Verum huiusmodi Philosophorum ratiocinijs occurrere tempestuum est; Concedatur illis igitur contrarijs aliquid illa continens inesse debere, sed negetur in mixto animato huiuscmodi coercens cælestem substantiam existere, nam forma est, atque in ipsis animatis Anima, quæ elementa simul continet, ope tamen, ac interventu caloris, cuius officium congregare homogenea; Quin? falsum afferunt, continens nempe pernecesse superius quid esse debere, & altioris ordinis, nec non à contentis alterius generis,

neris, tunc enim nullo prorsu modo continere valeret, siquidem quod eorum, quæ per transmutationem unum fiunt, continens est, necessariò pariter est, ut eiusdem transmutationis terminus existat, terminusque transmutationis in eodem genere extat, quæ talia igitur continent unius, atque eiusdem generis, ac contenta esse debet, unde cælesti prorsus substantiæ repugnat, ut potè diversi generis, quod elementa coerceat; Neque assentiri nobis consonum sanè videtur, spiritum lucis naturam induere, ac illius instar ad quamlibet loci differentiam se se movere, nam cum is animæ sit instrumentum, omne movendi munus prosequitur, quod ei anima imperat, unde non suaptè natura, ac genio sursùm, deorsùm, antè, retrò movetur, sed anima ipsa iubente, cum ad ceorcendos spiritus, ipsosque ad emitendos instrumentis aliquibus utatur, arterijs (nempè) per quas veluti per canales, ac tubos à corde in quascumque corporis partes, prout ipsa imperaverit, spiritus effunduntur, nam si momento temporis à corde in universa membra excurrunt, ab eorum tenuissima substantia provenit, ob quam ocyssimè animæ imperio obsequuntur, & tandem si varia munera obeunt, id equidem prestant, cum ab anima dirigantur, eoque magis

cum in partibus cunctis ijdem spiritus inco-
lent, sed variè in ipsis alterentur, & transmit-
tantur.

Nihilominus tamen hæc nativi caloris opi-
nio tanti roboris apud doctissimum Fernelium
extitit, ut Galeni, omniumque ferè medico-
rum adversum, hostemque effecerit; Nobis
autem si ex vetustioribus de calido innato sen-
tentiæ alicui subscribere liceat, ipsum actualē
ignem, inque corde ipso vigentem libentissi-
me assentiremur, quemadmodum Auctor libel-
li de Corde, sive Hippocrates, sive aliis quis-
que sapientissimus tradidit, cum ipsum oppu-
gnari à contrarijs qualitatibus, ac extingui ani-
madvertamus, ibique hæc series verborum per-
legatur. *Alimentum autem ei abunde suppetit*
[loquitur de calido innato] *ex proximo sanguini*
conceptaculo radios immittens. Vesci etenim
vult nativam caliditatem sanguine, atque in-
super lucere, id namque fibi verba illa vindic-
ant, *radios immittens*, siquidem omne, quod
radios spargit, id lucet, quid enim lux aliud
præter radiorum à lumine emanantium multi-
tudo, & quid obsecro in corpore effulgere, ra-
diosque emittere potest, nisi ignis? & sane quod
in hac præcipua, regiaque parte actualis ignis
inhabiter evidentissimè quispiam evicerit, si
attri-

attributa inseparabilia , quæ igni in mundo
competunt, illi etiam , qui in corde emicat ad-
amissim aptari cognoverit.

Sit igitur indivisibile ab igne , ut cum na-
ctus fuerit propriam materiam , & alimentum
ex crescatur , unde inspicimus, ex parva plerumque
scintilla maximum incendium erumpere , cum-
que idoneum pabulum eidem non amplius tri-
buatur , ut decrescat ; Id sanè competit etiam
flammulæ , quæ calet in corde , à primo etenim
ortu hæc per ætates usque ad consistentiam
augetur , hincque ad senectutem usque immi-
nuitur.

Sit secunda proprietas ignis nostri , ut ne-
queat absque alimento consistere , ac proinde
non mirum si à veteribus quibusdam Philoso-
phis voracissimum animal appelleatur , id etiam
concinnè igni congruit , qui cordi inest , ut hinc
penè eiusdem Auctoris sententiam sanguine
nutriatur , eoque sine persistere nequeat.

Sit tertium actualis ignis attributum , quod
duplici modo extinguitur , ob alimenti scilicet
defectum , vel eiusdem ob exuberantem copiam ;
Geminò pariter modo ignem , cuius domicilium
est Cor , interire contingit ; Hinc Romani parens
eloquij in Catone maiori aureis hisce verbis dis-
servit ; *Adolescentes sic mihi mori videntur , ut cum*

aquaë multitudine vis flammæ exprimitur, senes autem sic, ut sua sponte, nullaque adhibita vi consumptus ignis extinguitur.

Sit quarta ignis nostri conditio, vt vi aliqua integrè extinctus, nullum relinquat, quo testeatur ibi se fuisse, vestigium; Pereunte homine, quid nativæ supereft caliditatis? Verùm si aliquis obijciat, cur ignis, qui cordi inhærere creditur, non vrat, ob illius raritatem, tenuitatemque provenire affirmatur, quemadmodum in artificialibus etiam ignem, vel minimum, vel nihil comburere experimur.

Nobis illis subscribere nequaquam placuit, qui innatum calorem, non actu ignem, sed sulphur (potentialem videlicet) existimarunt, quorum sententia Hippocratis obstat oraculo scribentis * *Anima hominis usque ad mortem crescit, & decrescit*, nam si animæ nomine nativam caliditatem expressit, quemadmodum ex superius allatis iam patet, sulphur autem per se, neque augmentum, neque imminutionem obtineat, nequaquam illi innati caloris attributa competere ratio suadet, quotiescumque enim sulphur accenditur, non crescere, sed in aliam potius naturam confessim migrare, & in actualem ignem faceſſere quem latet? Ideoque Plinius iu-

ni-

nior * Cornelium Tacitum alloquens agnoscit sulphuris ardenter copiam in Vesuuio ignes maximos supra montis illius verticem gignere , & rursus eosdem desinere consumpto pabulo , & materie , quo flamma æstuans nutriebatur , altaque incendia latissimè relucebant ; Ipsumque de Æthna inquit Iustinus** *Quippe intrinsecus stratum sulphure , & bitumine traditur , quæ res facit , ut spiritu cum igne inter interiora luctante frequenter , & compluribus locis nunc flamas , nunc vaporem , nunc fumum eructet , inde denique Æthna montis per tot sæcula durat incendium , ac proinde , Seu mare sulphurei ductum , per viscera montis , Oppressis ignescit aquis , & pondera librat*

cecinit Claudianus , ex quibus luculenter colligitur in tempore fieri eiusdem incendia , & rursus desinere , & quandoque fore omnino cessatura , ut apud Sulmonësem docuit Pythagoras***

„ *Nee quæ sulphureis ardet fornacibus Æthna . Ignea semper erit , neque enim fuit ignea semper ; quod cum contra euenire in naturali caliditate compertum sit , fatis quoque , superque probatur in sulphure minimè reperiri , nam quamdiù viuit animal , illius natuus calor radicali pabulo indiget , quo si fraudetur , solidas etiam corporis partes exedit , omneque id , quod cedere .*

dere in alimentum potest, assumit; Verùm hoc sulphur præstare nequit, cum ab actione quiescat, ideoque innati calidi naturam induere, & quis asserere audeat? Ac tandem cum toties laudatus Au^ror libri de Corde natuum calorem radios ex se se fundere, & pura luminique simillima substantia enutrirī, ac sustineri scripsérit, cum actualis ignis dumtaxat sit, qui radios spargat, & emicet, atque à prima ortus sui scintillula sensim excrescat in molem, iterumque decrescat, & extinguitur, ita pariter in animantibus per etates augetur, ac imminuntur, unde divinus Hippocrates protulit, *Senes paucissimum innati calidi habere, ac eorum proinde corpus frigidum esse;* Huc animum devoluisse remur Virgilium vatem sapientissimū, dum inquit, non circa Anchisis tempora visos igneos fuisse radios, cum esset ille iam senio gravis, sed

„ summo de vertice Iuli

„ Fundere lumen apex, tactuque innoxia molli

„ Lambere flamma comas, & circum tempora pasci.
quod equidem ab Historia Servij Tullij apud Livium desumpsit, cuius pueri dormientis caput arsisse ferunt multorum in conspectu, & mox cum somno flamمام abissem, quod non nisi nativi, insitique ignis effectus agnosci potest, nisi prodigium velimus inquirere, ubi plus-

quam

quam par sit ,naturę vires sufficiunt.

Nihilominus hanc adversus sententiam stant aliqui , & prima fronte speciosis , si non Herculeis argumentis illam aggredi , ac expugnare contendunt , nam si calidum , inquiunt , natuū est ignis , quo pacto febris iuxta Galeni doctrinam erit *conversio nativæ caliditatis ad igneā naturam* ? An id , quod convertitur in se ipsum transmutatur , unde si calor innatus ignis est , quomodo poterit febrili incendio magis , magisque æstuare , igneamque adipisci naturam ? & si in ignem innatum calidum convertitur , necessarium procul dubio erit , ut ignis ipse non sit ; Has tamen instantias licet nonnulli maximi existimaverint , nodumq; Gordianum duxerint , non arduum solvere credimus , si Hippocratis oraculum mox relatum animadvertatur , *Incendi scilicet per morbum animam* . Morbi appellatione ibidem febrem audimus , ob quā innatus calor trans naturę leges augescit , & conversionem ad igneā naturam acquirit , quoties vitalis hæc flamma densiori vescitur alimento , & calidis retentis halitibus , rara , pura , ac syncera , quemadmodum debet , non amplius emicat in cordis thalamo , & sanè experimur in fornacibus nonnullis culinarem ignem admisso per spiracula , vel excluso aere adeo variari ,

ut

ut pro libito certis augeatur , vel imminuatur gradibus ; Quoties itaque innatum calidum decenti quantitate , debitoq; alimento fruitur , naturæ proscriptum servat , verùm dum mole crescit , crassoque nimis cibo restituitur , aut halitibus , vaporibusque referto , tunc non naturalis efficitur , ignisque nostratis natu- ram , conditionesque nanciscitur , humanos nempè artus , ac membra voraci flamma de- pascit .

Hactenus de calido innato principes vetustiorum sententias retulimus , easque præter illam nobis ab Auctore libelli de Corde traditam , quam antiquitatis monumenta veneraturi , amplexari , ac tueri libentissime assentimur , expugnasse nobis ipsis iam suademus , non alio men- tem , animumque devoluti , eorumque inter placita nimium fortasse commorati , nisi , vt vni- cuique innotescat , quam facilis , pronusque ad igneam naturam suscipiendam , tum penè Galeni , tum Philosophorum omnium doctrinam nativus calor existat , & febris quam levi occa- sione oriatur , illique rectè , probèque mederi aquæ usu , vt quemadmodum rationi consonum , saluberrimum quoque sit .

Ne autem inter ambages aliquis persistat , ex- cogitans quid aquæ nomine percipiendum sit ,

men-

mentem nostram Galeni* verba adaperiant ;
 Talem igitur aquam frigidam , & humidam , ac
 propriè aquam nuncuparis , quæ vero mixtione ali-
 cuius alterius extrinsecæ , aut substantiæ , aut quali-
 tatis fuerint adulteratæ , quales sunt bituminosæ , &
 sulphureæ , atque aluminosæ tantum à propria natu-
 ra aquæ recedunt quantum fuerint adulteratæ .

Dulcis igitur aquæ potabilis , quæque abun-
 dè refrigerat , & humectat quemadmodum idem
 Galenus ** evincit noster eīt sermo , tum per se-
 cundam , adversamque valetudinem hominibus
 maximè necessariæ , ut obiter illud Pindari emol-
 liamus , rerum omnium optimam aquam pro-
 nificantis .

Eligatur itaque sive cælestis , quam omnibus
 Hippocrates *** prætulit , levissimam , dulcissi-
 mam , ac limpidissimam scribens . Siquidem Sol
 tenuissimum è terra , marique sursum attrahit ,
 quod cum in nubes concreverit , denuò in aquam
 relabitur ; Solem etenim devorare aquas , Lu-
 nam easdem parere antiquiores populi credide-
 re ; Cum igitur principium sortiantur ex levissi-
 mis , ac tenuissimis aquarum partibus , quæ ter-
 ræ , circumque insunt , omnium etiam levissimæ ,
 & splendidissimæ fiunt , quæ summa aquarum
 laus tanti viri auctoritate , atque experimento

G

cen-

censetur, quamuis non defuerint obijcientes, improbae scilicet conditionis, cum celerrimè putrefcant, cælestes aquas existere, quod non vicio, sed earum bonitati Oribasius* adscripsit non esse pessimam aquam nos admonens, quæ citò corruptitur, dummodo antequam computrescat, probarum aquarum dotes obtinuerit; Sive fluminum aquæ exhibeantur, quas non pauci scriptorum in potibus salutares existimarunt; quod nempe summo naturæ beneficio, sponte que se se hominibus offerant; Fluuii etenim magna terrarum spatia peregrinantur, & sinuosis anfractibus non mediocriter aquæ attenuantur, illarumque cruditas ferè decoquitur; Sive fontanæ sint, quas omnibus anteferendas Galeno** arrisit, nimirum gustui iucundas, & omnis qualitatis expertes celeriter precordia transcurrere demonstravit; Non equidem nobis indefessis, & cura, & meditatione de aquarum bonitate, quæ intemeratam è putei profundis libatam veritatem sapient eruere opus est, sufficit tantummodo in egrotantium potationes eligendas scire, & aspectu tenues, ac pellucidas, Argenteas Vates appellat, synceras, inodoras, omnisque alterius substantiæ mixtione vacantes, onere ad lancem leves scribente Athenæo

quam-

quamquam Erasistratus apud eumdem inconsideratos appelleat, fallique illos tradat, qui trutina aquarum incolumentem expendunt, quoniam si aqua ex Amphiarato saluberrima cum aqua Erethria vitiosa comparetur, nullum ponderis discrimen adinuenitur; Hisce muneribus praestans, & gustui febricitantium indulgens aqua propinanda est, non gravis, non sordida, non lutulenta, quæque ut plurimum tetur, spiret, corporibus insalubris, ac vitiosa.

Verum ne felici omne iter nostrum, quò pervenire adamamus progrediatur, maximi Legislatoris oraculum non levis inest obstaculi; Etenim in calidarum intemperierum genere cum febres omnes habeantur, atque in ijs certè eo nomine, quo febres sunt aquæ potus saluberrimus existimetur, ac præsertim si ex bile, cui maximè contraria est aqua, oriantur; In acutis verò morbis, quos omnes cum febre inuadere, pendere que à bile exploratum est, Hippocrates nullum aquæ concedat officium, cuius freti auctoritate, quam rationibus, & experimentis concinere adversarij conantur non inglorij exhibendæ aquæ morem in febribus, tanquam futile commentum respuunt, dum exemplo Peripneumonię talia scripsit divinus senex * *Aqua neque tu-*

sim sedat, neque sputum educit, neque sitim extinguit, sed amarescit, atque in eo, qui sit biliosus inabilem vertitur, hypocondrio præterea mala, immò pessima, & biliosissima est, vires maximè labefacētans ubi in vacuitatem tñenerit; Adde, quod Lieñem, Iecurque, ubi inflammata sunt, auget; Fluēt uat etiam, & innatā, tardè enim meat, quæ subfrigida, & incoctilis est, neque aluum deijcit, neque urinas mouet, atque ex eo quoque nocua est, cum stercoris suapte natura sit expers. Quæ igitur cum proferat Magister optimus, & ad institutum nostrum maximè pertinere arbitremur, sententiam hanc expendere operæ pretium censemus, vt obiectionum tela declinent, quibus aquæ præstantiam compescendis febrium ardoribus plures sauciare contendunt; Et primùm quod vnius Peripneumoniæ exemplo de acutis omnibus morbis eamdem statuat medendi viam mirum sanè cuilibet est, cum ardentes, & biliosæ febres reliquæ, quæ non ex visceris alicuius inflammatione emergunt aquæ potu expugnentur, & quod ab eodem summo medicinæ parente extinguendi sitim aquæ vis denegetur, hoc pariter animadversione, hoc trutina dignum existimat, cum alio etiam in opere sitientibus aquæ potum præscriperit, dummodo sitis non sit amaræ bilis; Trallianus* obstupuit, ac veluti ri-

diculos, germanique sensus verborum Hippocratis * ignaros illos traduxit, qui aquam biliofam accusant; Quamobrem permulti opinantur, aqua epota bilem in alio commorantem elui, & iucundè sitim auferri; Si verò tenax stomacho adhæreat, eidem firmius affigi, sitimque adaugere; Putant alij ab aqua adeò bilem dilui, ut illius amaror sensibilior evadat, sicuti lingua biliofo humore suffusa plus amaret; si æger aquam degustaverit, ac Aloe liquore aliquo soluta multò amarior gustu deprehenditur, inquit Clarissimus Menotius.

Nobis autem si non vera, alijs saltem probabilior eorum sententia fuit, qui aqua certatim, largèque bibita aut bilem extingui, vel per sudores, urinas, vomitum, aluumque exturbari, at illam parcè haustam bilescere contendunt, quemadmodum paucum vinum pluribus aquæ amphoris iniectum non miscetur, sed in aquam transmutatur, quod propter quantitatis immoderatam inæqualitatem, & proportionis expertem nulla detur ex parte vini reactio, ideoque vel brevissimo temporis momento ab aqua superetur, quemadmodum etiam fabri ferrarij aquæ aspergine intensiores focos accendunt. Nonnè simpliciter biliosis aquam im-

imperat Hippocrates , unde hæc à veteribus
 iactatur ceu præsentaneum ardentis febris re-
 medium ? Sed ex adverso , febribus intermit-
 tentibus , tertianis etiam , elegantissimo scri-
 bente Fernelio * , interdicitur, quòd harum ma-
 teria primas vias offariat , quas intùs si diu-
 tiùs commoretur, in bilem degenerat , quemad-
 modum aquæ statariæ extra etiam corpora pu-
 trescendo amarescunt , herbeumque adipiscun-
 tur colorem ; Aquas enim palustres , & stabi-
 les à Sole aduri , ac præfervidas reddi , hisque
 utentes siticulosos fieri, oculatissimè observavit
 Hippocrates ** ita pariter si in præcordijs ob-
 struptione detentis , ac inflammatis aqua dige-
 stu difficilis sine exitu diù desideat , corrumpi-
 tur , & in bilem præsertim porraceam facessit ;
 Verùm quid inde ? præcipuas forsan salubres
 vires adversus febres aquæ denegantur ? non me-
 herclè; Sanguinis quoque missio, aut purgās medi-
 camētū, preclara artis remedia, nō rarò idicātur,
 atque expertuntur à morbis , & tamen ab ijs se
 se abstinere , etiamsi vnica ægrotantium salutis
 spes in illis eluceat , sapientissimi Medici consi-
 lium est ; Non sanè sufficit ad propinanda phar-
 maca , ut à morbi natura flagitentur , verùm
 permittentia simul requiruntur , quæ si defue-
 rint

rint, excidium afferunt, non levamen; non satis etenim est, à magnitudine morbi, ætate etiam florente *Phlebotomiam* postulari, si patientis virium tenuitas Phlebotomiæ aduer-setur, paribus ita rationum momentis frigidæ potio in elininandis febribus potens medicina, & iucunda, quamuis à febrium essentia, vel maximè perquiratur, interdum est cohibenda, quādo scilicet impedimentum aliquod viget, cuius criminē saluberrimum hoc præsidium elargiri non liceat; Hinc imprudentes plerumque Medici in singulis præter naturam affectionibus, & quolibet egrotantium genere oculum ad permittentia non deuolventes, indicantibus dumtaxat indulgent, ac proinde quod antidotum naturæ, & artis lege plurimis exhibetur, aliquibus artificis tantùm culpa in uenena degenerat; Emorimur enim ab epoto salutari pharmaco, emorimur ab eximiè celebrata sanguinis missione, emorimur ab innocentibus aquæ frigidæ haustibus, vel etiam opportunè præscriptis; A littore solvendum est ineunte pubertate, aut florida vigente iuuenta, vel firmiori virilitate, vel exangui iam senectute, cumque insuperabilis vis morborum erumpit, cum Vate *

„..... Cessere Magistri

Phyl-

„ *Phyllirides Chiron, Amythaoniusque Melampus.*

Multa, & præclara Hippocraticum hoc preceptum luculenter enarrans affert clarissimus Costæus * , quæ nec mihi cuncta rescribere, neve aliis perlegere iniucundum foret, solummodo hæc audiantur, *De siti si non aqua sedatur, an non sine illa, Oxymel profecto, & mulsa seorsum sumpta illam augent, aqua autem seorsum non raro sedat, quod eam damnat ob amarorem hoc difficile est, quomodo enim cuius natura est bili contraria bilem gignit? Sit vero id etiam in biliosis, non est tamen acutis febribus omnibus communè, neque corporibus, non enim in febre, quæ à sanguine, aut cui pituitæ aliquid sit coniunctum, neque in non bilioso corpore; Quod hypocondrio malam esse absolute ait, in Iecore calidiori, ac sicciori, immò & in ventriculo eiusdem intemperiei, verum non est, quod vires labefactari scribit, ubi in vacuitatem venerit, obscurissimum est quod addit, Lienem, Iecurque si inflammata sint augeri, de vera inflammatione necesse non est, cum potius aquæ refrigerio cohiberi inflammationem consentaneum sit; Fluctuationem autem, & innatationem aquæ in ventre, quam subdit, sequitur frequenter aut vomitus, aut alui fluxus, uterque non raro febrem extinguens: Tarditas vero transitus*

quia

quia subfrigida sit, & incoctilis, & quia aluum non deijciat, neque urinas moveat, optimis aquis non conueniunt, quæ scilicet dulcissimæ, levissimæ, splendidissimæ sunt, quas ijs, quibus ventres duri sunt, & apti ut comburantur in libro de aere, aquis, & locis conducere statuit; Quare neque id verum, quod aluum non deijciat, neque etiam quod urinas non moveat, cum optimæ aquæ, & quæ tenuissimæ, nisi frigidiores sumantur [hic autem de subfrigidis agit] promptè inventre incalescunt, & ubi incaluere in venosum genus promptè distribuantur, unde non urinas modo, sed etiam sudores uberiores earum potu prodire quotidie observamus: Quod subdit, aquam suaptè natura steroris esse expertem, ob idque esse nocuam, suspectum est, nihil enim necesse est quidquid est steroris expers, esse nocuum, falsum vero aquam esse steroris expertem, cum alii excrementa dissolvendo, alii deiectionem quotidiano experimento promoveat, ita quidem dictat ratio. Hæc sapienter à Costæo prolata, ut Hippocratici sensus veritas elucescat, digna equidé Medico sunt in artis operibus exercito, atque detrito, ac præsertim cū eodem in loco, paulòque inferius subiungat; Non de omnibus etiam acutis agit, sed de ijs, in quibus tussis molesta est, quorum curatio per excretionem esse debet, quæ & actu calida, & potestate caloris non expertia præsidia requirit; In his ergo aqua, quæ est

potestate frigida, nullius est usus, mala vero etiam si vel actu frigidior sumatur, cum thoraci frigidum sit adversum, & eius excrements reddat crassiora, excretuque difficiliora, & tussim moveat. Ac tandem subdit, Reliqua vitia, quae proponit, ipsa quoque accidunt, si vel importune aqua sumatur, veluti (quod ait) si cum pedes frigidi sunt, id est in accessionum principio, vel si paulatim, & pauca bibatur, qualia non accidunt, ubi affatim, & multa sorbetur, quod tunc irritata ob copiam facultate fiunt tum vomitus, tum alii deictiones, aut etiam sudores, quibus solvi solet morbus. Hisce igitur conditionibus aquam in acutis damnat Hippocrates, tunc scilicet, ut brevitati indulgeamus, frigidæ potio, veluti alia quævis Medicina in quocumque morbi genere non permittitur, etiam si ab illius natura, & viribus urgentissimè expostuletur, quando contradicans [ut medica utamur voce] indicato æquipollens strenuè renitet, atque adversatur, & quemadmodum Præceptor summus exemplo Peripneumoniæ sapientissimè patefecit.

Sed uno iam superato scopulo in aliud asperorem incidimus, unaque fracta sagitta, statim altera nos sauciari sentimus, ac severiori fronte hanc aduersus doctrinam stare iam bellatores conspicimus. Insurgunt itaque maximi Hippocratis auctoritate muniti, qui refrigerantes po-

tiones in febre ardenti exhibendas enumerans, hanc seriem verborum protulit ; * *Vinum Thasyum vetus parte una cum vigintiquinque aquæ partibus dato*, & sanè huiusmodi vino-
rum genus, vinosum nempè, & multam aquæ
misturam ferens, potens, & calidum, benè
olens, animæ gratum, atque fragranti odore
spiritus reficiens, hominemque à syncope revo-
candi valens apud veteres in pretio fuit **, quod
non ignorabat Anus illa Merobiba apud Plau-
tum in Curculione

„ *Flos veteris vini meis naribus obiectus est,*
„ *Eius amor cupidam me huc prolicit per tenebras.*
Nomine autem veteris vini Thasij accipiendum
Maroneum vinum voluit inter alios Athenæus
I. Deipnosoph. dum inquit, Chij, Thasijque vi-
ni meminit sic Epilycus, „ *Saccatum Chium, Thasy-*
umque vinum

idest, quod Maron expressit, quod à Marone
Evanthis filio Maroneum dictum aliqui volue-
re, nempè Thracium generosum, de quo pari-
ter Homerus

„ *Hoc quoties biberent dulce vinum rubrum*
„ *Vno poculo impleto aquæ viginti mensuras*
„ *Immiscuit, dulcis autem odor à craterे spirabat*
„ *Dirinus;*

Eoque callida Vlyssis fraude ebrium Cycloperem,
 gravique somno devictum sapienter canebat ;
 Siquidem Thasii eodem scribente Athæneo du-
 plex vinum fuit, alterum soporiferum, alterum
 quo fugabatur somnus, ac proindè Cælius Rho-
 diginus antiquar. lect. lib. 28. cap. 35. *Vinum*
autem vehemens, & (ut Plutarchi verbo utar)
Caroticum Cyclopi apposuit Vlysses. Vel quemad-
 modum aliqui voluere a Maronea nomen dedu-
 xit Civitate in Thracia apud Ostia Hebri flu-
 minis aureas voluentis arenas ob Orpheic平頭
 fabulantur Poetæ in illud proiectum, cum à Ci-
 conum mulieribus fuisset disceptus, vnde Sta-
 tius sylu. 2.

„ *Sic ripis ego murmurantis Hebri*
 „ *Non mutum caput Orpheos sequebar*
 præstantissimo vino laudata, de qua Tibullus
 4. I.

„ *Vieta Maroneo fædatus lumina Baccho.*
 Hinc Plinius; *Maroneum vicies tanto addito aquæ*
miscendum Homerus prodidit, duratque vis eadem
in terra generi, vigorque indomitus. Sed pace, venia-
 que celeberrimi huius viri, quænā adeo vis insu-
 perabilis mero cuique inherit, ut à vigiti aquæ par-
 tibus nō enervetur, & restinguatur? Græcorū ergo
 téperantiæ non minus, quam prudentiæ lymphati-
 ta potandi vina consuetudo adscribatur. Scie-
 bant

bant etenim vinum luctatorem dolosum , ac mētis expugnatorem esse , vnde ebrietatem celeberrimi sapientum voluntariam dixerunt insaniam , multique mortalium in hanc fæditatis coloniam transcribendi passim dederunt nomina ; *Afflunt hinc inde agminatim* inquit Rhodiginus antiqu. lect. lib. 28. cap. 30. Non pullati solum , ac ex trivio , sed terrarum quoque Principes , & quos non irruentes hostium numerosi exercitus , nec volantia tela , aut è machinis vasta mole , & ruinis saxa propulsa , excussavè contrivere , feda vini desideria deiecere in imum , & veluti captos iure belli ante triumphales currus duxere catenatos ; Sciebant etenim corporum firmitudini obesse , bonèque valetudinis iacturam ex eo infensissimè promanare , ac proindè à sapientissimis utique traditum vino , vel paucissimo , ac dilutissimo utendum ; *Quid verò membra hic referamus* (ut sæpius cum Rhodigino immoremur) tremore subsultantia continuo & sensuum omnium retusiorum usum ; ac quodammodo præmortuum & Ad hæc formæ adnectitur interpolatio : Vnde notissima , ac præcipuè memorabilis Propertij sententia .

„ *Vino forma perit , vino corrumpitur ætas ,*

„ *Vino sæpè suum nescit amica virum :*

Vox hebes , color euarians , ignea quadam vi ocu-

li scintillantes ; Anhelitus , atque animæ vita , tin-
nitus aurium , nariumque fremitus , discriminum
phrenitis plena , torminosa calculi infestatio , mole-
sta cum articulorum depravatione podagricorum pe-
dum ignavia , æstuans stomachus , & cruditatem
efflans , dum in ructus subinde respirat . Quapropter
viginti aquæ partes mero superaddendi ea
tempestate moris erat , ut innocentes animi
mores , & inculpatum corporis temperamen-
tum servarent ; Huiusmodi itaque vino , quo
in sanorum prandijs antiquiores uti consueve-
runt , quinque insuper admisceri aquæ partes
in febricitantium potationibus imperavit Hip-
pocrates ; Parùm ergo à consueto benevalen-
tium ardenti febre laborantium , quinque sci-
licet dumtaxat partium discrimine meracissimi
vini Thasij veteris distabat potus ; Aquam igi-
tur medendo febribus adversæ doctrinæ pro-
pugnatores damnandam inferunt .

Sed antequam passis vexillis ab arena pro-
ficiamur , certandum adhuc est ; Libentissimè
fatemur , & votis omnibus annuimus quinque
aquæ partibus parum (satius dicamus nihil)
Maronei vini robur edomari posse , verùm ei-
dem postquam viginti iam aquæ partes admi-
stæ fuerint , quinquenas iterum superaddere
sumnum est , statim Oligophori sapit naturam ,

pau-

pauciferi nempè (si latinè permittitur) quod colore , ac substantia (edocente Galeno) aquæ similitudinem præfert . Insuper nonne idem artis Præceptor , eodemque in opere seriem potationum in Causone exhibendarum tradens scripsit , *Aquam cælestem ipsam per se ipsam præbe* ? Quin ipsemet huiusmodi febrentibus salubres potus enumerans , sive Cuminum Æthyopicum , sive Ovorum candidum , sive Eruum , vel Trifolium , Cucumeris pollinem , crassamque Hordei farinam , vel Pulegium , & Apium , aut Malva odorata dulcia , & Cydonea , ipsumque Hordeum plenum Achilleum perpetuò vnâ simul cum aqua exhiberi iubet , & sepe actu frigida , sub diò per noctem exponito , & propinato . Semper etenim in febribus , vt febres sunt , refrigerans , & humectans medicina reposcitur , Iqua nullam aqua præstantiore natura peperit , verùm si impediens aliquod in eis persanandis obuium occurrat , eò statim medentis consilium dirigi opus est , illudque potandæ aquæ admisceri expedit , cuius ope , ac beneficio nova simul intentio adimpleri queat ; Hanc rectam medendi viam non minus sapientissimè , quam concinnè divinus senex præceperat , scribens * *Frigefactorias potionis in febribus ardentibus quando uoles , bibendas da-*

to

to, sunt autem multarum operationum, aliæ enim mictionem inducunt, aliæ alui egestionem, aliæ utrūque præstant, alia neutrum, aliæ solum frigefacunt, veluti si quis in vas aquæ feruentis frigidam aquam infundat, aut ipsum uas ad frigidum uentum exponat; Dabis itaque alias alijs. Animad-
vertatur, obsecro, aureum summi Medicorum monitum hisce comprehensum verbis, Dabisq
itaq; alias alijs; Quàm perbellè hinc edocemur febrium ratione semper potus refrigerantes cō-
petere, sed alias alijs, nempè si urinas pro-
inovere, sudorem elicere, aluum exturbare, velimus, potiones urinas promovendi, & su-
dorem, aluumque exturbanter vi præditæ exhi-
beantur; Verùm quamvis urinam, vel sudorrem promovere, sivè aluum subducere valeāt,
perpetuò frigefactoriæ sint; Has enim assiduo febrium natura flagitat, illas interdum acci-
dentia reposcunt; Ast quid in rerum humana-
rum serie refrigerandi vi pollens adinvenitur,
quod aquam æquare possit? Profectò nihil.
Non mirum ergo, si Hippocrates frigefactorias
potiones, sivè diureticas, aut diaphoreticas, vel
sterchorarias ex aqua séper cōficiebat, & quāvis
urinas ciere, sudorem allicere, uentre mque sol-
uere per se aqua ipsa potis esset, hæc tamen
munia, vt felicius expleret, aliquid valentius

addebat, vel urgente necessitate, vel maximo
aquarum vitio; Nam ubi soli culpa, quemad-
modum multis in regionibus, quibus saluberrimi
fontes desunt, ubique aut puteales aquas
incolis forbere necesse est, fontanis, & plu-
vialibus longè deteriores, præsertim si earum
ductus, aut minerales, aut limo, cænove ob-
ducti fuerint, unde putredinosæ fieri consueve-
runt, aut fluviales, easque potissimum, quæ
è magnis amnibus assumuntur, in qvos varij ge-
neris fluxiones decurrere solent, veluti mor-
bosissimas damnat Hippocrates*, ut potè lon-
gissimo tractu per diversas terrarum partes va-
gantes, modò fabulum, modò salem, arenam,
argillam, glaream deportent, gravesque, sor-
didæ, lutulentæ, teturumque etiam odorem spi-
rantes, corporibus insalubres, & vitiosæ con-
ficiuntur; His igitur nisi magna providentia,
& cautione, aut in aquarijs vasis è durissimo
lapide, vel durissima testa, sive in cisternis fa-
tis, satisque mundis, optimè incrustatis, pro-
batoque cémento litis diù asservatæ fuerint,
summoperè in potu egrorum uti prohibet, dā-
natque Magister Maximus; Ideoque eas modò
corrigit Apio, mox Cumino, vel Pulegio, ut
earum transitus intus corpora facilior evadat,

I

ro-

liq. de aer. aqu. & loc.

roburque addatur, ne diutius quam par sit in visceribus retineantur; Quando autem aquæ optimæ eligi possunt, quarum ad Orientem Solem cursus est, quæque terreno puro excolantur, indeque defæcatæ permeant, leves, gustique suaves, & gratæ, quæque omni etati, & naturæ utilissimæ ab Hippocrate nuncupantur, tunc synceræ, virgines, nulloque auditamento exhiberi debent, tutiusque, ac iucundius, si in febricitantium corporibus nihil sit quod illarum circulum remoretur; Iure igitur optimo saluberrimam hanc distinctionem edocens scripsit Præceptor, *Dabis itaque alias alijs.* Alijs nempè aut Mel, aut Vuarum passarum retrimenta, aut Coriandrum forbendis aquis addere convenit, alijs verò solas, purasque exhibere, idque vel meridiana luce nitidius effulget, si illius, eodemque in libro talia verba expendantur, *Aliæ tantum frigefaciant, velut si quis in vas aquæ ferventis frigidam aquam infundat, aut ipsum vas ad frigidum ventum exponat, neque enim dulces omnibus conducunt, neque acerbæ, neque eamdem omnes bibere possunt;* Et proinde nostra hac tempestate nos etiam ad Principis Medicorum exempla componimus, aquas in potibus febricitantium adhibentes, interdum Limonum, aut Lusitanorum aurantio-

tiorum corticibus , modò Saccaro , Pomorumque dulcium , vel Herbarum acidis concinnavimus , quas non potestate tantùm , sed actu frigidas propinare didicimus ex eiusdem oraculo , *Omnia verò per noctem sub diò exposita dabis febrienti , exceptis ijs , quibus alii plusquam conuenit fluunt ; Ac tandem omnis dubitandi ansa fugatur , densæque attenuantur caligines , in quibus pertinax illorum mens contra frigidæ potionis usum in febribus adversantium assiduè magis pingueſcit , si æqui bonique fiat hęc summi Legislatoris * auctoritas , Si verò debilis fuerit (æger videlicet) per clysterem subtus eluito , ante medicamenti verò potionem si quis febriat , danda est ipsa aqua mulsa aquosa , altera autem die , qua febris detinet , aquam frigidam quantum bibe re uolet dabis , ubi uero remiserit febris , ptissanæ succum , aut millium tenue sorbeat , & vinum album , odoratum , aquosum insuper bibat ; Si verò febris neque noctu , neque interdiu remittat , & ad contactum supernas partes habeat calidas , venter autem , & pedes frigi sunt , & lingua aspera , huic medicamentum ne dederis , sed molli infuso per clysterem subluito , & ptissanæ succum bis in die frigidum sorbendum dato , & vinum aquosum insuper bibendū , reliquo verò tempore aquā frigidissimā bibat .*

I 2

Ex

Ex quibus quis, obsecro, non subsumet, aquam præstantissimam medicinam in febribus meritò appellari, ipsamque frigidam, largèque potandam esse; Verùm non quolibet febrium tempore, non omni ægrotantium genere; Personabat Achillis hasta (fabulata est ingeniosa Poesis) sed dirissimè quoque sauciabat, necemque, & vitam afferendi æqua potestate gaudebat, de qua Propertius lib. 2.

„ *Mysus, & Hamonijiuuenis, qui cuspide vulnus
„ Senserat, hac ipsa cuspide sensit opem.* „

Sique vinum Thasyum vetus ardentibus quoque in febribus bibendum Hippocrates assentitur, id tantùm aquarum penetrationis gratia præsttit, vt ocyus suas exercearent vires, non ut meracissimo vino ægrotantibus opem ferret, nam si hoc assequi adamasset, non univini particulæ vigintiquinque addendas aquæ nobis præcipere debuisset, sed ipsum purum, sincerum, non dilutum, non Oligophorum exhibere; Elegantissimè Dictatoris mentem hisce patefecit Galenus*, *Nam dixerit forte quispiam,
quia tardiusculè permeet aqua, & plurimum tempori
ris moretur in hypocondrijs, nec deorsum concedens,
nec in corpus se diffundens, idcirco illi Acetum misce-
ri tamquam in omnem partem ferendæ futurum ve-*
hicu-

hiculum; Sic etiam si cum Vino bibatur Aqua, similiter efficacius extingui, quam si sola, vino scilicet ipsam ad distributionem promovente; Itaque refrigerationem, sitisque sedationem ab aqua provenire, ut quæ frigidæ naturæ sit, & humida; Cæterum adminiculo esse, ac uelut alas illi ad omnes corporis partes permeandas addere tum vinum, tum acetum, quæ ipsa nequaquam frigida sunt, & humida. Hinc denique compertum ducimus Hippocratem genio, & ratione aquas solas in potu febrentium semper dandas consuluisse, necessitate, ac vi interdum admistas, idque, nitidissimè eodem imperante, effulget in libro, quem de Medico inscripsit *, *Aqua exhibenda est ægris potabilis, & pura.*

Sed adhuc contra obstant durissimi adversæ sententiæ patroni, qui ab his aquæ potibus inevitabiles hydropses erumpere iureiurando testantur, utpotè in Hepar irruens sanguinis officinam refrigerando subvertat, & destruat; Non infreueenter horum aliquos allocuti neque in Iecore sanguinis factorem incolare, neque ipsum fabricæ huius instrumentum existere illius suadere conati sumus; Perperam semper, & se à veteris medicinæ limitibus, vel paucis per elongari piaculum fore testantur. Per tot

secul-

secula, clamant, ambabus ulnis sanguinis generationem in hepate celebrari sapientissimi Viri doctrinam absque ullo discrimine hucusque amplexati fuere, mox aliqui non verum, sed novum quid afferentes everttere audent, & Iecoris, insitæque ipsi facultatis sanguinem conficiendi, funus, tumulumque adaperiunt, ut indagatores, & naturæ secretis addicti, longa arcanorum illius suppelleabile abundare videantur. Vana capita, si vestris deliramentis sagax posteritas præstaret assensum, in tantæ dignitatis fastigio vetus medicina non refulgeret, verum non solùm, ut olim ab Urbe terrarum domina, sed à toto Orbe exibilata exularet, novamque medendi sectam libentissimè conderetis manibus philosophantes, solo Puteo mendentes; Galeno * Duce incedimus, cuius dogmata hæc sunt, *Oportere enim diximus in compositis corporis particulis, quibus aliqua actio commissa esset (quas sane, & instrumenta vocamus) scrutari per anatomicas eiusmodi particulam, cui nusquam in corpore alia sit similis, eamque propriæ totius instrumenti actionis auctorem putare, alias vero partes esse comunes, ut & nunc in Hepate; quod supponitur venarum principium esse, & primum sanguificationis vocant instrumentum, hæc enim in alijs*

à nobis

à nobis demonstrata sunt. Paulòque inferiùs subdit, Si verò mente repræsentaris assumptum ex ventriculo Chylum alterari à carne Hepatis, & paulatim transmutari in illius naturam; Negare equidèm non audemus ex huiusmodi argumentandi genere nobis irascibilem vellicari; Prætereamus, quæso, quæ recentiores contumaci studio, vigilijs iugibus, labore improbo è naturæ latebris hucusque invisa eduxerunt, & quemadmodum initio sermonis nostri polliciti fuimus, propositique costantes veterum placitis hæreamus. Si etiam ex Galeno ipso antiquiorum sententiæ in medium afferantur, attamen non acquiescunt, & cla moribus, non ratione pugnantes verbis triumphare adnituntur, ut potè qui vetustiora nesciunt, ac recentia non sapiunt.

Cor igitur, non Hepar, fontem, & unicam sanguinis officinam ex antiquissimis Sapientum monumentis obaudiant; Apertè equidem Hippocrates, vt ab hoc medicinæ Parente desumantur exordia, id fassus est, dum protulit*, Sanguinis certe fons est Cor, & quamvis Petri Salij elegantissimi Commentatoris interpretatio sit, fontem sanguinis ab Hippocrate nuncupari, eò quod in illo plurima, atque elaborata magis copia sanguinis colligatur; Pace tamen,

ve-

veniaque celeberrimi huius viri dixerimus, men-
tem, sensumque Summi Legislatoris nostri nō
attigisse; Deflexit enim ad Galenicam, vulgo-
que receptam Medicorum sententiam, purio-
rem nempè sanguinis partem ab Hepate submit-
ti, ipsamq; in corde veluti Cisterna quadam
colligi ad vitales spiritus generandos; Sed aliud
Cisterna, aliud Fons est; Illa imbrum aquas
asservat, hic (vt nomen ipsum evincit) vivam
aquam effundit, Cor profectò cisternæ compa-
rari dumtaxat potuit, quatenus in eius sinibus
Chylus omnis, Chymusque confluit, sed recti-
ùs, concinniusque fonti composuerimus; Nam
quemadmodum è fonte fluvius, ita è Cordis pe-
renni scaturigine ille oritur sanguis, qui mem-
bra nostra rigat, fecundat, & ad vite munera
promovet; Expressit hoc nitidissimè auctor li-
bri de Corde scribens, *Hi sunt humanæ naturæ
fontes, hinc flumina erumpunt, quibus corporis alve-
us irrigatur, atque hæc vitam homini conferunt, &
si resiccata fuerint, perit.* Hippocrati assentitur
Plato in Timæo dum inquit, *Cor vero simul
venarum, & sanguinis ad omnia membra vehe-
menter circumlati fontem constituerunt in domo bene-
munita.* Galenus* attamen de placitis Hippo-
cratis, & Platonis hanc autoritatem interpre-
tatur

tatur , aliud scilicet resonare fontem sanguinis *simpliciter* , aliud cum additione *vehementer circumlati* , sanguinisque simpliciter fontem Hepar , circumlati verò Cor existere contendit ; Hinc non mirum , cum huius nomine arteriarum sanguinem Plato intellexerit , illius principium Cor meritò constituerit ; Sed quamvis Galenus disertissimus suæ opinionis propugnator extiterit , talique pacto declinare vim huius sententiæ crediderit , proindeq; asseruerit , sensisse Platonem sanguinis *simpliciter* Cor esse principiū , ostendat , obsecro , ostendat ubi nam in suis operibus id Plato statuerit ; Et equidèm quando de Hepatis officio pertractat , tantum abest , ut sanguinis structuræ vel umbratilem mentionem faciat , ut nec verbum quidem unum de ipso sanguine proferat , neque aliquid momenti affert dictio illa *vehementer* , quę maximè à Galeno advertitur ; Nam quemadmodum à Clarissimo Cremonino in opere de Principatu Partium asseritur , ibi *Vehementer* idem exprimit , ac *Incessanter* , quasi dixerit Philosophorum Apex , Cor est principium sanguinis ad omnia membra perpetuò , atque inde sinenter circumlati ; præceptoris doctrinam genio , ac propensione recepit discipulus Aristoteles dicens * , Cor prin-

K

ci-

cipium , & fons sanguinis , sive conceptaculum pri-
mum , quod expressius edocuit * , In corde pri-
mum sanguinem gigni , atque ideo prius quam corpus
ipsum dearticulari : Verum innumeræ ferè sunt
Veterum authoritates , quibus hoc ipsum sua-
deri possit , & tanti apud Peripateticos huius-
modi sententia fuit , ut adversus Galenum , ac
Medicos omnes eorum agmen perpetuò stete-
rit , quamobrem Averroes , alijq; plures etsi
concesserint rudimentum quoddam sanguinis in
Hepate elaborari , ultimate tandem absolvit , ac
perfici in ipso Corde putarunt , & proinde non-
dum humorem sanguinem esse , alendisque par-
tibus idoneum credidere , donec à Corde vlti-
mum complementum receperit , licet alij etiam
fuerint , qui putarunt , non totum sanguinem
ad Cor irruere , sed Venalem cum Arteriali ad-
misceri , illumque tunc ultimate (utamur scho-
lasticis verbis) elaborari , aptumque ad partiū
alimoniam reddi ; Nonnulli tandem arbitrati
sunt , solum sanguinem venalem ineptum nu-
tritioni existere , adeo ut iuxta eorum placitū
verus , & legitimus sanguis , qui nempè con-
sumptas partes servare , ac reficere valet , non
nisi beneficio Cordis , à quo Arterialis emanat ,
perficiatur ; Nobis autem perpetuò arrisit ijs

po-

potius subscribere, qui omnem sanguinem à solo Corde fieri, nihilque muneris, & officij ad illius productionem ab Hepate suppeditari opinantur; Nec sanè rationum momenta deficiunt, quorum viribus huiusmodi sententia undique muniatur; Nonnè apud doctiores homines Cor ante alias omnes partes principiò generatur, sanguinem gignit, & continet nullo adhuc alio viscere nato, veluti manifestissimè oculis nostris in ovis tertia, aut quarta die ab incubatu dignoscimus? Nonnè hinc forsan argumenta construimus ex apta, atque disposita materia sine ullo alterius visceris adminiculo, cum non adhuc viscus aliud extet, Cor sanguinem producere? Immo totum sanguinem, unde aliæ nostri corporis particulæ constituuntur, & qui idcircò exquisitissimè perfectus, omnibusque numeris absolutus à solo Corde produci? Nil mirum igitur si Peripateticorum Princeps * scripserit, *Omnia sanguinea primum Cor habere*, Ea videlicet ratione, ut eius opere sanguinem confiant, à quo postmodum aliæ etiā nostri corporis particulæ [si illius verbis loquamur] corporentur; Et quod alibi tradidetur, Primogenitam omnium partium sanguinem esse, ut singulas alias ex ipsa sanguis com-

ponere possit. Nonnè alia ratio & potissima ex eo elicitur , quod in aliquibus sanguis corrupto Hepate, & Liene generetur , verùm ob quodlibet Cordis vel levissimū intemperamentum prauus sanguis efficiatur, hincque ipsum Cor in sanguine producendo vim dumtaxat , & potestatem habere exploratū videtur ? Agnovit id quoq; Comicorum Princeps Plautus, dū in Curculione scripsit *

,, Radices Cordis pereunt.

Intellexit etenim exiccari fontes sanguinis , ac proindè emaciari universum corpus genio , & nutrimento fraudatum , & in Mercatore subiunxit .

,, Cor miserum meum ,

,, Quod guttatum contabescit , quasi in aquam indideris salem .

Quapropter in Selectis Medicis clarissimus Vanderlinden testatur, in cuiusdam viri cadavere Cor Pyro assato persimile adinuenisse ab esuie multorum mensium , huiusque causam vlcus cancerosum horrendum, ingens extitisse , quod cum totam gulam, quo Asperg Arterię adiacet, & sub Larynge, occupasset, novissimis vitæ diebus liquidi cuiuscumque ne guttulam quidem descendere , ac penetrare permitteret ; Quod

au-

autem corruptis Hepate, ac Liene sanguis nihilominus elaboretur, historiæ quamplurimæ confirmare possunt, præcipueque quod plerique referunt de Mathia Ortelio, qui Hepate, & Liene carebat, intestina verò musculis, & carnis infarcimento præmunita illi fuerant; Nonne Cor sedes prima innati ignis nostri, & domestici est? Sed calidum natuum, primumque coetorium idem existere, non tantum Hippocrates, & Aristoteles voluerint, ac quod summum videtur, ipse quoque Galenus asservit*, Non est aliud (dum protulit) quod format animal, aliud quod auget, vel ad mortem usque nutrit, sed hæc omnia facit calidum innatum. Vnde non iniuriæ ex huiusmodi sententia posset adversus ipsum ita ratiocinari; Si idem calidum format, formatum auget, auctum nutrit, nutriendo denique usque ad mortem conservat animam, qua fronte, disertissime Medicorum, negabis, non coquere sanguinem, & non coquere in Corde, ubi Focum, & Ollam habet? De Foco ex superiorius dictis iam patet; De Olla notabile illud, quod aduersus Galenum acerrimi vir ingenij Caspar Hofmannus** advertit, illud scilicet, inquisivisse cur natura i Hepate, quod sanguinis principiū existimavit, lacū aliquem magnū non constru-

struxerit, quales in Corde duos; Hinc subsu-
mere licet, ad sanguinis coctionem opus esse
Cisterna aliqua, qua cum Hepar destituatur,
sanguinem vtique coquere, perficereque non
poterit; Ea verò cum Cordi insit, negare quis
audeat, in ipso sanguinem non integrè elabo-
rari? Quin tanti vrgens hęc ratio penès Gale-
num valuit, vt interstitium quoddam concedat
inter radices Venarum Portę, & Cavę, in quo
ex Chylo coctiore generetur ipsemet sanguis;
Nonnè Cor Arteriarum, & Venarum principi-
um est? Quod nullus negare audeat, nisi antea hoc
maximi Peripateticorum enodaverit argumen-
tum; Ibi principium est venæ, ubi vena ipsa nō
est, quapropter cum in Hepate, non in Corde
vena reperiatur, siquidem vena in cordis inti-
mum non penetrat, at substantiam Hepatis un-
dequaque pererrat, Cor sanè, non Hepar princi-
pium statuendum erit; Nonnè Chylus omnis
ad Cor confluit? Hoc peregrinum ad illos non
perveniet, quibus notum fuerit felicissimum
celeberrimi Pecqueti inventum, quo per la-
eteas venas Thoracicas Chylum sursum ferri
compertum est, & inde unà cum sanguine à nu-
tritione Capitis remeante in subiectum Cor ir-
ruere, hinc verò constrictione Cordis in Arte-
riam Pulmonalem [veteres venam Arteriosam

di-

dixere] tum in Aortam truditur , & ad instar
Mæandri sanguinis circularis ille motus sit ,
quem omnium prior Illustrissimus Guilielmus
Harveus Anglicus in toto corpore detextit ;
Ante enim tantum virum de motu sanguinis
orbiculari in Pulmonibus ex Aristotelis placito
celeberrimus Cæsalpinus * hisce disservit . *Idcir-*
co Pulmo per venam arterijs similem ex dextro cor-
dis ventriculo fervidum sanguinem hauriens , eum-
que per Anastomosim Arteriæ Venali reddens , quæ
in sinistrum Cordis ventriculum tendit , & huic san-
guinis circulationi ex dextro cordis ventriculo per
Pulmones in sinistrum cordis optimè respondent ea ,
quæ ex dissectione apparent , nam duo sunt vasa in
dextrum ventriculum desinentia , duo etiam in sini-
strum , duorum autem unum intromittit tantum , al-
terum educit membranis eo ingenio constitutis ; Vas
gitur intromittens vena est magna quidem in dex-
tro , quæ Cava appellatur , parva autem in sinistro
ex Pulmone introducens , cuius unica est tunica , ut
ceterarum venarum ; Vas autem educens Arteria
est magna quidem in sinistro , quæ Aorta appellatur ,
parva autem in dextro à Pulmone derivans , cuius
similiter duæ sunt tunicæ , ut in cœteris arterijs . Quam
anè doctrinam in Quæstionibus Medicis clariùs
nde resumit .

Sed

Sed tamquam à promissis recedentes ab hostibus irridemur , dum sæpiùs antiquorum auctoritatibus , ac doctrinis inniti solummodò velle dixerimus , nunc verò Pecqueti ductum , Charletonis funeratum Iecur , Harvei sanguineas choreas , nugas recenter natas , plicasque futiles , tamquam veritatis simulacra decantemus ; At nobis respondeant quæso ; Plato forsan , & Aristoteles , Auctor nè Libelli de Corde , inter iuniores habentur , qui paucis ab hinc mensibus effloruerint ? Verùm si ad præterita secula oculos , mentemque devoluent , illud Senecæ * verissimum intventur . Naturam Eleusin dixit [scilicet occultantem] quatenus sacra sua non simul tradere , sed revisentibus , & posteris diligentioribus revelare ; Ab antiquis Medicinæ Principibus bonarum artium , ac disciplinarum ferè omnium origo tamquam à fonte quodam uberrimo ad nos promanavit , in quorum monumentis restituendis , aut illustrandis non minorem laudem , & gloriam , quam in novis conscribendis inde plurimi compararunt ; Nova equidèm multi in artis nostræ augumentum , & decus adinvenire , quod oculatissimè Galenus ipse Comm. in lib. de hum. sect. 5. posteritatem sic alloquutus adverterat ; In rebus medicis non tam fortiter in-

hæ-

hærere debemus veterum opinionibus, adeò ut statim fidem adhibere debeamus ijs, quæ ab ijsdem dicta, vel scripta sunt; At non pauci suaui furto vetustiorum ère se se ditarunt; Nonnulli tandem exiguis, & subobscuris, vt potè vix orientibus, veterum principijs incrementa præstiterunt, & lucem; Non uno Veritas adolescit exortu, quemadmodum nec uno plantæ prosatu, incrementoque proficiunt; Disciplinarum plerumque semina Avorum sapientia sparsit, Nepotes verò subcrescentia germina virentes extendunt in ramos, assertisque propaginibus vel ex integra industria, aut adscititijs ex floribus feliciori manu feracissimè legunt; Sanguineæ circulationis olim molimina vetus Erasistratus delibauit, innuitque sanguinis, ac spirituum à venis in arterias, & ab arterijs in venas fieri commeatum, quem *Peremptosin* nomine veluti ab Orco nostris oculis vix apparentem eduxit; Verùm ævo hoc ad illius doctrinam firmandam iam patent vię, neque solùm in Animantium corporibus sanguinis circularis motus refulget, sed in ipsis quoq; plantis, cuius inventum magnum doctissimo Marcello Malpighio debetur, Viro equidé à Naturæ secretis, qui dubijs fidem, obscuris nitorem, obsoletis gratiam, falsis, atq; nutantibus veritatem conciliavit; Nonnè Erasistra-

to senior Hippocrates * inquit , *Principium magnum* , Cor scilicet , in *extremam partem peruenit* , atque ex *extrema parte in magnum principiu* ? Nonnè in libro de *Diæta* protulit (quisquis operis illius fuerit eximius auctor , quem nos invito etiam Galeno cum doctissimo Antonio Ponce Sancta Cruce , alijsq; celebratissimis vi- ris Hippocratem extitisse non suspicamur) *Cir- cuitus in corpore est* , unde *incipit* , in hoc *definit* ; Paulòq; antea protulerat ; *Semper autem anima suas ipsius partes circumambulat* . Quæ auctoritas , tum Empedoclis doctrinæ amatoribus animam in sanguinis substantia collocantis , tum nobis arridere videtur , cum superius , nec infre- quenter animæ nomine innatum calidum asservimus ab Hippocrate designari ; Verùm ex ijs etiam contra Nos adversarij confruent ratiocinia ? Iam illos acriter his arguentes habemus ; Non igitur sanguinis , sed nativi caloris circulus ex Hippocratis oraculo animæ appellatione deducitur . O Viri magni , ecce vobis herbam proclamaret Hofmannus ; Non solus meherculè , sed comite sanguine domesticus ignis noster ad singulas corporis excurrit particulas ; Et anima ut suo principe utatur instrumento unà secum omnibus obeundis vitæ muneribus toti corpo-

ri preæst, & à Corde, cuius regale solium existere, ubique *radicaliter* [si scholasticè loqui, & Michaelis Ephesij distinctioni inservire liceat] habitare, & singulis membris *virtualiter* inesse iure meritò arbitramur.

At nonnè in Hepate quoque anima à Philosophis, Medicisque collocatur? Forsan non scripsit Galenus, *Vnde ex his collectis quæ dicta sunt, est perspicuum mire fuisse Iecur affectum principium vegetatricis, & naturalis animæ; Cuius ostensum est quatuor esse virtutes, attractricem, retentricem, alteratricem, & expultricem, quæ suppeditant corporibus, & nutrimentum, & augmentum; Et hac affecta, mirum in modum appetitus perit, ut mori citius, quam gustare quicquam, sustineant ægri.* Et ex mente Platonis * talia non protulit? Gubernant animal (ut in libris de Hippocratis, & Platonis dogmatibus est monstratum) tres diversi inter se generis facultates, toti corpori ex suo quodam veluti fonte quæque distributæ; Eas Plato animas vocat, propriam cuiusque substantiam inveniens; Est enim earum quædam ad nutriendum animal necessaria, ac cum stirpibus communis, quæ Iecur veluti pro fonte habet; Canales verò ad hoc in totum corpus sparsos, ipsas venas; Hanc seu appetriticem, seu naturalem, seu altricem voces, nihil interest, velut

L 2

tinec

ti nec si animam, aut facultatem; Altera est, quæ non modò ut stirpibus, aut vita præditis, sed etiam ut animalibus anima est insita; Hæc sedem in Corde habet, ipso quoque insiti caloris quodam ceu fonte; Ab hoc fonte canales arteriæ sunt; Vocaturque hæc multis sanè nominibus, Nam & facultas, siue virtus vitalis, & facultas, siue virtus animosa & anima vitalis, & anima animosa dicitur; Tertia anima, rationatrix, in Cerebro domicilium habet; Ea voluntarijs actionibus vna cū sensibus præsidet; Utitur & hæc particulis quibusdā, ceu canalibus, nempē ipsis nervis, sensum, motumque per hos in totū animal transmittens; Sique membrorū principatū illi tribuendū volvimus, quod sanguinis officina, & regia animæ extat, ut firmius sic arguatur; Vbi Anima sibi regale atrium collocavit, ibi, & fons sanguinis, aut vnde sanguinis scaturigo, ibi etiam Animæ domicilium, ac proinde si in Hepate Anima imperat, quis illi sanguinis generationem contendere non imprudenter audebit? Hisce adhuc hostes adversus nos in Hepate, & sanguinis genesis effici, & aulam Animæ reponi pertinaci studio contendunt; De loco productioni sanguinis addicto fatis iam disservisse censemus; De animæ sede, ut Cordis dignitas magis, magisque eluceat, mox quoad fieri possit, clariora affecimus; Sique differentes aliquantulum hic im-

mora-

morabimur, nobis officiosam humanitatem legentium veniam allaturam confidimus, dum & ad institutum nostrum non parùm spectantia enarrabimus, verùm nonnullos etiam, qui nos hanc sententiam secutos irrident, leniter redarguemus.

Apud Physiologiæ studiosos Viros dubitatio-
ni locus reliquus est nullus, duas inter partes,
unde constat Animal illud (si cum Cicerone*
loquamur) Providum, Sagax, Multiplex, Acu-
tum, Plenum rationis, & consilij, quod voca-
mus Hominem, corpus scilicet, & animum,
huncque imperantis officio, illud servitutis mu-
neribus esse destinatum; Quandoquidem non
fugit [audiatur Lactanctius] hominem nequam
Salustum, qui ait, omnis nostra vis in animo,
& in corpore sita est, animi imperio, corporis
servitio magis utimur; Vnde consequens illud
emergit, nobiliorem esse censem tam in corpore
partem illam, quæ veluti regis animi aula, &
fides est aptissima, & in qua præcipuas suæ po-
testatis functiones administret, sublimeque do-
minium exerceatur; Investigemus itaque utrum
Cor, an aliud quocumque sit membrum tanto
dignetur honore; Verum si aliqua Philoso-
phorum placita in medium adducemus, in ijs
tan-

tandiù non immorabimur, ut singula luculent-
ter, ac censoria lance expendamus, quæ Plu-
tarchus * summo studio, ac diligentia cumula-
vit, adeo ut enarremus, & quænam prepon-
deret opinio inquiramus; animam in toto cor-
pore inesse, Platonem, & Democritum tradi-
disse, Strabonem in superciliorum intercapedi-
ne, Erasistratum circa membranam cerebri,
quam *Epicranida* vocant, Erophilum in Cavo,
seu fundo Cerebri, Stoicos in universo Corde, aut
Cordis spiritu, Parmenidē, & Epicurū in toto Pe-
ctore; Alios ī Collo Cordis, alios in mébrana ipsū
ambiéte, alios in Diaphragmate, nonnullos verò
putasse eò usque ad Caput pertingere, unumque
pro cunctis Pythagoram vitalē animæ partē circa
Cor, rationem, mentemque circa Caput con-
stituisse, quæ etsi speciosa sint omnia, suosque
fautores invenerint, nihilo tamen seciūs ad duo
capita ità redigi commodius posse videntur, ut
hinc inde veluti collato pede Triarij pugnant,
atque scuta scutis, hastas hastis opponant; Fue-
runt igitur alij, qui Caput, aut aliquam eius
partem principem animi sedem constituerunt,
alij verò non famæ, nominisque minores, qui
Pectus, & in eo Cor tantæ dignitatis apice ma-
luere decorandum, quos inter Pythagorica di-

stincti-

stinctio media est, pro diversis animæ potentijs & facultatibus, diversas quoque eidem esse tribuendas stationes, quippe domicilium illud appellare non libet, ubi tamquam vinculis mancipatus spiritus noster æthereus detinetur ad tempus, geminasque complectitur, altera totum occupans, cum quælibet corporis portio videatur angusta; Ad priora igitur redeuntes asserta, quibus calculum plures adjiciunt, favorabilique suffragio stabilunt, plurimum in se momenti continere illorum sententiam prisca fide, candidèque fatemur, que Caput animi arcem nititur asserere; quippe apud Ægyptios primos sapientiæ aucupatores, & apud Græcos ipsius certè magistros, nec non penè Latinos, tum antiquos, tum Iuniores, infinitos ferè dignoscimus hoc ita sentientes, ut vel Tullianus Scipio id ipsum doctissime somniaverit, cum veluti custodiā Animi corpus existere audivit, in quo certè vigilias in sublimiori specula mens ipsa sedens innovabit, excubiasque constituet; Nec defuere, qui aram animalium potentiarum Caput esse firmaverint, principemque vim animæ continens, Hesiodi, atque Euripidis auctoritatem secuti; Est enim caput hominis Sphæroides (scribente Rhodigino) Cæli quadam similitudine

dine, in quo est, *to o lolampes logisticon* idest hinc
inde eniteſcens rationis facultas; Ideoque Ho-
merus philosophatiū Magiſter Palladē ex Iovis
Capite, nēpē (ut interpretatur Eustathius) ex
intelligētiæ fonte sapientiā fluxiſſe fabulatur. Hic
prēſtō eſſet Galeni, aliorumque Medicinæ Pa-
trum firmiūs ubique conſensus, & tanta poſ-
ſet verborum copia oratio noſtra cumulari, ut
in volumina excreſceret; Sed tamen tantorum
pace, bonaque venia sapientiæ procerum, nos
illis potiſſimū adhæremus, qui Cor regiam
animæ faciunt, pro qua ſtabilienda ſententia,
celeri gressu excurrentes auſtoritates gravif-
morum hominum, & ratiocinia innuemus; Et
quamvis primū advocatione viderentur Medi-
cinæ Principium opiniones, ut ab eo ſumeren-
tur exordia, quod plus habet maiestatis, & pō-
deris, nihilominus in aliena prius Caſtra tran-
ſibimus, ut ex aliorum penū ſupelleſ noſtra
augeatur, nobilique furto ditemur, quod ple-
rumque magis apud vulgus ſolet invenire
fidei non domesticum testimonium, & inimi-
corum confeſſio indubitatum genus eſt proba-
tionis.

Loquatur ergo inter Cænas Athenæus, & ex
Philotimi, & Praxagorę scriptis afferet in Corde
Animi domicilium adinveniri, quod Homeri

ver-

verbis confirmabit hisce canentis, si latinè redantur

„ *Ipsi quoque Hectori animus in pectore quatiebatur?*
fatebiturque apud Sophoclem nutrix illa

„ *in animo meo, o Phædra, non saltat pavoris filia,*
quo loco Cordis palpitationem pavoris filiam appellat, aitque ipsam non amplius saltare in animo, in Corde scilicet, ut potè Cor Animæ sit Regia, & apud Anaxandridem, qui perplexo pendet animo ita loquitur

„ *O Cor imprebum*

„ *Solum in corpore gaudes malis,*

„ *Saltas enim protinus quam timore percussum vi- deris.*

Athenæo Macrobius succedat, atque ex illo doctissimus in suis animadversionibus Rhodiginus*, qui postquam retulit cur per Cancri portas animæ in terras demittantur, per Capricorni verò fores ad superos revocentur, atque Austri, Boreęque naturas expressit, Illud porrò animadversione dignum (subiungit) animam, quam esse medium rerum statuunt, iussu Dei, quem esse Mundii centrum volunt, in punctum Cordis medium, quod est corporis centrum, infundi primò, mox per universa corporis membra propagari, quando currum suum naturali coniunxerit calori, per calorem spiri-

M tui

tui corporis, ac per hunc humoribus inferverit, postremque membris per humores; Ceterum si quis fortasse varijs, peregrinisque doctrinis nusquam adduci destinaverit, & iuxta Divi Hieronymi prescriptum ad lætam nonnisi sacris literis fidem habeat, id ipsum testabitur ultimo loco non ultimus eruditione Ioannes Olearius his verbis, *Cor quod Grecis kardia dicitur, totam animam significat, cuius sedes à Scriptura * in Corde statuitur, Hebræi quippe totum regimen hominis Cordi tribuunt, & omnino rationalem animam in ipso collocare videntur, certè perinde, ac si ea ibi habitaret, Cordi omnem vim intelligendi simul, & eligendi, volendi pariter, atque agendi adscripsere;* Hæc igitur verissima comperimus, & si fortasse omnia Arnobij ** verba sumamus, *Nequeant veri esse consortia, adeo tamen fortibus, & validissimis probationibus omnes agunt, ut reperire non possis quidnam tibi videatur falsum, quapropter manus dare si quis contraria sentiat, palmamque tribuere debet, nisi & vera destruere niterentur multi, & nihil omnium probaretur assensu, nam rationibus peditimus, & coniectamus humanis, atque ut fieri meruisse quid remur, ita esse oportere contendimus:* Sed ab alienis castris, quò, ut Seneca dicebat, non veluti transfugæ, sed tanquam exploratores

pro-

profecti suimus, iam ad nostra redeamus signa,
 & quantum virium egestas patitur, ex abditis,
 arcanisq; medicinæ penetralibus veritas affera-
 tur in lucem, firmiusque asseramus Cordi inter
 cætera membra principatum Animæ & domi-
 cilium inesse, ideoque nostra à Philosophis ori-
 atur oratio, quorum (ut ait Lactantius *) gra-
 vior est auctoritas, certiusque iudicium, quia
 non rebus commentitijs, sed investigandæ ve-
 ritati studuisse creduntur; Primus igitur audia-
 tur Aristoteles quasi Platonem reprehendens,
 qui intelligentem Animam constituebat in Ce-
 rebro, sentientem in corde, naturalem in He-
 pate inquirit, *Vtrum unumquodque eorum sit ani-
 ma, an pars animæ, & si pars, utrum sit sepa-
 rabilis ratione solum, an etiam loco?* &c. Cum er-
 go extra dubitationis aleam existimemus unam
 nobis Animam, eamque inseparabilem esse,
 consequens sanè erit, eam in una dumtaxat
 parte, eaque precipua, & nobiliori viventis,
 nempè in Corde, ut doctissimè Magnus Alber-
 tus Philosophatur, cæteras verò vividas effici
 per virtutes, seu facultates [qui antiquorum
 est loquendi modus] Animæ eò transmissas,
 vel quemadmodum nonnullis arrisit, licet in
 toto vivente sit Anima, in uno tamen Corde

præcipuè , ac velut in radice sua , indè verò ad alias partes effunditur non motu , sed modo quodam alio nobis occulto , quorum rationem intelligere nulli Deus ipse naturæ conces- sit , ut imbecillitatem humanæ sapientiæ redar- gueret ; Verùm et si Clarissimi Zabarellæ pace huic expositioni in physicis subscribere indignemur , velut nec illis etiam , qui Animam na- turalem , & sentientem in toto esse corpore ex- tensam , & dividuam secundùm materię exten- sionem assentimur , ex alterutra tamen senten- tiarum semper educitur in præcipua quadam parte considere , quale est Cor in Animalibus , in reliquis verò aliquid ipsi Cordi respondens , quod Philosophus his de motu animi approbat ; Frigefactis cæteris partibus vita superstes adhuc remanet , Corde autem frigefacto statim amittitur ; Hinc igitur principium caloris , atq; Ani- ma dependet omnibus ; Et quis vel Galenicæ doctrinæ vindex contendere audeat , cum ab eodem Anima dicatur calor non aliundè ascitus ? Et à Poetis sapienter , ac ingeniosè vigor igneus sæpiissimè nuncupetur ?

„ Omnis , & unà

„ Delapsus calor , atque in ventos vita recedit .

Cor igitur Animæ sedes , quòd sedes est caloris , & fons . Non etenim prius viuere definit Ani- mal ,

mal , quam ibidem omni extincta domestici ignis scintillula rigore torpeat occupatum , à motu siquidem Cordis , ab Anima ipsa per se facto omnis alius motus , & nutritionis , & sensus & appetitus emanat ; Quis autem feret in Philosophiæ , vel Medicinæ studioſo Viro illud in Po- etis vix tolerandum commentum , tres in nobis (vt de Gerione , & Herilo cecinit Vates *) Animas contineri ,

„ Nascenti cui tres animas Feronia mater ,

„ Horrendum dictu dederat ;

Verùm si cogitationes istorum stultas , re , atque argumentis dignoscere quisquis amet , consulat doctissimos Cæfarem Cremoninum in Apologia pro Aristotele , Turritanum in Artem parvam Galeni , Casparum Hofmannum , in eorum si quidem ratiocinijs omni procul dubio acquies- cet ; Nos equidèm eadem haud referemus , sed tamquam firmum , certumque assumentes , Ani- mam hominis vnicam esse ad probandum Cor statui debere Regiam Animæ Ephesij ** luculen- tissimi Commentatoris verbis loquemur ; Si enim anima est una , rationi quoque consentaneū est , ut una itidem sit pars , quæ ipsam contineat , nam cum indivisibilis sit , & incorporea , quemadmodum sustinet substantiam suam pluribus in partibus adin-

ue-

ueniri? At si uni particulę primatus tribuēdus est cuinam aptiūs , quam Cordi donabitur? Ipsum etenim , vt multa paucis involuamus (teste Philopono *) primum fuit , ut alias partes componat , fabri instar eas ministerio suo procurantis , atque perficientis ; Quod , ut oculis etiam subijciatur fidelibus , quid , obsecrò , aliud censemus esse punctum illud sanguinis saliens , quod primò in pulli fabrica micare conspicimus , nisi Cordis rudimentum , cuius æmulatur motum , cuius calorem ostentat? Neque enim solummodò ratione originis principatum sibi Cor vindicat , sed etiam eò quod ceteras partes calore exuperet , ideoque prius vitale munus aggrediatur , citius namque (edocente Aristotele **) aliæ partes perficiuntur , aliæ tardius , prout ignem singula nactæ fuerint , & alimentum . Si itaque primum per se movetur in Animali , & vivit Cor , priùs erit Anima insignitum , ideoque fons eius ; Addatur illud principium esse sanguinis , absolutè iuxta plurimos , vel saltem arterialis (si concedatur Galeno .) Addatur esse Animali cuique necessarium , sine quo nullum unquam natum repetitur , ipsumque dumtaxat extrà venas sanguinem continere , quamobrem Orientales sedem Animæ in sanguine statuebant , eoque sensu An-

ma

ma pro sanguine non raro sumitur, sic in Nebulis Comici, Cimices [quos Corinthios vocat] Animam bibunt, & qui in prælio vulneribus occumbunt, Animam dicuntur effundere, unde apud Poetam

, *Purpuream uomit ille animam;*

Quæ locutiones impropriæ, cæteroquin impiæ sunt, vel iudice Viro Cœlesti Hippocrate illos acritè obiurgante, qui iugulatis hominibus manantem è corpore sanguinem conspicati hunc Animam humanam esse censebant; Quod nisi adhuc sufficiat, nova experimenta succurrant, Cor videlicet necessariò calere, ac more Clibanii estuare propter spirituum redundantiam, carneamque materiem, idèque ex illius affectione, seu inclinatione ad temperamentum cetera membra disponit, inque medio Corporis collocatum, ut partibus omnibus regimen idoneum accommodet, tutiùsque custodiatur, qui locus est Regis, vel procedentis in pace, vel in bello obeuntis discrimina, quare

, *Ipsa agmine Pallas*

, *In medio*

&

, *Medio Dux agmine Turnus;*

à Marone describitur; Et quis iam ibit inficias, omnium Animæ virtutum Cor esse, atq; in-

inter viscera omnia Dynastem, & Regem? Profectò equidèm audiendi illi non sunt, qui partim Cor, partim verò Cerebrum, aut quid aliud in corpore dominari volunt, quippè frequens esset dissidium, & à naturæ melioris instituto summoperè alienum, & dissonum, propterea quod impatiens Consortis est regnum, & pax nulla consistit (Homero teste) ubi unius imperio non obtemperant vniversi, quare ex Phæbi Cortyna illud prosiliuisse credamus summi Peripateticorum ratiocinium sèpius repetitum in opere de Partibus Animalium*, *Vbi fieri potest, unum esse multitudini præferendum.*

Cum itaque nullus aliquam Cordi præcipuam deneget facultatem, & ex Anatomen profitentibus nemo ipsi calorem ex alio membro prouenire afferat, reliquum sanè est, ut Animæ regale domicilium nuncupetur, quod per se ad cuncta sufficiens, alteriusque non indigens adminiculo, in plures non dividat principatum; Verò igitur verius Alexandri Aphrodisiensis celeberrimum dictum elucet, *Cor esse quasi Animal in Animali obseptum, atq; conclusum,* quod ex fabrica ipsius maiorem in modum mirabili contemplari cuique licet; Hac certè de causa tot in monstris corpora fatemur existere nul-

nulla capitum habita ratione , quot in illis Corda reperiuntur , quamobrem non tres Canes , sed triceps Cerberus , aut Centipes ab Homero Philosophorum Magistro appellatur , Biceps Janus , seu Quadrifrons , quem idcirco felicem vocat Satyricus .

,, quod nulla cum Ciconia pinsat .

At ne istud ulterius vertatur in dubium , Auctoris Libri de Corde , ipsiusque Hippocratis testimonium firmissimum afferemus , scripsit enim ille * , *Mens hominis in sinistro ventriculo Cordis sita est , & reliquæ animæ imperat , Hinc in libro de Diæta ** Animam versari in Calidissimo , ac validissimo igne , quem , ut elicitur ex eodem *** , in Corde reposuit ; Cuius auctoritate Latini fere omnes unanimes in hanc iuere sententiam ; Ideoque benè cordatum Virum pro sapiente usurpantes , stultos , & inscios Cor non habere dixerunt ; Hinc Iuvenalis de insipiente scribit *****

,, sed leva in parte mamillæ
Nil salit Arcadico Iuveni .

& lepidissimè Ausonius de Rufo ***** Grāmati-
corum insipientissimo , qui semper differens pro-
ferre consueverat , *reminisco* .

,, *Reminiscor [inquit] diceret si Cor haberet .*

N

Quin

Quin? adeò celebris, & vulgaris hæc sententia fuit, ut si universa enumerare velimus.

,, *Ante diem clauso componet vesper Olympo.*

Quare his contenti cum eleganti Georgij Buchananî * historia, postremam dissertationis nostræ clausulam imponemus.

Monstrum in Nortumbria natum fuit, in inferiori corporis parte unicum, nec quidquam à comuni hominum forma discrepans, Umbilicūm verò supra truncō corporis, ac reliquis membris geminis specie, & forma discretis; Id Rex iussit educandum, erudiendumque in varijs artibus, & præsertim in Musicis, in quibus sanè mirum quantum profecerit; Quin? varias quoque didicit linguas, unde quispiam deduceret non unico dumtaxat Corde præditum fuisse monstrum (si aliquid Suetonio crederetur ferente Gellio, Euheimerum Poetam, qui Ofcam, simul linguam cum Græca, & Latina coniunxerat tria se Corda habere dicebat) & equidem animadversione dignum ut vox diversa sonaret, variaeque voluntates illud in affectiones raperent varias, & duo illa quamvis in unum desinentia corpora inter se se pugnarent, ac secum discordia dissentirent, interdùm, & invicem litigarent, cum aliud alteri placeret, non rarò

raro tamquam in comune sibi metipsis consulserent, cum aliquid amica molirentur conspiratione; Sed unum minimè prætermittendum, quod si quando Crura infernè, Lumbique offendenterunt, dolor utrumque corpus angebat, si verò supernè alterutrum pungeretur, ad unum tantum corpus doloris sensus perveniebat, quod discrimen in interitu maximè effulsit, nam cum alterum corpus complures ante dies extinctum fuisset, dimidio sui computrescente, paulatim, ac sensim contabuit; Ex qua equidem narratione quis non colliget, geminum hoc extitisse monstrum, eo quod in ipso Cor geminum fuerit, ut oculatè visum fuit experientia? Iure igitur Corde functiones exercente suas, incolumis perdurat vita, eoque ab ijs feriante, iam deficit; Hoc itaque Regiam Animæ, Fontem sanguinis, Principiumque animalium illi etiam, qui Veterum auctoritati, rationibus, atque experimentis nituntur, confirmare tenentur.

Procul dubio è limitibus instituti sermonis, & pollicitæ brevitatis nimiùm discessisse videbimus; Verum si genio suaviter animum impellenti, negocioque nostro huic pertractando vel parùm indulgere quis velit, non equidem absque segete nostrum agnoscer excusum; Ad rem itaque revertentes, nihil sanè adversus do-

& trinam exhibendæ aquæ in febribus, aut in ipso-
 met Hepate, aut in Corde sanguis elaboretur mo-
 menti inferre hostes adhuc ratiocinantur, satis
 est nobis inquiunt, ut ex aquæ potibus frigefacta
 sanguinis officina, eiusque emortua insita facul-
 tate, & nativo calore, æger in Hydropem dela-
 batur; Nos verò sive Iecur, sive Cor sanguinem
 efficiat, penè etiam Antiquorum opinionē nul-
 lum discrimen intercedere ad Hydrops produ-
 cendos illis non assentimur, sed eorum assertū
 à veritate totis fidibus dissonans relegamus,
 quamvis de hoc disquirere nostrum minimè iu-
 dicemus; Tantum abest, ut ex frigidæ potu
 (dummodò enarratis conditionibus eam Me-
 dici largiantur) in Hydropem quisquis ruat,
 quin satius ex errore in illa ebibenda iam Hy-
 drops factus, ab Hydrope eiusdem aquæ auxi-
 lio secundùm rationem exhibitæ citò evadat,
 & iucundissimè persanetur; Cuius Præceptoris
 nostri * fides candida teneatur, *Ex his verò*
aqua intercus oritur, si quis per aestatis tempus ex
longo viæ itinere in aquam pluviam & statariam
inciderit, eamque avidè copiosam biberit; *Si igitur*
carnes aquam combibant, & in se contineant, nus-
quam autem secedat, hæc contingunt; *Siquidem in*
carne fuerit, ardorem ventri, & corpori exhibet,

pro-

proindeque pingue, quod in ventre est, colliquefit. Hic quo ad iter fecerit, nihil mali habere videtur, cum autem ab itinere cessarit, Solque occiderit, confessim multum laborem exhibet, progresso vero morbo admodum extenuatur, si que etiam cibi fastidium contingat, multo magis extenuatur. Quod si cibos quidem edere possit, exerceri autem nequeat, magis etiam laeditur, horum plerisque laxus tumor etiam toto corpore excitatur, & extenuato quidem color lividus existit, & venter magnus, sitis vehemens detinet, eiusque viscera pre calore exsiccantur; Temporis vero progressu ad edendum quidem promptus existit, & quicquid quis exhibuerit comedit, & babit, nihilque dolet; Quod si tumor laxus detineat, ei color pallidus existit, & enaque nigrae crebrae per corpus distenduntur, ex re quavis irascitur, & tristitia afficitur, quamvis novi nihil contingat; Venter nimio humore perhumescit, intumescit, ac pellucet velut lanterna, procedenteque tempore cibos repudiat, sed videntur cucumeris agrestis odorem pra se ferre pra fastidio.

Ex quibus quis adeo cæcutit, ut germanam Hydropis speciem non intueatur? Ad hunc integrè describendum, character nec per exiguum deest; En pallore cadaverofo illius universum corpus decoloratur, cuius omnia membra segnescunt, cibos fastidit, irrequiescit, ac impla-

cabili siti , & ferè Tantalea discruciatur , ac veluti medijs sitiens undis , aiebat elegantissimus Meniotius , has ut potè captationem eius fugientes ne quidem libat , sed misellus præcordia gerens scaturiginosa , imò amplos , fæcundosque siccans frigidæ calices , sitis tormenta nihilominus experitur ; Nam & resiccatis visceribus , vel intus eadem falsis , aut putridis remorantibus undis , & quid hydrope aridius ? Sulmonensis* carmen aptatur

„ *Non ei sunt fontes , laticis nisi penè marini .*
Venter serosa illuuie pretumidus iam ad molem extollitur , partesque corporis omnes sibimet æquabilis alimenti inopes macie absumuntur ;
Huic postquā Hippocrates valentiora pharmaca præscripsit , Cneorum scilicet per sextam diem , Hippophaïs succum per octavam , Cnidium granum per decimam , subdit , & dare ipsa oportet , donec expurgetur , & vacuus fiat , interpositis autem diebus alatur ex ijsdem quibus & prius ; Tandem veluti ad Sacram Aram ad aquæ potum confugere non tantùm nos hortatur , sed his Legislatoria maiestate imperat , Maxime autem de ea aqua bibendum dato , ex qua morbus corripuit plurimum , quò ventrem illius turbet , & valde secessum faciat , sic enim potissimum sanum reddes ; Arrestis sanè auribus ,

ribus, animoque ancipiti quisquis verba hęc audiens, ac perpendens primo occursu hæsita-bit; Aqua igitur pluuialis, & stabilis causa morbi esse poterit vnā simul & Medicina? Ab eadem forsan radice Aconitum, & Cicuta, Dyctamus germinant, & Panacea? Aut in rebus Medicis fabulosum illud Commentum Telephi verum experiemur?

„Sanus Achilleis remeavit Telephus herbis,
 „Cuius pertulerat uires, & sensit in uno
 „Lethalem, placidamque manū, Medicina per hostē
 „Contigit, & pepulit quos fecerat ipse dolores
 inquit Claudianus.

Non aliò mens Hippocratis iuit, nisi peculiari aquæ exemplo ad preceptum uniuersale firmandum remedia omnia tempestivè propinata salutem, intempestivè mortem invehere, sic Æstatis hora per viam longa miter faciens aquæ multum pluvialis, & statariæ affatim bibens in Hydropem delabitur ea, dumtaxat ratione, quia intus viscera ob meatuum infarctum, illique circulo, exituque denegato restagnans morbum effecit, postea verò reseratis ductibus, quemadmodum ibidem Hippocrates hisce patefecit, donec expurgetur, & vacuus fiat, tunc autem maxime de ea aqua bibendum dato, ex qua morbus corripuit plurimum, qua ventrem illius turbet, & ual-

& ualde secessum faciat , sic enim potissimum sanum
 reddes ; Hinc quam candida , quam stabilis de
 aquæ potu doctrina promanat ? Non tantum
 si rectè propinetur Hydrops non producit , im-
 mò ipsis quoque genitis felicissimè medetur ; Ex
 se namque perpetuo iuvat , ex impedimentis ,
 hoc est per accidens , (Scholaftici dixerunt) in-
 terdum obest ; Sed illaqueatos iam hostes , ut
 à vinculis , quibus arctius obstringuntur sese ex-
 pediant , Hippocratem inconstantia reum ac-
 cusare non pudet ; Scripsit etenim [ita perpe-
 rām argumentantur] in allato de victus ratio-
 ne in acutis * , aquam suaptè natura steroris ex-
 pertem esse ; mox verò aquam in Hydrope cu-
 rando extollit , quà ventrem illius turbet , & val-
 de secessum faciat ; Aenea Capita , nonnè distin-
 guitis , ibidèm Magistrum summum , qui nec
 fallere , nec falli potuit (si fides Macrobio ha-
 beatur) aquam consideravisse tamquam alimen-
 tum , eaque omnino observasse , quæ in acutis
 præceperat , non detinendum nempè esse ægrot-
 tantem solo aquæ potu , nam vires maximè la-
 befactaret , cum careat consistentia , quæ in ster-
 cus abit , sed interponendum inter alias po-
 tiones , quæ aliqua ex parte nutriant , modò
 autem de aqua pertractare , veluti Medicina ,

quæ

quæ (perpendantur Hippocratis verba) suapte na-
tura steroris expers, attamen viscera humectan-
di vi prædita, & per ipsa liberè permeans, *cum*
vacuus, & expurgatus iam fuerit æger, corpus flui-
dum facit, ideoque iuxta divini senis Oracula,
sive Medici, siue Naturę ministerio à sarcina
faciliter exoneratur, humoresque Hydropis ge-
nitores per aluum secedunt, vnde *potissimum* æger
sanus redditur.

Sed cum aqua efficax medicamentum à nobis
in febribus eliminādis appelletur, fusisque laudi-
bus extollatur, adhuc, & quidem firmissimè
Erasistrati auctoritatem iactantes contra nos
pertinaciùs insistunt, fidemque illius testimonio
inviolabilem addictam volunt, febre, vel cali-
do alio morbo plurimos detentos, quibus aquam
large bibendam Medici consulunt, nativam
flammam Hepatis obruentes in Hydrops miser-
abiliter irruere; Apagite quæso, apagite stren-
nuissimi Duces, nè falso moniti multa temerè
aggrediamini; Aduertite Illustrissimi Cardani
monitum, *Omnis Hydrops fit à calore*, ideoque igno-
ta eius causa Medici hucusque circa therapiam offen-
derunt; quam tamen doctrinam mitigatione in-
digere scimus, nam ut certissimum est, causam
morbi huius remotam, & efficientem non raro
esse calidam, sic proxima, & continens non alia

O

quam

quam frigida agnosci debet ; Intolerabili plerorumque pertinacia nè (scripsit Hofmannus*) dicam, an arrogantia, intemperiem Hepatis, unde Hydrops exurgit, semper esse frigidam, ubi etiam Symptomata caloris gravissima adsunt ; Sed quomodo inquiunt Hepar calidum gignit serum ? Non gignit, dicere consuesco, sed colliquat sanguinem, partemque aqueam in abdomen deponit ; Moneo verò hos tales ex Rondeletio, & rei veritate, Cordis partes primas hic esse, vel ideo quia fere in febribus accidit. Facta colliquatione, siquidèm pars serosa incavitatem abdominis illabitur fit subitaneus Ascites (una Hydropis species) si sensim, ac successivè sese paulatim in habitum corporis insinuet, Leucoplegmatia (altera morbi huius species) erumpit ; Ac tandem ex flatu tertia, id est Tympanites producitur à calore non proportionato materiæ ; Quamobrem plurimum illi errant, qui flatùs à frigore ducunt, & fortè calefacientibus agunt ; Nonnè Galenus hisce sanandis frigida adhibet ? Nonnè utitur Ptisana ad victum, quæ utique frigida est ? Et ad medicamenta, quæ tepidam caliditatem habent, ac non raro frigefactoria appellantur, veluti Chamaelum, & Rosa ? Nam frequentissimè calidas Hepatis à calido luculentiore dissolvitur,

vt lon-

ut longo aromatum æstuantium usu , vinique non diluti , ac meraci , vigilijs superfluis , febribus Chronicis , & sæpè sæpius Quartanis , nec non ab acutis in Hepate nidulantibus tæda febrili vitæ lampadem disperdente , atque dissipante , maximè dum sitibundis ægris crudeliter , & superstitione circumciditur potus (si phrasè elegantissimi Menioti vtamur) unde à cæco igne & quasi lypirico , qui gratiosum Hepatis humorē tacitè depopulatur , retorridum , hoc est exucum , durumque euadit , ac è suave rubenti nigrum ; Hinc cæcutientibus etiam patet , Hydroperm non modò hæredem fieri calidorum humorum , postquam ab ipsis pessundatum est Hepar , sed cum ijsdem quoque frequentissimè converfari ; Sed hanc Cardani , Hofmanni , Menotij , aliorumque auctoritatem omnino adversarij repuunt , illosque in serie Iuniorum reponentes , tanquam ab instituto , pactisque (veteribus nempè doctrinis inhærendi) nos recedentes irrident .

Præterita igitur excurrantur secula , ex quibus Hydropicorum aquas , quasi thermales es- sent , è medijs viscerum ignibus adeò scaturire obseruemus , vt Alexander Trallianus obſtupeat , quod aqua Hydropum nec calorem extinguat , neque febris illam exhauriat , sed aquæ

simul, & ignis suppicio infelices ægri multe-
tur, ac proinde medentes illis iure redarguat,
qui Hydropicos omni arte calefaciunt, cum ple-
rosque adiutos refrigerantibus observaverit,
qui celebratissimus auctor non multò post Iu-
liani tempora floruit, & Paulus Ægineta sub
Honorio, & Theodosio protulit*, *Quidam Hy-
drops oritur omnis corporis carne velut exaque-
scente.* Et Galenus ** *Tralliano, & Ægineta ve-
tustior hæc tradidit Atque Medici quidam Iecur
nullo affectu tūm laborare existimantes dubitant quo-
modo à Splene morbus Regius nasci possit, quemad-
modum sunt, qui à solo Splene indurato, nullo exi-
stente in Iecinore vicio aquam inter cutem fieri pos-
se arbitrantur; Haud secus hallucinariconsuverunt
in ea quoque aquæ intercutim specie, quæ ad acutos
morbos sequitur, quippe ab ijs Hepar calida, &
sæpe numero sicca quoque intemperie tam graviter
afficitur, ut cibum in sanguinem transmutare non
valeat; Atque ab eodem annotatum est, suc-
cis venarum per colliquationem in serosam sa-
niem solutis, subitaneum Hydropem nasci;
Ex quibus nullum mentis oculos densa adeò
caligine mersos habere censemus, ut nitidissi-
mè non inspiciat, Hydrones interdum (ipso-
met annuente Galeno) à causa calida, sicca-
que*

que sibi originem trahere, ac præsertim ab acutis morbis, quos inter Febrem primos occupare gradus & quisnam vertet in dubium? Ideoq; constantissimè asserere ratione, & experimento fas est, aquam in curandis febribus fæcundam Hydropis genitricem dicere quisquis deliraverit, ab æquis, probisque medendi legibus relatare, cum ab ipsa morbi huius sævissimi generationem, & incrementa prohiberi scissis dementiæ nubibus apertum iam iam illuxerit.

Sed horum omnium Hippocrates antiquissimus*, ex succorum, præsertimque sanguinis colliquatione vi extraneæ caliditatis Leucophlegmatiam celebravit; Atque ex mala colliquatione præter Dysentericos, Diarrhoicos, ac Lientericos fluxus Hydropses quoque sævissime testatur; Colliquationem autem semper à calore ortum ducere nullos sanæ mentis profectò denegare credimus, idque Hippocratem satis docuisse reperimus, dum ex versione Foesij ** scripsit, qui *Ventres inferiores calidos habent, & acres, inæqualesque deiectiones prodeunt, id ijs ex colliquatione contingit, & in nuper citato de Internis Affectionibus *** legatur, Si quidē fuerit in carne calorem facit & in ventre, & corpore, ut pinguedo ventrem ambiens colliquescat, adeò ut nisi ventres infe-*

inferiores calidi fuerint, aut in carnibus calor efficiatur, nullo pacto colliquationes contingere posse confirmet; Idque Galenus ipse multoties varijs in operibus commonstravit, nam & inquit * *Calor adauctus valentiū alterat, modo tamen ne eò incrementi perveniat, ut iam colliqueret, tum namque ad omnia est inutilis;* Sed concinnius rebus nostris, aptiusque seriem hanc verborum scribens opitulatur **; *Calida igitur intemperie circa viscus existente colliquationes sunt primū humorum, deinde etiam carnis ipsius Hepatis;* Eniguntur si per adversæ sententiæ patronos Hepate semper laceſſito fit Hydrops, quomodo, & ſepè etiam nimia caliditate correpto dirissimum hoc morbi genus parturiat; Verūm quis solis radios oriente die nocturnas tenebras inferre potius, quam undique refulgentem huius doctrinæ lucem deliquia pati non credet? At licet sauciati inflexilibus ſagittis, eas attamē refundere hostes nostri adnituntur, licet arcu enervi, & iam laxo, legibus, & æquis conditionibus bellum componere indignantes, obſtinati certaminis amatores, quibus nos certè pertinaces non erimus, illisque, ſi ea, quæ dicunt, adſtruent, libentissimè assentiemur; Volunt igitur plusquam par sit animosiores nova
in

in nos moliri certamina , ideoq; vel reum in-
costantiæ criminis Hippocrateni confitentem
habere , aut illius Dictatoria auctoritate victos
in triumphum nos trahere , dum in libro de Cor-
de * voluit , *Pulmonem aquam recipere* , vnde vel
facillimè Hydrops exurgit ; Verùm in opere de
Diæta sibimetipsi repugnans *ventrem quidem ma-*
ximum siccii , & *humidi promptuarium constituit* ,
ut daret omnibus , & *acciperet ab omnibus* , *Maris*
imitatione animalia in ipso nutriri solita foventis ,
diversa verò interimentis ; Facillimè fugaretur in-
stantia , si tum de Corde Libellum , tum Opus
de Diæta Hippocratis germanos non esse filios
asseratur ; Sed quoniam effusa in utrisque do-
ctrina Hippocratica sapientia refulget , Viro
maximo huic libentissimè adscribantur , cum nos
sæpè etiam doctrinis inhæserimus , quas illorum
tradidit quisquis extiterit Auctor eximius ; Sed
antequam discrimen inter hosce textus compe-
scamus , quam admiranda in physicis sapientia
erudiamur , & quam concinnè Mundus minor
comparetur maiori Mundo in nuper de Diæta
cum Clarissimo Antonio Ponce Sancta Cruce
alacri , intentoque animo degustemus ; Inquit
igitur summus Auctor ille Ventrem in nobis
maris instar existere ; Ut enim Mare adeò va-
stum

stum est promptuarium, ut quamvis aliqua animalia interimat, foveat tamen, & generet penè infinita, ita Venter, qui totam massam primi alimenti, & potulentæ substantiæ suscipit, omnes partes foveat, atque ab eo, veluti à magno Oceano in ipsas alimonia resudat; Quam elegantissimā comparationē ab Heraclito mutuatus est doctrinæ pulchritudinis causa, & dignitatis summi Viri omnia in sese continentis; Cuncta enim in nostro corpore fieri, ac in maiori Mundo putabat, quemadmodum Peripateticorum Princeps in Problematis indicavit; Ut igitur mare natabilia generat, & nutrit, terrestria verò enecat, respirationem auferens, ita pariter & Ventriculus sola illa alimenta generat, & foveat, quæ vitalia pro partibus alendis sunt, cætera verò inquinat, atq; interimit; Si ergo [adversarij subsunt] Ventriculus est maximum humidi promptuarium, quonam pæsto Pulmo aquam recipit? Et Pulmonem aquā recipere unanimes iuere Philistio Locrensis, & Dioxippus ex schola Coa, & Cnidia, in quibus adhuc gens Asclepiadarum florebat, antiqui, nobilesque Medici, & inter Iuniores doctissimus Andreas Laurentius, Ludovicus Mercatus, alijque perplures; Nonnè Protogenes Grammaticus adversùs Niciam Nicopolitā artis

tis nostræ haud ignarum, vel equidem alti non
minis apud Plutarchum aquam in Thoracem
irruere negantem sœvissimè redarguebat? Non-
nè id etiam Poetæ decantavere?

„ *Irriga Pulmones vino, Astrum enim exoritur*
inquit Alcæus, & Homerus scientiarum semi-
narium per guttur in Pulmones non solum po-
tum descendere aiebat*, sed & ipsa alimenta

„ *Pando de gutture vinum,*

„ *Frustaque projectat tetro fluitantia tabo;*

Et Eupolis in fabula, quæ inscribitur Colaces
his loquebatur

„ *Potare nunquam iusserat Praxagoras,*

„ *Pulmone ut eloto canem præverteret.*

Quibus ipsa Pulmonis structura assentitur, nam
foraminibus plenus, cavernosus, rimosisque fi-
stulis perforatus, non quidem ut aer transeat,
& expiret, qui angustiores etiam poros pene-
trat, sed liquidorum gratia affabré elaboratus
censetur, quod Erathostenes confirmavit

„ *Pulmonis latebras ille rigaret mero;*

Immò Tragicorum Princeps Euripides

„ *Pulmonios means per anfractus merum;*

Ac tandem ne solummodò Appollineis metris do-
ctrinam hanc fulciant, maximi Philosophorū au-
ctoritate, divini nēpē Platonis idē hoc afferentis,

P

velut

114 D E A Q V A
velut in acie tutissima inexpugnabilem , mu-
nivere.

Meritò igitur Hippocraticus Dioxippus Epi-
glottidem nulla alia ratione pendere existimat,
nisi ut à potu cibum dividat , transeatque hu-
mor in Pulmonem liber , non impetuofus , sed
refractus , exeuntem spiritum ne impedit ;
Cuius placito non futilibus argumentis robur
adaugent apud eumdem Hippocraticæ Philo-
sophiæ celeberrimum auctorem recensitis ; Quo-
rum primum desumunt ab Avibus , quæ Epi-
glottide carentes aquam non sorbent , aut tra-
hunt , sed potiùs immisso rostro paulatim in-
ducunt , & Pulmonem ac si rore leniretur , ma-
defaciunt , sed & sensus opinioni huic obtem-
perat , nam scisso gutture , incolumi existente
gula , confessim profilit aquæ copia ; Quin Pul-
mone malè se habente ingenti siti egrotantes
torqueri non experimur ? Nonnè quibus Na-
tura denegavit Pulmonem , vel paruum dedit ,
his etiam bibendæ aquæ usum denegare con-
suevit ? In Pulmonem itaque tendit aqua , si-
quidem cum quo habet hanc similitudinis ami-
citiā , vt eam anxiè desideret , ipsa verò sua-
viter illias appetitum adimpleat , & recreet ;
Insuper si unà in ventriculum coeunt cibus , &
potus , quorsum vrinæ fabricata vesica fuit , si-

qui-

quidèm mixtum vnius coctionis excrementum, unum potuit habere exitum? Ergo si quidèm tam distinctè patent vię, per quas extra corpus humida substantia secernitur, & nihil alterius sicci recrementi in ipsa apparere soleat, si tam semotæ officinæ, ut in Vesica lapides, in Ven-
tre autem nunquam reperiantur, apertè hinc euincitur, non illum, sed Pulmonem humidi promptuarium existere; Ex quibus inferunt vel Hippocratem in nuper citato contextu sibimet obſtare, aut quæ ſorbentur in Pulmones descen-
dere, unde in Hydropses ex largo frigidæ uſu inevitabili fato, laxisque habenis homines preſertim febricitantes labescunt; Quam adeoque Herculeam, numerisque omnibus abſolutam, conclusionem elicuisse arbitrantur, ut de Pul-
mone agentibus Adagium illud adamussim ip-
ſis aptari debeat *de Pulmone revellere*; Stultum ſcilicet, & turgentem fastum animo eximere imposſibile ſanè eſt; Sed vel facillimè eorum instantijs ſuccurrere, & ratiocinia nodis exuere posſemus, ſi (ut ſuperiùs diximus) Opus de Di-
æta, & de Corde tamquam legitimum Hippo-
cratis non amplexari placeret; Sed verus, aut non eorum ſit Pater Hippocrates, unumque Philothimo, alterum Polybio adſcribatur, quo-
niam maximi Medicorum doctrinam, alijsque

gravissimis illius sententijs consonam continent; veluti germanum, ac verum utrumque propenso animo veneramur; Non Mehercule ut nos ab obiectis hisce expediamus, sibique constans Coorum Maximus demonstretur, longo sermonis tractu Pulmonum, ac Epiglottidis ministeriū inquirere indigemus, præcipueque cum variis hisce visceribus usus Auctores præstantissimi impertiantur; Hippocrates * enim humorum attractionem Pulmonibus assignavit, alibi que ** pituitam ab universo corpore, ac præsertim à capite exhauire præcepit; Plato in nobis ideò progenitos credidit, ut ab eis Cor iræ incendio exardescens moderaretur, cum Dij, inquiens, cognoscerent, Cor rerum terribilium obiectis trepidaturum, iraque sæpius flagraturum, cestus illius demulcendi beneficio Pulmones ipsi adhibuerunt; Aristoteles *** eorū sententiam reiecit, qui ad Cordis Palpitationem Pulmones facere statuerunt; Galenus duplicito officio nobile hoc membrum induit, vasorum scilicet divisionem supplere, externumque aerē concoquere, cui quodammodo oculatissimum Vesaliū assentiri observamus; Nonnulli animal fastus ibi residere putarunt, ūde Persius ****
 „ Quid invat Pulmonem rumpere vento,

„ Ste-

„ Stegmate quod Tusco ramum millesime ducis
Abensina molle Cordis sustentaculum , & cul-
citram nuncupavit , ac proinde non mirum , si
aliqui postmodum non ad vitæ necessitatem ,
sed ad Cordis commodum Pulmonem conditū
voluerint ; Realdus Columbus nostri quondam
Gymnafij decus , & luinen , illum sublimiori
muneri , spirituum nempè vitalium generatio-
ni præfecit , quam elegantissimam doctrinam
Back huiusmodi ratiocinio tuetur ; Vbi maior
(scripsit) commoditas datur , & occasio , ibi
equidem sanguinem integrè elaboratam perfe-
ctionem nancisci par est , Pulmonibus dumta-
xat semper præsens aer , & conveniens compo-
sitio contingit ; Anatomicorū disertissimus An-
dreas Laurentius quinque in Pulmonibus ope-
ra enumeravit , in subsidium pulsationis Cor-
dis esse , illudque refrigerandi , atq; edendę vo-
cis gratia , utq; eidem instar sustentaculi in-
fervirent , ne parte anteriori ad os pectoris , po-
steriori ad spinam allidatur , dum animal vel ter-
rore corripitur , vel iracundia movetur , ac tan-
dem pro aeris præparatione ; Postremoque huic
officio chimicis verbis locutus ipsos antea Pa-
racelsus * dicaverat ; In pulmonibus aeris fieri di-
gestionem , ibique separationem puri ab impuro exo-
ri-

riri ; Et Helmontius summæ ideę Vir peculia-
re in Pulmonibus fermentum celebrari tradidit,
omnique prorsus carere motu , & Cribri tan-
tum, ut aer purus Thoracem subeat, vices ge-
rere sibi, alijsq; persuasisse autumavit ; Nos vel
uni ex ijs , aut alicui ex nuper natis sententijs ,
quas ne audientes tædio occupemus, enumera-
re prætermittimus, calculum nostrum adijcere
cum minimè teneamur , quando autem de Mor-
bis peculiaribus (Divino ànuente Numine) per-
tractare ordiemur , quibus aquę usu vel maxi-
mè Medicina prodest , fusiori etiam sermone de
Pulmonum officio , & structura differere pollice-
mur ; Nobis modò satis sit , nec in ipsos potu-
lentas materias elabi , neque id unquam Hip-
pocratem enunciasse ; Quam candidam verita-
tem effulgere statim unusquisque videbit , qui
eidem hisce loquenti adapertas aures concedat *

*At verò dicunt nonnulli id quod bibitur in Pulmonem
deferri , ex eoq; in reliquum corpus ; Hi autem ex
eo quod dictarus sum coarguuntur , quod Pulmo cavius
existit , eique annexa est fistula ; Quod si Pulmo cavius
non esset , neque ei adnasceretur fistula , animalia nul-
lam vocem emitterent ; Vocem enim ex Pulmone
edimus , quod cavius sit , prætereaque eius fistula ;
Vocem autem labra , & lingua articulatam reddunt ;*

De

De hoc autem à me exactius dictum est in Pulmonis inflammatione ; His igitur, qui potum ad Pulmonem ferri existimant, quæ hoc se habent modo, opponam ; Potus in ventriculum concedit, à ventriculo verò in reliquum corpus exhauritur ; Ad hæc verò argumenta animum attendere oportet, quæ profaram, cur potus in ventriculum, non in Pulmonem concedat ; Si enim potus ad Pulmonem ferretur, ubi Pulmo oppletus esset, non facile quis spiritum trahere, neque loqui posset ; Neque enim Pulmone pleno esset quod resonaret ; Et hoc quidem unum est argumentum ; Deinde si potus ad Pulmonem procederet, cibi in nobis siccii non similiter coquerentur ; Istaque duo sunt argumenta ; Quin & medicamenta Ventrem subducentia ubi pota sumperimus, extra Ventriculum feruntur ; Habet autem se res hoc modo ; Quæ medicamenta sursum, aut deorsum, aut utroque modo purgant, hæc efficiunt ; Omnia valde urunt, & ex his quidem valentia si forte mollem aliquam corporis partem contigerint, eam ulcerant ; Leviora verò turbationem in corpore excitant, quodcumque vel leviter attigerint ; Quod si aliquid ex his medicamentis ad Pulmonem veniat, magnum aliquod malum mihi excitare posse videtur ; Pituita enim ex capite veniens, eum parvo admodum tempore exulcerat, cum tenerum quiddam, & rarus sit Pulmo, & si exulceratus fuerit aliquis sa-

nè multis de causis non bene habet; Ventriculus autem à medicamentis non exulceratur, cum robustum quiddam sit, velut Corium scilicet; Et in Lybia plerique ex incolis pecorum pellibus pro vestibus, & ventribus pro sacculis utuntur; Ventriculus enim robustum quiddam est; Præterea ubi homines vinum nigrum ingesserint nigra per aluum egerunt: Hæc quidem omnia argumenta sunt: Ac ubi Allia, aut aliud gravis odoris edulium comedelerimus, urinam cibi odorem referentem excernimus: Et hæc quidem argumenta, tūm ea, quæ dicturus sum spectanda sunt: Si quis Cyceonem biberit, aut farinam coctam, aut aliud quid huiusmodi sorbitione acceperit, idque ad Pulmonem perveniat, hunc ne minimum quidem temporis uitrum speramus; Vbi enim paulum quid pituitæ ad Pulmonem, aut eius fistulam venerit, multa, & valida tussis, convulsioque oboritur: Si igitur utique vixerit qui Cyceonem biberit aut farinam coctam forbitione sumpserit, ubi concocta sorbitio fuerit, copiosum & vehementem calorem in corpore excitari censeo, ut proinde minimè conveniens ventris egestio consequatur, si ad Pulmonem veniat. Istaque septem sunt argumenta. Præterea ratione Lac pueros enutriret, si quidem ad Pulmonē concederet? Quod est aliud à me adductum argumentum. Ac ne ista quidem argumenta ad orationem nostram probandam adduxisset, nisi adeò mul-

ti potum ad Pulmonem concedere existimarent.

Quibus nocti urgens etiam hoc ratiocinium posset, qualiscumque aquæ, vel per exigua portiuncula, quæ in guttur contendat, infensa adeo tussi animal urgeri inspicimus, ut maximo angore suffocari videatur; En igitur quam à ratione, ac veritate procul sit, Hippocratem naturalem locum ad aquam recipiendam Pulmonem existimasse; Quin? Antiquos ibi redarguit, quod in ipsum aquam corrivari crediderint; Neque doctrinæ huius claritatem obscurat textus in libello de Corde obsignatus, in quo mente nequaquam Auctoris fuisse aliquis sibi arroget, potum in Pulmones tendere, sed illius dumtaxat resudare aliquid per rimulas; Potuit nè satiùs id patefacere, cum ibi talia protulerit, Sed quomodo aqua acervatim irruens turbationem, ac tusim multam exhibet? Propterea inquam quod contra respirationem fertur, quod enim per rimam illabitur, tamquam iuxta parietem delabens aeris delationi non instat, sed levem, ac lubricam quamdam viam humectatio ipsi præbet; Quam secutus Aristoteles ijsdem ferè verbis in Opere de Partibus Animalium illius rationes adducit*; Et quid, obsecro, magis compertum inter Galeni sectatores, quam Syrupos

Q

pe-

pectorales frequentius, sensimque exhibere, ut per rimulas gutturis lambendo paulatinè in Pulmones destillent? Hoc iterum Senex Optimus in libro de Locis in Homine firmum fecit, ubi agens de quadam Pleuritidis specie, quam sicca Pulmonum intemperies comitatur, dixit, *Hanc multis potationibus curare oportet, & lavare;* Certè non inquit *multo potu,* nam hic repente ingruens in Ventrem totus effluit, aut si aliquid in Asperam Arteriam dividitur, suffocationem excitat, verùm sapientissimè ait *multis potationibus,* partitis scilicet, sic enim paucum ebibitur, & aliquantulum transcolat ad Pulmones; Mos equidem Hippocratis erat, cum parum, ac frequentè, & paulatim aliquid fit, divisum illud significare, quemadmodum in Prognosticis *sudores multi* partitis vicibus sudare, non verò cumulate significant; Ac proinde liber de Corde, quartus de Morbis, ac de Locis in homine sibi mutuò sanè conspirant? Ita vnamimes tradunt Hippocraticæ sapientiæ præstantissimi enarratores, quos si interdum consulere aliquem non puderet, nitidiorem Auctoris mentem agnosceret, nec adeò facile offendere in absurdâ; Si humiliter de nobis sentiremus, prius quicquid sapientes de Hippocraticis doctrinis scripserint, audiremus, tutiùs inde fontem adeu-

adeuntes, non obrueremur aquarum copia, sed ipsas suavissimas degustando, addiscendi saturaretur sitis; Nam si quæ obiecta intueatur oculus ad lucis solaris reflexionem, iam probè, & distinctè videt qualia ea sunt, at si in radios ipsos solares directè intendere velit, nimia sic perstringitur luce, ut colores rerum, & figuræ haudquaquam discernere possit; Dioxippi sententiæ, quod scilicet Epiglottis nullo alio fungatur munere, nisi humidum alimentum à sicco discriminandi, tamquam non omnino verè non integræ assentiuntur oculatiores Anatomici; Si quidèm Epiglottis, inquit Pollux, simplicis est vocis Organum, Lingua autem articulatæ, eamque Galenus* vocis plectrum appellat, quæ veluti operculum Laryngis inspirantibus, ac expirantibus hiet, & solo pondere alimenti obseretur, non tamen adeò ut aditus aliquantisper potulentæ substantiæ non pateat, exudat enim, & illabitur, vias illas demulcens usque ad Pulmonem, prius Epiglottidem madefaciens, quæ particula veluti lingua fistulæ adhærens irrigatur, ut concinnè voci deserviat; Quambrem sapienter Galenus humiditatem huius particulæ, non qualemcumque, sed glutinosam esse observavit, nè facile motibus euaneat; Agno-

Q 2

vit

vit ergo tantillum recreari humore ascititio, ut aptius intacta nativa temperies servetur, ideoque disertè, ac sapientissime scripsit *, Neque qui febribus ardentissimis conflictantur, neque qui per magnos æstus iter fecerint loqui prius possunt, quam Larynx perfundatur; Hinc inter recentes pro omnibus vñus Clarissimus Thomas Bartholinus**, Epiglottis dicitur, quæ rimam tegit, & claudit, ne ex cibo, vel potu in tracheam multa decidant, sed clausa Epiglottide in gulam abeant, non vero ex aere clauditur, quin parum ad latera ex potu descendere queat, quando enim dicitur potum non transire in Tracheam, & Pulmones, de maxima parte intelligendum est, nam aliquid eò deferri supra audiimus, unde in affectibus Thoracis Eclegmata, & Tabellas præscribimus in ore reclinato capite tenendas, donec liquefcat; ut portio aliqua per Tracheæ parietes defluat Hac fortasse ratione Aviculas rostro immisso paulatim bibere, ne in respirationis Organum aqua decidat, nos contra Adversarij rationabuntur, quibus nequaquam concedemus scisso Gutturæ, incolumi existente Gula exilire aquæ copiam, quibus etiam perpetuòque animalia Pulmone carentia non sorbere negabimus, nullum etenim animal, quod aquam ignoret reperiri credimus, non Marinum, non Ter-

re-

restre, non Æthereum absque ea vitam degit; Carnivora etenim animantia, quorum aliqua nō bibere Aristoteles tradidit, re vera humoris ope-
re, ac beneficio conservantur; Multa equidē volatilia animantia sunt, quibus minimè de-
negavit natura potum, licet Organa ad Loti-
um destinata ijsdem non concesserit; Sique ut-
plurimūm malè affecto Pulmone æger inexpli-
bili siti torquetur, non inde argumenta con-
furgunt, Pulmonum igitur gratia adinventum
fuisse potum, nam in eorum præter naturam
affectionibus cum ibi candescat calor, aer ac-
cenditur, æstuat Cor, & Ventriculus, partes
Gutturis flagrant, atque Oesophagus unā si-
mul per fibras, membranas, & vasa interie-
cta, quibus communicat cum Aspera Arteria
exardescit; Inanis profectò (cum Logicis im-
moremur) syllogizandi vis, Pulmonum culpa
præter naturæ leges se habentium sitis enasci-
tur, Pulmones ergo geniti ut potionum rece-
ptacula forent; Idem de Splene, de Renibus,
de Intestinis, deque alia quavis nostri corpo-
ris particula ex exterioribus etiam, si inflam-
matione corripiatur, cuius ob causam ægrotans
siti crucietur asserendum pariter erit; Inanis
iterum syllogizandi vis, nam si quid epotiflu-
idi ad Pulmones fertur, perexiguum sanè est,

per-

perque vix perceptibiles rimulas, illudque non
affatim irruens, quemadmodum largas, ac fe-
stinas aquarum mensuras anxiè, patuloque
ore febricitantes exhauriunt, verùm si aliquid
ad illos pervenit, eò segniter, ac guttatum de-
stillat; An autem destillet, adhuc penès nos
latet sub iudice, nam animadvertentes inter-
nam Asperæ Arteriæ tunicam, cumque ipsam
ferè innumerabilibus perexiguis glandulis re-
fertam viderimus ex ijs facile succum erumpe-
re, quo & ipsa munijs suis necessariò obeun-
dis madefiat, & ipse Pulmo, si opus fuerit, ir-
roretur, quod à sapientibus viris in Anatome
longè, probèque versatis habuimus, nihilque
eius quod sorbetur Pulmones adire probabili-
ter opinamur; Divino etenim scribente Hip-
pocrate in eodem quarto de Morbis legitur
Aqua in Ventriculum decidit, à Ventriculo verò in
relicuum corpus exhauritur; Ex quibus hucusque
traditis aquæ usum plurimi in febrium curatio-
nibus esse momenti, neque Hydropum genera-
tioni inseruire, sed iam genitos persanare, ac
per quæ impedimenta non rarò ab eadem Me-
dicina cæteroquin eximia in febribus sese ab-
stinere, interdum autem & arte refrigeratam,
uberique copia propinare cordatos medentes
deceat clare, fusèque innotescit; Plura addu-

ci poterant ex summi Dictatoris Oraculis , ve-
rūm quia de Partium Morbis suscipere negotia
statuimus , ibi quæ spontè linquimus , in me-
dium arte afferemus .

Sed ad Galeni dogmata iuxta veterem in fe-
bribus exhibendæ aquæ morem accedere tem-
pestivum est .

Conquerebatur olim Galenus inquiens * ,
Quod si curare aliquando infirmum cogeris , cui non
solum antea secundæ venæ remedium prætermissum
est , sed nunc quoque per Medicorum ignorantiam ,
vel ipsius laborantis , propinquorumque eius timidi-
tatem procedente tempore mittere sanguinem prohi-
beris , ad frigidam exhibendam accedes , sed diligen-
ter ante discernens quantum ex ea nocumentum ac-
cidere possit , nam si id aut exiguum erit , aut nul-
lum , offerenda potui est , quæ prorsus sit gelida , quan-
tum bibere ægro libet , quinimò magis id audebis , si
frigidæ potui insueverit ; Eodemque in loco niti-
dioris doctrinæ gratia subiunxit ; Vbi namque
nonnulli aquæ frigidæ potioni non assueti , tamen pro-
ppter ardenter febrem bibere eam coacti , nullum in-
commode senserunt , multò profectò minus eorum
qui assueverunt quisquam lædi debet , cui etiam qua-
si pro munimento maximo accedit ipsa copia caloris ;
Maxima verò continentium febrium remedia hæc
duo

duo sunt, detractio sanguinis, & potio frigida.

O' si usque ad hæc nostra tempora vixisses sapientissime Pergamene, non Medicorum meherculè ignorantiam, non ægrotantis, cognatorumq; pavorem redargueres, verùm nón dūtaxat mulierculas, sed genere præstantes, & gravitate Matronas, Virosque sapientia maturos medentium interesse consilijs, ipsisque acriùs renuere, tecumque etiam de morborum naturis, & causis, deque Pharmacorum materijs differere obstupescens audires.

Vnde, obsecro, Medicinam callendi, non Iurisprudentiam, non Mathematicam, non Dialecticam tanta mentes hominum cupido excitat? Si dicendis humanè conceditis aures, & Medicinam artium omnium nobilissimam, & ex qua sublime corruit in humana pectora incitamentum, ut eam feliciter assequantur, sat is exploratum confidimus; Nam si laudabilis semper hominum ambitio gloriæ pennis speciosiora disquirens effertur in altum, iure & optimo artem hanc possidere, ut unicuiq; commonstrent, studio, & industria in ægrotantium ministerijs libentissimè sese excent; Medicina etenim non sicuti aliæ artes exiguis limitibus, ac terminis conclusa est, verùm ex cunctarum universa complexione coagmentata, proindeque

que cum singularum difficultatem ambitu suo constringat, omnibus fateri expedit, infinita voluptate redundare, ne addiscentium studia infringantur potius, quam magnitudine scientie, & honoris invitamento pellesti amplexentur.

Vt igitur Apes hinc, atque illhinc ad mellis illum inimitabilem humanę rationi saporem conficiendum delibant, ita pariter & Medicina ex summis quibuscumque artibus aliquid ad nostrę societatis necessitatem de promit, nam ex Arithmetica Criticis morborum numeris utitur; Ex Geometria de apta, & concinna membrorum collocatione, decenti, equabilique dijudicat; Ex Astronomia Stellarum motus, concursus, Lunae ortus, incrementa, & deliquia, Aeris vicissitudines, Astrorumque exordia, & occasus observat;

Quid de Philosophia referendum, à qua in omnem scientiam plurimum utilitatis corribat? Non alij equidem fuerè nisi Philosophi, qui primi non modò cæteros curarunt morbos, sed gravissimam quoque luem, pestemque per Vrbes, & Agros succensis ignibus ab Ægypto interdum depulerunt, ac depellendæ pariter rationem, & viam vniversæ Græciæ demonstrarunt; Neque modò efferemus quantum hominibus fuerit Medicina frugifera, & ad rem domesticam

subitò parandam, aggerendamque præsentanea;
Fecerint hoc illi, qui rerum precia quæstu, ac
utilitate metiuntur, divinior nobis semper
medicina fuit, quam vt hisce rationibus existi-
metur;

At si per multas res sola ipsa commendat
antiquitas, artem hanc prima omnium invexit
necessitas; Si scientiam auctores illustrant, hu-
ius primi celebrantur pro Dijs; Si difficultia ma-
gis quæ sunt, ea & honestiora, & pulcherrima,
nihil hac operiosius, cum ex tot disciplinis con-
fletur; Si dignitate rem habemus in pretio,
quid excellentius, quid nobilius, quam ad Dei
benignitatem accedere, humanumque genus
servare? Si necessitate, quid æquè necessa-
rium atque id, sine quo iucundè vivere dene-
gatur?

Si igitur Medicinæ capessendè cupiditas no-
biliores etiam animos allicit, ut potè sibi injun-
ctas alias etiam celebriores disciplinas adducat,
in artifices, obsecro, artis omnium præstantif-
simè nullus adeò acriter invehatur, ut minimam
nec apud ipsum studia, & lucubrations grati-
am excitaverint, atque amorem; Nulla equi-
dèm existimatioue accipiendi illi sunt, qui me-
dicam facultatem ita aspernabilem censem, vt
eam sex mensium cum Thessalo fecerint disci-

pli-

plinam , illudque morientis Adriani frequenter , patuloq; ore insusurrent , *Turba Medicorum interfecit Regem* .

Improbum sanè putabitur sapientibus mortem hominum impudenter , perpetuoque Medicis vitio vertere , quibus persanare neminem , sed cunctis ritè mederi onus ex artis legibus commissum scimus .

At sistamus gradum , quò etenim profecti fui-
mus revertendi tempestuum est ; Lamentaba-
tur (superiùs diximus) Galenus noster post-
quam febricitantibus efficax mittendi sanguinem
remedium omissum fuerat , ad aquę frigi-
dę potum Medicos statim non devenire ; Vn-
de non debile , fractumque hoc desumitur ra-
tiocinium , aquę scilicet usum in febribus pe-
nès etiam optimi huius Præceptoris doctrinam
maximum censeri medicamentum , at si paulò
inferius , eodemque in libro impedimenta nos
docet , quę usum tantæ inhibent Medicinæ , idē
munus exequitur , quod Hippocrates ipse sapi-
entissimè Medicos admonens exercuit , ne sci-
licet dum permittentia deficiunt , à morbo po-
stulatum remedium , etsi mirum in modum ef-
ficax , minimè exhibeatur , veluti nos fusiōri
oratione satis iam ostendisse nihil addubitamus .

Sed adversæ sententiæ vigent adhuc propu-

gnatores , & maximam difficultatum efferunt in triumphum , siquidem ex ipsomet Galeno deducunt , nondum frigidam febricitantibus propinandam , nisi humorum coctionis iam iam exordia refulserint ; Qua igitur (in nos clamitant) qua ratione ipsis vix gemmantibus febribus exhibitis aquæ gelidæ potus ? En Auctoris oraculum * , *Siquidem cum sæpè iam viderimus non paucos ex ijs , qui febribus ardentibus premerentur , cum iam mediocriter concocti humores essent , statim exfrigidæ potione fuisse liberatos , quamvis ei potioni parùm assueti fuissent , multo (arbitror) magis in ijs , qui assueverunt , utilitatem fore citra noxam ullam sperabimus .*

Gloriemur tandem , hostes fateri coegimus , frigidam in persanandis febribus non tanquam peregrinum ad nos accessisse remedium , sed vetustissimum , & dumtaxat opportunè adhibendum ipso apparente manifestæ coctionis initio ; Verùm aurea hæc Galeni verba , & monita pretiosissima advertant , inde aut ultrò contendant , vel concinant Palinodiam ** , Alteri vero , qui eodem tempore ægrotarat , & se nobis commiserat , quoties nutritus est , fontanæ planè gelidæ dedimus interim binos cyathos , interim ternos , quando frigidam simul multam sibi dari , qui ita sunt af-

fe-

fecti citra noxam non ferunt, quocirca utilissimum est, ubi febris ideam perspexeris in prima statim accessione minore cum periculo, copiosiore frigida uti corporibus ad validam siccitatem nondum perductis; Qui enim in fervoribus sub Canicula ex ira febricitavit, iuuenis autem hic erat siccus, & calidus, ubi in prima accessione duas frigidæ Heminas bibisset, statim quidem invomuit flavissimam bilem, non multo autem post etiam deorsum excrevit; Deinde cum rursus post cibum aquæ circiter Heminam similiter sumpsisset, iam febricitare desiit; Non defuere tamen Medici, qui cum nullam à principio febris speciem agnoscerent, sed postea cum iam præterijset occasio, intelligentes vel in Hecticam, vel etiam in Marasmodem febrem ægrotantem incidisse, frigidam bibendam nos imitantes præbuerunt, sed nemo mettam attigit, nam magna sollicitudo habenda est in ijs, qui ita se habent, de frigidæ potionis mensura.

Ex quibus manifestissimè prima fronte contradictionis culpa redarguendus omnibus Galenus erit, dum præcepta frigidæ ebibendæ tradens scripserat cum iam mediocriter concocti humores essent, inde verò in prima statim accessione minore cum periculo copiosiore frigida uti; Si itaque ut materia peccans ex qua febris nascitur præparetur, aquæ potus ægrotantibus elargimur ex summi Hippocratis oraculo, Corpora cum quispiam

piam purgare voluerit , expedit prius fluida facere , ipso etiam febrium exordio tutissimè , iucundè que paratur ; Verùm si aquam utpotè Medicina solutiva sit , adhibere conveniat , tunc non antequam coctionis specimina appareant in potum ferre fas erit , ut illi inviolabiliter pareamus Legi Concocta medicare ; Nos igitur ita sentimus , atq; in istis conciliandis Galeni locis calculus noster hic est .

Adauget tantæ robur doctrinæ ipsem et sapi-entissimus Auctor candida hæc explicans contextus verba , *Vbi autem dolor aliquis vexaverit , Oxymel bibendum dabis , hyeme calidum , aestate frigidum , quod si multa sitis fuerit , Melicrato utendum , & aqua , disertissimè , ut illius moris erat , tradidit ** , Nempe id ad eam , quæ in acutis morbis magno est adiumento nos hortatur gelidæ aquæ potionem , quam omnino prætermisso videtur Hippocrates , atque ob eam rem à quopiam culpari posset , res etenim doceri , non negligenter , incurioseque narrari debuit ; Quam ergo opinionem habuit de aquæ frigidæ potione , ex hoc sermone intelligi potest ; Nempe si Hippocrates sicutibus Oxymel frigidum aliquando exhibebat , quod & aquam daturus sit est manifestum , quamvis siquidem non prorsus de frigidæ potione id præceperit , veruntamen do-

in lib. Hipp- de ui&t. rat. in morb. acut. Com. I. tex. 43.

dogmata sequitur ipsius, ut potè qui febrem ex nativo calore ignescente suscitari existimet, atque contraria contrariorum esse remedia; Cum autem ignis (græcè Pyr) tum calidus, tum siccus sit, atque ob id etiam febris (græcè Pyretos) sanè aqua febris naturæ adversissima est, corpus tum refrigerans, tum humectans, & sanè ab ea, si tempestivè detur, febres protinus extingui videntur; Dictum certè abundè in libris Methodi medendi, sed & nunc rei summa dicetur; Cum ergo febris fuerit constante viritate, tunc non solum non offendes, dans frigidam, verùm & abundè iuvabis; Potio autem frigidæ huiusmodi tanta sit, quantum frigidæ aquæ aeger inspirando haurire possit; Sed hoc præ cæteris veritati huiusmodi doctrinæ strenuissimè opitulatur firmissimum argumentum.

Si aquam dumtaxat in coctionum priniordijs exhibere, & Galenus hortatur, & Hippocrates precipit, qua, obsecro, ratione ad illius usum nou tamquam purgantis medicamenti, sed veluti fractas febricitantium reficientis vires nobis deveniendum suadet Divinus Senex hanc verborum seriem enarrans*? Damnata autem propterea ab hominibus est Mulsa, quod bibentes summe imbecillat, atque ob id citam afferre mortem fit credita. Quo in Commentario omni prorsus amba-

bagum fracto velamine nitidissimam veritatem aperuit inquiens , *Aqua siquidem nō ut alimentum vires recreat, sed bene ut medicamentum ad temperamenti symmetriam, quæ propter ipsius immoderationem imbecilla sunt, reducens.*

Quin? Non aliò respexerunt ij Principes Medicinæ Viridum mel aquæ commiscuere, nisi ut in quibus penetrationis gratia melle opus erat, eius beneficio, & ope vię redderentur patentiores ; Et profectò ubi suspicio nostrum non occupat animum ne intus viscera diutiùs aqua immoretur , ea sola impermixta , & syncera assenti qui id quispiam posset, quod tutiùs , feliciùs que nonnulli Melicrato , vel Melle semper obtinendum putarunt ; Intentis igitur auribus auctoritetur maximi Coorum interpres Maximus textum hunc lucidissimè commentaturus * , *Mulsa ergo , quæ aquosior est, sputum educit magis , Pulmonemque mollit, nobiscum hisce alloquutus ; Mel in acutis morbis biles cere , atque ob id nobis offerre molestiam antea dixi , aquam præterea tardè penetrare , atque in Hypochondrijs diutiùs morari , atque ob eas res fugiendam ; At quod ex utrisque mixtum sit conveniens redditur , quando ea constat tēperatura , qua Aquæ plurimæ [animadvertisantur illa Aquæ nempè plurimæ preciosissima verba]*

tan-

tantum mellis permistum fuerit, ut viam aquæ pareret, & ad distributionem agat, scilicet his ita temperatis urinæ facilius penetrabunt, ocyusque sputum educetur, quod si mellis plurimum admistum fuerit, sitim facit, & viscosum reddit sputum, atque ob eas res aquosior mulsa tum ad sputi educationem, tum ad penetrationem urinarum idonea magis existit; En igitur quanti etiam facienda sit in ipsis Thoracis præter naturam affectionibus, Pulmoneque, ac Pleura inflammatis frigidæ potio; En quomodo audiendus Hippocrates in superius citato Opere de Morbis, cuius auctoritate pre muniri scuto adeò impenetrabili hostes gloriabantur, ut acutiores omnes in illud retundarentur sagittæ, iamque fractæ, atq; enerves humi iacerent citra cruentem.

Maximoperè medentium animos ad se allicit præceptum non minus accuratè, quam necessè à Galeno traditum, neve semel repetitum in frigidæ exhibitione religiosissimè observandum, hisce comprehensum verbis, *Si tempestivè datur ab ea (scilicet aqua) febres protinus extingui videntur, alijsque in libris cum scripserit,* Nec defuere Medici, qui frigidam bibendam Nos imitantes præbuerunt, sed nemo metam attigit, nam magna sollicitudo habenda est in ijs, qui ita se habent, de frigidæ potionis mensura;

Tempestivè igitur , magnaue sollicitudine efficax aquæ medicamentum adhibere par est , & morbi tempus , & ægrotantis naturam , Cælum , modum , quale , quantum , regiones , & motus ante animo perpendentes , sedulòque scrutantes , nam negocij huius qui ritè satagunt , non omni in febre curanda indistinctè ad potionem aquæ feruntur , cui si remedij maxi- mi nomen Galenus impertiri non timuit , quod purganti dumtaxat Pharmaco , sanguinisque missioni tribuerat , non minori equidèm ani- madversione , ac si purgare , vel sanguinem edu- cere velimus , in frigidæ potionibus porrigen- dis meherculè incedendum erit .

Hinc si Medicus fortassè aliquis in præscri- benda remedij huius materia , à recta , proba- que secedat via , proindeque in aquarum cul- pam ægrotantis referatur excidium , sibi ipsi , non medicamento alioquin saluberrimo , neq; Medicis illud æqua lege exercentibus illudant , & imputent , non secùs ac Lyra licet fidibus non soluta , sed concinnè Chori instar se habens , si ab artem non callente pulsetur , adstantium au- res falsò sonans offendit , eamque animus fasti- ditam abhorret , verùm si ipsam peritus Orpheus tractet , dulces modulans concentus , eorumdem præcordia , & spiritus hilari suavitate perfun- dit

dit, sed hominum plerique nostra hac tempestate Medicorum forsan suasibus adeò à frigidæ potu terrentur, ut meritò Psycrophobi à Galeno * appellantur, qui scilicet à rabioso Cane demorsi in aquæ extremum incidere paurorem; Iure equidem de his vereri quis posset, ne in fontes illos incidiisse se credant, de quibus Pthagoram Ovidius loquentem inducit,

„ *Flumen habent Cicones, quod potum saxeа reddit*
 „ *Viscera.*

Quibus persimiles Lithiasī, (petrificandi scilicet facultate) donatos plurimos reperiri ex idoneorum testium fide Thomas Shirleus ** affirmat, inter quos Ioannem Petrum Fabrum *** Clarissimus Henricus Mundy narrantem adducit propè Clermontiam in Arvernia è saxo quodam rivulum emanare, cuius aqua in lapidem vertitur, potu necat, & amphoris excepta, velut glacies eorum, figuræ lapidescens exprimit; Monasterium Sancti Illidij irrigat rivulus olim Scateon, nunc Tiretaine dictus, super quem Pons ex aqua petrificata extollitur; Sed cuinam Gorgoni prodigiosa hæc mutatio debetur? Obscuram debilioribus nostris potiùs oculis hanc libet fateri, quam in somnijs inspexisse opinari Vel forsan Stygias vndas Alexandri morte

S 2

in-

infames, fabulisque olim notissimas adivisse ex-pavescunt, quas in Arcadia ex Pheneo lacu pro-pè Nonacrin montem si aliquis hauriat, adeò lethales experitur, ut omnimoda uasa perrum-pant; Quarum si vis corrosiva, quæ celebra-tur, vera sit, causæ à Chimicis, rationesque ex-petantur; Solis etenim salibus à natura calo-ris vi subterranei in mótiu cavernis tanta pene-trabilitas primo oculorum obtutui adscribenda videtur; Aut Salmacis Oppidi olim, & Fontis Cariæ aquas iuxta Halicarnassum Vrbem sorbe-re timent, quæ bibentes, inque ipsis lavantes molles, & obſcænos, atque effæminatos effice-re existimantur, de quibus Sulmonensis *

„ *Cui non audita est obſcenæ Salmacis vnda?* „ Forsan ne dulces, quas forbendas in febris adhibemus aquas Lyncestij fluminis credunt redolere naturam, quæ non minus ebrietatem inducunt; quam si vino se ingurgitassent? Vnde Vates ipſe occinebat

„ qui haufit,

„ *Haud aliter titubat, quam si mera vina bibisset.* Non sunt quæ frigidæ apud nos degulantur inſtar Æthyopiæ lacus aquarum, quas statim ac quis ebiberit aut Furore, aut Lethargo corri-pitur; Clitoris potius Arcadiæ Fontis æmulan-tur

tur naturam, quibus cordatè utentes, & iucunditate qua gaudent, & qua incolume corpus aſſervat, animique motus componunt, adeò palatum alliciunt, ut vini pariant fastidium, multosque interdū è merobibis prorsus reddat abstemios; De his meritò Sulmonēsis quoque cāeret *

„ *Clitorio quicumque fitim de Fonte levavit,*

„ *Vina fugit, gaudetque meris abstemius vndis,*
ſensus nimirūm, quibus vini delectatio perficitur, hebetando, eius omninoſ desiderium obſcurat, quemadmodum & Xyris guſtata famem falilit, ciborumque tædium inducit; Non equidèm tanta Fluuios, Fontesque, Lacūſque Medicorum aliqui abominatione proſequerentur, & odio, ſi in Naxo Insula morarentur, vbi (Rhodigino ſcribente) vel quia Bacchus in ea creditur natus, quo nomine fertur Naxum nuncupari Dyonifiam, licet aptius ex vinearum fertilitate, ut ita appetetur magis Plinio placuerit **, nam & in ea Fons vino fluere traditur, eoque per dulci;

Sed quodusque forbendæ frigidæ quantitatem extendere in febricitantibus expediat, nulli equidèm certo pondere, ſtaque mensura explora-re licebit; *Erasistratus quidem in libro de febribus* [quemadmodū ſcripsit Galenus ***] *malitioſe* *satis criminatur Hippocratem, discipulos illius proprie-*

ac-

accusans Apollonium , & Dexippum , quos ait , cereos cyathos duodecim in sextantali cotulæ cyatho effinxisse , atque unum ex illis , vel duos febrientibus admetiri ; Verùm Hippocrates non hic solum , sed quoque in antedictis potionibus omnibus , copiosius , largiusve manifestè uti visus est , quod & in præsenti dictione liquidò ostendit inquiens , In quibus maxime aqua utendum sit , & quando valde multa ; Nam & to carta pollo , to lian pollo , idest valde , & supra modum multa significat , sed sane satis erat dicere , multam aliquando dari aquam sine addictione adverbij huius Carta , in obstantionem malitia Erasistrati , qui de Apollonio , & Dexippo mentionem facit , nec ullum horum librum ostendere potest , nec Hippocratem ipsum ostendere potest aperte dicentem , & quando utendum valde multa .

Ex quibus advocata in consilium mente unusquisq; apprimè dignoscet de quantitate sorbendæ frigidæ ex natura febrium haud suspicari posse Galenum , quoùsque impedimenta denegent , non avara manu præbere eam , nos auctoritate edocuisse , ac exemplo ; Sed quoniam hominum mens ubi primùm reproba etiam opinione intingitur , velle suum sequitur solum , cætera que post suum placitum ponit , difficillimum pluribus suadere , quin ? impossibile est , aqua liberali haustu tradita ægrotantes dirissimè non ne-

necari , utque ab illius usu cognatos , familiaresque , tamquā ab infenso hoste defendant , modos omnes moliuntur assiduè , quos si assequi contingat , adeò gloriantur , & gaudent , ut sublimi vertice Cælum tetigisse sibimet videantur ;

Verùm non ad aquæ vitium referenda hominum mors , sed ideò vel levi etiam afflatu homines moriuntur , quia mortales omnes instar aquæ vitam sortiti sunt ; Non ex Medicorum Legibus hanc doctrinam didicimus , sed altiori scaturigine , divinoque exordio ad nos uberrimè promanavit ; Hinc postquam tria vitæ genera contemplatus fuit Cælius Rhodiginus * scripsit , *At cuius est in Lege Domini voluntas , qui que in Lege illius meditabitur die , ac nocte , erit [ut inquit Esdras] veluti lignum plantatum secùs aquarum decursus ; Erit [inquam] tamquam vitæ lignum , reliqui verò [nempè homines] nil aliud quam decurrentes aquæ , quo nomine (Ex Divo Augustino) mortale significatur genus , quod in mortem fertur præceps , sicuti aquæ pronus est in Mare delapsus , unde illud Apostoli Ioannis , Aquæ multæ , Populi multi .*

Silentibus Græcorum doctrinis , Arabum mòx præcepta auscultemus , eorumque auxilio pla-

ci-

cidè aquarum nostrarum continentem stringamus ; Princeps itaque eorum Avicenna * de universal intentione curandarum febrium putredinis agens scripsit ; *Vbi autem materia aut calida, aut grossa digesta est, & corpus est carnosum, & caliditas innata exuberans, & virtus est fortis, & viscera sana, & non frigida eorum complexio radicalis, & non insueta aquæ frigidæ, immo assueta aquæ frigidæ valde, tunc aqua frigida est melior res ; Multoties enim adiuvat ad expellendum materiam cum solutione naturæ, aut per vomitum, aut per urinam, aut per sudorem, aut per omnia illa, quare fit statim ut sanetur, & quandoque dat in potu Medicus de ea frigida infirmo quantitatē plurimam adeo, donec color eius fiat viridis, & tremit, quæ sit saltē perveniens usque ad Heminam unam, & dimidiā, & fortasse convertitur febris ad Phlegmaticam, & fortasse confortatur natura, & expellit materiam cum sudore, & urina, & fluxu ventris, & est sanitas ;*

Verūm hoc Avicennæ monitum tunc afferrandum in medium hostes nostri arbitrantur, quando humor unde febris emerferat præparatus iam fuerit, ac seiunctus, quod fibi velle nitidè verba commonstrant, *Vbi materia calida, aut grossa iam digesta est ; Fatemur & nos de aqua ve-*

veluti purgativa Medicina ibi Præceptorē Regem esse loquutum ; Sed nos (illis modò increpemus) qui eadem nequaquam utimini , omnique modo exhibitam reprobatis , qua ratione , qua auctoritate , quo experimento vobis id præstare liceat , ostendite , obsecro ; Ne forsan à calore febrili fracta , & imbecilliora viscera , extinctoque ferè domestico illorum igne iam torpeant , iam langueant ? Pavorem hunc vestris excutiat ab animis idem Auctor , eodemque in loco dum inquit , & fortasse' (ex aqua scilicet) confortatur natura ;

At omnis dubitandi eripitur ansa ipso Arابum pleno annuente Lyceo non in febrium eurandarum Legibus frigidæ potum (si penès Adversarios unquam idoneus reperiatur) apparente dumtaxat coctionis exordio competere , sed earumdem initijs , crudaque (utamur barbara hac voce) existente materia ; Auscultetur ipse Avicenna * ; Et scias quod Phlebotomia , & sumere in potu aquam frigidam , quandoque excusat ab infrigidatione alia ; Nonnè pariter in Glossa legimus , Excusat à regimine alio in cura febris sanguinis ? Si igitur [paulisper ita ratiocinemur] si igitur aquæ frigidæ potio ab alia infrigidatione excusat , tunc ipsam considerare profectò

factò cogimus, ut potè Medicina sit, quæ no-
centes præparet succos, non verò ut eosdem
expurget, ac proinde statim ipsa vix febre gem-
mante ad illius usum confugere suadentibus
experimento, & tatione iamdudū versati Me-
dici consilium est;

Hanc præclaram febribus medendi viam an-
cipitibus patefecit Medicorum animis idem Au-
ctor dum protulit*, *Et aquam frigidam in Tertianis damus, ut extinguat*; Ambagum hinc spar-
sæ nebulæ dissipentur; Non ergo vt materia-
lem Tertianarum causam educat, sed vt in illis
æstum compescat ardoris, primis nempè febri-
um initijs frigidam bibere ægrotantibus iucun-
dè salutem, Medicis iure laudem impertitur;
Ignem siquidèm extinguedi ptimum aggredi-
mur opus, cineres verò exturbandi, dummedò
materia non turgeat, postremum exequimur, si iu-
reiurando sancitis ritè curandi præceptis obté-
perare velimus.

At perperàm iactamus verba, futilique ora-
tione senescimus; Quid ultra quærimus? Quæ
clariora venamur? Compescantur lites; En ob-
via nobis difficultatum agmina dissipans Avi-
cennæ occurrit auctoritas de Pestilentialium Fe-
brium curatione tractantis**; *Et aqua frigida*
plu-

plurima subitò est iuuativa valde, pauca autem consequenter exhibita fortasse excitat caliditatem.

Non tantùm itaque febribus, quas simpli-
citer putridas Medici appellant, nulla interpo-
sita mora orientibus aqua celeberrimè hausta,
opem affert iucundissimam, sed illis etiam, quæ
iniunctum pestilentia venenum putredini con-
tinent, quæ à virofa qualitate sortiuntur origi-
nem, vnde etiam ferinæ indigitantur metah po-
ra à Feris desumpta non simplici, sed virulen-
to vulnere necantibus, nam scribente Areteo *,
Infinita eorum, quæ homini insunt, eamdem habent
speciem cum causis exterioribus; Corrumptentes succi
*ut extra sic intra corpus reperiuntur, nec desunt mor-
bi pharmacis deleterijs assimiles, quandoquidem per*
febres talia sæpenumerò euomuntur, qualia assumptis
*venenis reiçti solent, quocircà haud immerito à qui-
busdam estimatum est, in pestilentia Athenensi im-
pura medicamenta in Piræi puteos à Pelopponensibus*
fuisse coniecta; Homines enim pestilentis morbi cum
lethalibus medicamentis similitudinem non callebant;
*Sic anno Vrbis conditæ 420. à Matronis Ro-
manis venenorū coctione peltis Romæ fertur*
*concitata, & apud Hippocratem ** dantur succi*
corrumptentes & totum, & partem, & forinsecus,
& intrinsecus, & spontanei, & non spontanei; Fal-

Iuntur igitur qui eminentissimum cuiuslibet qualitatis gradum veneni nomine donantes malignum morbum vocant ab eximia, ac extrema putredine prognatum, nos malignas febres, quā febres à putredine, quā malignas à veneno pendere censemus; Hinc de more quām concinnē, quam doctè Clarissimus Meniotius, *Verūm ex parte veneni, quo instructa est putredo, multo maior iterum animadvertisit etiam in simili febris specie symptomatum disparitas, illud enim non semper unum, idemq; est, sed nunc Arsenicale, nunc Viperinū, nunc Napellinum, aut potius analogum, nunc ex pluribus mixtū, nūc novellum, atque inauditū, unde non mirum si febres malignæ multiplici facie se se mortalibus offerat*

Hæc nos excurrentes libavimus, ut inde hauire aliquis possit, non tantūm aquas humectandi viribus, ac refrigerandi pollere, verūm Alexipharmacā potestate adversus venena ipsifmet febribus, quæ non infreuenter consociata grassantur, strenue propugnant, & vincant.

Principis doctrinæ (vt unde discessimus fausto omni revertamur) Arabes sui ferè omnes vnanimes subscripserunt; Proindeque Rhasius Causone, & Tertiana continua febricitantibus frigidam exhibens, nec perfectam, nec manifestam expectat coctionem, sed ardoribus febris

extinguendis primùm incumbens, dictatoria fe-
rè imperat * maiestate, *In potu sumat æger aquam
frigidam cum vult, & quod appetit de frugibus fri-
gidis, & humidis;* Idque iterum hisce non mi-
nus imperiosior de Synocho expressit **, Et si
tardatur Phlebotomia in dispositione sua, stude ad
dandum illi in potu aquam frigidam plurimam; Pre-
tiosissima hæc sententia quam validissimo ful-
ciatur munimine, & rationū stipetur examine
Averrois felicissimè his patefecit***; Quando om-
nia particularia concordant cum febre, quæ est arsua,
& infirmus multum desiderat aquam frigidam, non
in hac est digestio expectanda, quia æger ante diges-
tionem consumetur, & si feceris ipsum pati usque
ad digestionis apparitionem, tunc erit ipsius digestio
mala, quemadmodum est nebula nigra, aut hypo-
stasis nigra, propter nimietatem combustionis, &
tunc aquæ frigidæ exhibitio non valebit, & propte-
rea melius est in principio sine etiam digestionis signo-
rum apparitione exhibere, & non curare ex dictis
aliquorum, quoniam hæc res est veracissimè probata,
nam materia, quæ talem facit febrem, qualis est if-
ta, cum sit in ultimo caliditatis, non est privata
digestione nisi propter malam qualitatem acutam,
non propter grossitatem, nec propter viscositatem, &
quando hanc infrigidabis, tunc statim erit materia di-

gesta,

gesta, & melius est ut convertas talem febrem ad febrem lentam, & longam, quæ curari potest, quam æger subito moriatur; Enarratore forsan textus is indiget? Suboscurene verborum serie perstringitur? Si queant hostes in controversias vertant sensum, & phrasim;

Galenicis Arabes arrisisse præceptis haud aliquis in dubium vertere audeat, si illius hæc verba vel invitus ritè perlegerit *; Ego enim talium quoque non paucis dedi, satius esse ratus Phlegmonas in præsens augere, quam sinere hominem in Hæticam febrem incurrere.

Illud equidem summa animadversione dignū existimamus, quod non semel prolatum à Medicinę parentibus, sæpe sæpiusque repetitum ab ijsdem inuenimus, æstiva scilicet tempestate tuitiùs, iucundiùsque ad frigidæ potionem in eliminandis febribus confugiendum esse ; Hinc apud Galenum de sorbendæ aquæ tempore legimus **, In æstate cum æstuat, & alibi, In æstiuo anni tempore, ac regione calida, Paulòque superiùs, eodemque contextu ***, In medio æstatis tempore, Sole scilicet subardenti, vel ipsa latrante Canicula, quando

„ Testilis, & rapido fessis messoribus æstu
„ Allia, Serpillumque herbas contundit olentes;

Cu-

Cuius iucundissimæ Medicinæ usum ex Salomonis sapientia didicere mystica oratione edocentis * , *Sicut frigus nivis in die messis, ita Legatus fidelis ei qui miserit eum, animum ipsi requiescere facit*; Eodemque in Opere in eamdem sententiam addit, *Aqua frigida animæ sitienti, & Nuntius bonus de terra longinqua;* Ex quibus eleganti similitudine cum Galeno potus nive refrigerati morem , tempusque illum febricitantibus exhibendi elicimus , nam physicè Animæ plerisque ipsamet respiratio vocatur , sive qui respirando attrahitur spiritus , ac præsertim iuxta Diogenis placitum in eo aere Animæ essentiam esse affirmantis ; Quam nos respuentes sententiam , quia tamen respiratione adeò vita servatur , ut vitam respirantem nos vivere omnibus compertum sit , ipsā respirationem latissimo hoc fandi vocabulo Animam appellamus , & placidam anhelitus facilitatem quietis nomine audimus , undē Animam requiescere nobis non aliud resonet , præterquam liberam , nulloq; impedimento , & angustia coercitā respirationem , idque strenuè , ac iucundè assequitur Medicus , dum igneum febis calorem potū frigidæ extinguit , atq; æstuantia præcordia temperat suavi hac , potentique Medicina , præsertim *in die messis* .

Et

Et qua , obsecro , vividiūs , concinniusq; verborum elegantia exprimi poterat æstivus calor , & labor , quam utrumque messis oneri , messorumque lassitudini componere , ac siti ? Ipso etenim etiam Auctore Galeno * , Opportunitas verò est (frigidam nempè bibendi) in æstate ; non quibusvis , sed ijs tantùm , qui exercentur dare , ne scilicet æstu forti , & exercitatione inflammati in Causones [ardentes scilicet febres] incident , quarum generationem Hippocrates his antea edocuerat ** , Febris autem ardens fit , c um resiccatae venucae tempore æstivo acres , ac biliosos succos in se ipsas attrahunt .

Cum itaque huiusmodi sit ardentium febrium genesis , nulla constat ratione , nulloq; auxilio ab ijs præcaveri meliùs , tutiùsque evadere homines posse , quam eo tempore , quo ab illis corripi in discrimine sunt , vel iam earum vexantur ardoribus , gelidam in potu exhibere , unde & veng refrigeratione temperentur , & spiritus (anhelitus nempè) qui æstu difficilior , citatiorq; efficiatur , requiescat .

Tunc enim ob membrorum ariditatem siti febientes excruciantur resiccato aeris appulsi vētriculi ostio , qui velut ipsamet humidi egestas animalibus communis , atque plantis Pluvio

Io-

Iovi supplicationibus, necnon etiam terræ Solibus perustæ , amicum imbre exposcunt, sic patenti ore, exsuccisque faucibus sorbere anhelant; Dum ignem altè demersum in visceribus præcludentes, qui ex alysmo lingua nigra, & sicca, ac respiratione anhelosa frigidum aerem pleno haustu intùs ducere, pavoremque fuliginosum crebro afflatu foras emittere improbo adnituntur conatu, tanta miserrimi torquentur siti, ut si unà simul bibere, & necari crederent, ipsos tamen mortis pavore, urgentior, atque imperiosior cogeret frigoris, humorisque cupiditas;

O' terque quaterque felices, quibus in hisce comburentis ignis angustijs rimoſo, aridoque labio crystallinis plenum aquis apponitur vas exſiccandum; Tantali fabulosam extingui ſitim, gelidasque inter limphas vitæ auras vagari iucundissimè teſtarentur, nihilque eorum invide re delicijs, quibus *Nuncius bonus de terra longinqua Animam requiescere facit.*

Eximiam hanc ab anno animi tranquillitatem in cara Tibi Pratolini Villa adeò Serenissime Ferdinande expertus es, ut nulla expectati diù boni Nuncij gaudio felicitas gratioſior pectora nostra perfundat, dum præ memorabili Viennæ obſidione, tuum æquè Cor regium, ac pium

veluti Rector Navis, quem bini simul venti, unus hinc, alter illhinc pugnantes agunt inter spem, & metum crebrò subsilire sentiebas; Et quoties in ancipiti sorte Barbarorum victoriam, Fideliumque excidium mentis oculis viriliter intuebaris, corporis lacrymę tenerè diffuebant; Verebaris etenim ne Turcharum hostis animosior Vrbem aggrederetur, aut ne audaciores Christiani Duces descenderent in discrimina; Sarmatici Regis adventui dulce aliquid arridere subaudiens gaudio suspirabas, moras præmeditās quatiebaris timore; Incerta rerum ò quantum te angebat fortuna, nitidissimum prudentiæ tuę argumentum, quæ etate etiam florida, ipsoque Vere gemmante iam fructibus onustos explicat ramos, quos in alijs raro vix maturat Autumnus; Hanc Cristianę Reipublicæ comunem causam dum Tibi propriam addicebant Amor, & Pietas, manusque interim veluti insperati triūphi signum extollens malorum rogabas levamina; Non Kuris amanitas, non Cæli nitor, non Aer moderatus, ac lenis frontem demulcebant, & animum; Non hospitales umbræ, que nec fervidos Solis æstus timent, nec gelidos Aquilonis flatus; Non perennes aquarum excursus, seu sponte salientes, seu rectis alveis, aut flexuosis ductibus errores, & vagi, quibus nihil.

ame-

amænius vel arte, aut natura elegantius inspicimus, nec priscis seculis invidemus quicquid de Thessali Tempe, de Alcinoi, ac de Adonis Hortis fabulatur antiquitas; Non Platanus densa ramis, opaca umbra, aura modica, herba mollis æstivo etiam tempore florere magistra, non suavisonæ Aviculæ veluti modulatis canticis colloquentes hominibus tuam adeo alliciebant mentem, ut tanto deliciarum genere vel brevissimè frueretur, sed anxiarum cogitationum vndique veluti stipata globo hilarem, dulcemque sibi nunquam repræsentabat imaginem.

Vrgentibus Tibi his anxio curis, & tam ingenti, atque onerosa ærumnarum mole obruto, mærore omni ò quam repente valentiùs gaudium accessit, unde non æqua lance Cor Tuum potuit transactas pænas, præsentemque einetiri lætitiam; Dum Polonorum Regis adventum, fugatum Thracem, Cæsaris Aulam obsidioni subductam temporis uno ferè momento, unoque vindice Deo, fidelis Nuncius certiorem Te reddidit; Neque omnes salutis aditus Christianæ Europæ præclusos esse, iterumque exurge-re, seque erigere fortunam Austriæ clamavit. *Animamque tuam requiescere fecit.*

Instar igitur tuæ ex bono Nuncio fitientium

ex frigidæ haustibus Animæ (vitales scilicet spiritus) quietem adipiscuntur , qua nil carius , op tabiliusque ars , aut natura paravit ;

Verum de Aquæ Vsu Medico in Febribus , non quæ à nobis peroptabas robustioris doctrinæ momenta emergerunt , sed affaniæ fuitiles , nuge que pueriles , ut non mirum si nobis de ea humiliter pertractantibus silentium sic à Vate imponatur

„ Claudite iam rivos pueri , sat prata biberunt .

Interim hæc iuxta Antiquorum placita , quæ Lynceis oculis tuis obijcienda proponimus , si hilari fronte amplexaberis , adeò animosiores nos reddes , ut recentiorum sententias de febrium curatione , & natura , deque particularibus humani corporis morbis sermonem instituentes è nostro (inopi licet) penus , curtaque supellestile aliquid afferemus in medium ; Sique levandi animi gratia ab altissimis interdum curis cum Magnatibus tuis locos hosce lustrabis

„ Fortunatorum nemorum , sedesque beatas in quibus nos vel propè limpidas fontium aquas , aut in pratis læta viriditate exultantibus placi do Zephyri sibilo , sedentes rudes exarabamus has paginas , quæ si Tibi in ludo unquam præ manibus insint benigniori Tuo indulgens genio , nostrique non immemor intenso illuc dígito dicere non indignaberis ,

„ Ibi

„ Ibi hæc incondita solus
„ Montibus , & sylvis studio iactabat inani ,
Erit illa rebus nostris dies semper candida , ne-
que ijs minus felix , quæ olim numerabantur in
Pharetra : Hinc inter aquarum fluctus , insci-
tiæque nostræ procellas nobis desperatè iam
naufragis , ab humanitate Tua [Clementissime
Princeps] dari tabulam expectamus .

Ex Pratolini Villa Kalendis Sept. Anno
MDCLXXXIV.

Sereniss. Celsitudinis Tuæ

Humillimus Servus
Io: Andreas Moneglia!

Dos

Dominus Abbas Ludovicus Strozza Archidiaconus Florentinus videre dignetur si in Opere isto aliquid sit contrarium Sanctae Fidei, & bonis moribus & referat
Dat. 14. August. 1684.

Alexander Puccius
Vic. Gen. Flor.

In hoc Tractatu de Aquæ Vsu Medico in Febribus præsertim doctissimi, & cruditissimi Viri Io. Andreae Moniglia Med. Doct. nihil contra Catholicam Fidem, & illibatae vitae mores inveni, ita affero Aloysius Strozza Archidiac. Flor. die 17. August. 1684.

Imprimat. serv. serv.

Alexander Puccus
Vic. Gen. Flor.

Dominus Io. Cosmus Villifranchi Doctor Physicus huius S. Offic. Flor. diligenter perlegat Tractatum hunc, De Aquæ usu Medico, Auctore Io. Andrea Moniglia, & in scriptis referat. Dat. ex Ædibus S. Offic. Flor. hac die 21. Aug. 1684.

F. Cæsar Pallavicinus de Med. Ord. Min.
Conv. S. Franc. & Vic. Gen.
S. Offic. Flor.

Hanc eruditam sanè, & elegantem Epistolicam Dissertationem De Aquæ Vsu Medico in febribus præsertim Excellentiss: D. Ioannis Andreæ Moniglia infrascriptus sedula cura prout de mandato perlegi, nec quidquam in ipsa

*ipsa, quod Orthodoxæ fidei, Christianisque moribus
adversetur animadverti; In quorum fidem &c. xij.
Kal. Sept. Anno 1684.*

Io. Cosmus Vjllifranchi
qui supra manu propr.

Imprim. hac die 22. Aug. 1684.

F. Cæs. Pallavicinus Ord. Min. Conv.
Vic. Gen. S. Offic. Flor.

Robertus Pandolfinius Sen. S. M. D. Aud.

Reimpr.

Nicolaus Castellani V. G. F.

Reimpr.

Vic. Gen. S. Officij Florentiae.

Reimpr.

Philippus Bonarota S. M. D. Aud.

Errata

Sic Corrige

pagina uersus

11	4	Epidaurus	Epidaurius
11	26	præstantius	præstantibus
13	23	Dealcijs	Dealcis
22	27	1. de natura Deor.	2. de natura Deorum
26	27	l. 3. ca. 3. ca. I	lib. 3. cap. I
32	2	actores	actriores
38	22	afferent	afferant
39	13	peruadatur	peruadatur?
57	3	leuissimæ	leuissimæ &
59	5	genus uinosum	genus poliforon uinosum
69	24	illius	illis
77	11	uoluerint	uoluere
79	27	adu. gent. lib. 2. pag. 83.	qu. peripat. cap. 5 quest. 4
117	1	ducis	ducis?
119	16	feruntur	ferentur
130	25	existimatione	existimatione
132	19	manifestæ	manifestæ
136	7	Viridum	Viri dum
137	22	datur	detur
144	25	uerba	uerba illa
140	27	met. 151	met. 15.

CELER EXCVRSVS

I N L I B R V M

MAGNI HIPPOCRATIS

D E

DECENTI ORNATV

A V C T O R E

IOANNE ANDREA

MONEGLIA

REGIÆ CELSITV DINIS

COSMI III

MAGNI HETRVRIÆ DVCIS

ARCHIATRO

Et in celeberrimo Pisarum Lyceo Medicinam
Practicam Ordinario loco edocente

FLORENTIÆ Apud Cæsarem de Bindis
Sub signo S. Bernardi. *Super. perm. 1700.*

СЕПТЯНХЕАРВГ

САМВАДИИ

МАГНИИ ПРОГРАМ

САД

САМВАДИИ ПРОГРАМ

САД

TEXTVS

3



On sine ratione faciunt, qui sapientiam ad multa utilem esse prætendunt. Sapietia nomine intelligit Hippocrates earum scientiarum cognitionem, quæ simpliciter ad intellectum spectant, & quæ retractant in abstracto, nec sensibile subiectum habent, qualis est Grammatica, Mathematica, Scientia, Logica, Metaphysica, Philosophia Moralis, Ars Poetica; & in summa, quæcumque ad curiositatem superfluam, ut ipse loquitur, inventa sunt. Harum igitur scientiarum partes assumi posse ad usum artium utilium afferit; quatenus haud parum artibus ipsis utilibus acquirendis, inveniendisque, & ad earum usum inservire possunt, cuius eam rationem assignat, quia in illis non adest ocium, neq; malitia, per quæ omnes artes destituuntur; imo contrarium in illis viget, quod ad ipsas artes capessendas plurimum conducit. Vigilantia nempe, & mentis, intellectusq; exercitatio, quam tanti iam fecit antiquitas, ut huius gratia iuvenes antequam utilibus scientijs applicarentur, in Mathematicis speculationibus, & Logicis Disputationibus, alijsque huiusmodi scientijs diu exerceri procuraaverint.

A 2

Huc

Huc usq: loquutus est Doctissimus Prosper Martianus.* Cum multis abhinc annis mea etiam florente iuventa in Magni Hippocratis Librum de decenti Ornatu animum devoluisset, & oculum Divini illius Magistri altissima præcepta adeò in mente locàvi, ut non solum nepotibus meis, sed & amicis patefacere adama- verim, instar apis hic atq: illic suavissimos florum succos ad mellis illum inimitabilem humañ rationis saporem conficiendum delibantis de decenti ornatu opusculum excucurri, ut curiosè satiùs, quam sublimis doctrinæ gratia fasciculum præceptionum ab ipso Coorum ma- ximo emanantium construxi, ut qua data oc- casione me audientibus exhiberein, & quis summa admiratione non percipit, quali cultu, quali reverétia erga suos Deos steterit, aliosq: stare cen- soria Maiestate imperaverit, medicinam Sanitatis præsidem, ab Apolline, ab Æsculapio, nec non ab Hercule precibus, votisq: omnibus expe- tendam insinuans ; quantę (obsecro) victimæ mactabantur in templo, quot mascula thura- fumabant super altare Igeæ quæ veluti Nu- men sanitatis impiè colebatur, quemadmodum in hymnis suis canebat Orpheus.

Verum si talia præstitere Gentiles, nos in gre-
mio

mio Ecclesiæ Catholicæ, Christiq. Fidelium sancto nomine insigniti, super quos fluxit Divina hæc ars altiori è parte, & non Apollinem, aut alium quempiam, ex Dijs, quos supersticio invexit, sed verum, optimumque, rerum omnium opificem, ac parentem, auctorem primum, ac conditorem suum agnovit; quanto magis gratias agentes ante Sacras eius aras stare deberemus lacrymas effundentes benevolentię, & amoris, cum neminem lateat, Medicinam Donum Dei esse, & a Deo omnem pendere? Præceptum monitumque alterum summa charitate patribus familias exhibet, nempe ut liberos suos, quos ad Medicam facultatem incumbere decrevit, Logicæ prius, Mathematicæ, Poesi, & singulis huiuscmodi sedulò teneriori ætate studere consulant, Vrsam simulantes, quæ mox ab ipso partu informem fætum, dum mollis adhuc est, circumlambendo perficit, & effingit membra, omnem alias perditura operam, si indurescere sineret, ipsosque librorum amænitate, et numero alliciat, nec oblitet quispiam auctorit ate Senecæ obmunitus,* *Quo mihi innumerabiles libros, & bibliothecas, quarum Dominus vix tota vita sua indices perlegit? onerat discentem turba, non instruit, multoq: satius est paucis te auctoribus trare*

dere, quam errare per multos. Nonne animadver-
tit ibi Senecam ad Lucilium suum scribere ad
Moralem Philosophiam adipiscendam, cuius be-
neficio animi tranquillitatem possidere totis vi-
viribus studet? non ad hoc assequendum bo-
num libris pluribus egere, sed paucis tantum-
modo; Medicos verò, Iurisque prudentes opu-
lentissima librorum supellectile donari eque, u-
tile, ac necessarium penè sapientes censetur.
Medicinæ professor in bibliotheca variarum eru-
ditionum, graviumque scientiarum voluminibus
abunde ditata olitorem in viridario imitetur;
qui suaviter redolentes flores à fructiferis arbo-
ribus gemino dissidio discriminaverit, modo in
unum, modo inalterum obtutum voluens profe-
rat; hinc flores, hinc fructus lego. Et sane, quan-
do animus laboribus, negotijsque defatigatus,
fractusque languet amicorum consuetudine,
Historiarum, Poematum lectione à mensa esti-
vis præsertim diebus refici poscit, & recreari;
Sublimioribus verò studijs, & altissimis discipli-
nis operam navet ex oriente Aurora musis ami-
ca, & cum placidum ventis stat mare, epulis
non saturato stomacho, meroque fumante. Vi-
num etenim mentem nostram perturbat, quip-
pe in cerebrum crudos, & densissimos vapores
transmittit. Hinc fit ut multa effutiamus inania;
nihil

nihil autem consideratè, nihil cum ratione agamus. Et profecto enerves spiritus quiete ad naturale robur restituere proficuum, immo necessarium est, ut magis expediti, magisque alacres ad studiorum facinora exurgant, quemadmodum Sulmonensis eleganti exemplo cecinìt.

*Da requiem, requietus ager benè credita reddit
& Tullius auctoritate firmavit. Cum diutius in
eo negotio, curaque fueram, ut quiescerem, curamque
animi levarem, ad Carpinarium revertetur.*

Poesim Medicinæ iniunctam multum utilitatis, & decoris eipræstituram Divini Præceptoris Oracula tradiderunt, qua igitur vanitate demersi medentium aliqui illis illudant, qui Poeticæ Arti student, eaque in morbis eliminandis prudentissimè utuntur, penitus, penitusque ignoro; quin si aliquando in consultationibus ornatus gratia Poeticam ostentationem adhibent fæviter accusant, & reprehendunt. Si mihi Poetæ nomen donaretur, non equidē indignarer, immo ipsum non mereri puderet. Illud autem iterum, iterumque sciatis velim fabularum amantes Philosophos ipsos extitisse, idque dupli de causa, tum quod fabulæ aliquid præferant admirationis, tum etiam, quod ad veritatem nobis indicandam inventæ sint; Philosophis vero admirationem non secùs, ac veritatem

tatem convenire , quem latet ? Quamobrem Plato , & Aristoteles (si recentioris philosophi observationibus fides sit habenda) fabulas sæ- pènùmero , & metaphoras usurparunt , quibus veritatem vel exponerent , vel confirmarent .

Nonnè Aristoteles intellectivam hominis ani- mam perpolitæ tabulæ comparavit , in qua nihil omnino scriptum sit , omnia verò scribi possunt ? Libello eam scripto simillimam Plato afferit , scriptoresque nuncupat sensus ; Que- madmodum eiusdem Dialogus de summo bo- no , cui nomen etiam Philebus * ostendit . Ex Aristotelis sententia , desiderium , aut amor in materia** nascitur ex privatione formæ , vel boni . Idem à Platone indicari videmus in Con- vivio , ubi fabulam affert Amorem ex Paro , nempè rerum Abundantia , & Penia , idest re- rum Caritate ortum habuisse . Hominis intel- lectum Divinarum rerum splendore ita perscri- ptum afferit Aristoteles ut non eas in se sta- tim , sed per sensibilia imagines comprehen- dat , eum comparans Vespertilioni , qui non So- lem , sed Solis tantum in Luna reflexum potest intueri ; non longè abest Plato , qui hominem fingit in tenebricoso specu sic revinctum , ut non res , sed rerum umbras inspiciat , quemad- modum

modum videre est sub initium*. Plura eorum philosophorum libenter omitto, in quibus fabularum, & metaphorarum usu veritatem sæpiissimè declaratam agnoscimus, & miramur; Eos plane sequi visus est Iones Grammaticus, eos Alexander in Problematisbus Amoris picturæ causas afferens, & conditiones, eos denique Moralissimus Cæbetes in divina illa tabulæ suæ descriptione. Ex hac tam illustri præstantissimorū virorum auctoritate, & exemplo licet arguere (quod alijs etiam dixisse memini) Philosophum, & Medicum minimè decere, si veterum Poetarum libris, studioque delectentur, è quibus plurimam in eorum facultates utilitatem proficiisci compertum est. Maximus Tyrius, omnesque ferè Græci, Plutarchus verò præ cæteris Homeri Libros scientiarum fontes habuere pretiosissimos, & præclarissimum illum Poetarum Principem probationis testem adducere graviores Philosophi, egregiusque noster ille Institutior Hippocrates non dubitarunt. Medicum, & Poetam esse non decet, quis enim ignorat misterijs refertam antiquitatem Poetarum, æquè, ac Medicorum numen Apollinem coluisse, ut potè qui non modo ad hominum levamen Citharam module-

B

tur

tur, & Plectrum; verum etiam in Parnassi iugo Dictatum, Panaceam, cæterasque saluberrimas herbas ad hominum medelam colligat, & salutem? Damocrates Græcus Medicam non secus, atque Poeticam Artem professus est: Iambico carmine antidotorum opus præscripsit, Clinicum item, & Pythicum, neque minore idcirco quod Poeta esset, honore, per Galenum est habitus, quin immo ex eiusdem libris in suos Medicorum principem illum plura transtulisse remedia comperimus.

Nonne Poeta Ruffus noster Ephesius Imperatori Traiano sic dilectus, ut nihil addi posse videretur? Nonne Poeta Medicus Eudemus, cuius adhuc opus illud perlegitur Theriaca Antiochi Philomitoris? Nonne Poeta Andromacus, qui Theriacarum omnium præstantissimam carmine exposuit, eamdemque Principi Poetica lauro celeberrimo nuncupavit? Nonne Poeta Philo Tharsensis, qui Antidotum suum eleganti sic metro composuit, ut Galenus commentarijs illud exornare, fabulasque omnes, quibus opus illud Poeticum simul, & Medicum ad concinnitatem scatebat, explanare minimè fuerit dignatus. Verū aliena quid ego emendicem exempla? Galenus Galenus inquam Poetica facultate non caruit, carmina cecinit inge-

nium

nium spirantia, & suavitatem. Quamquam au-
ter in voluminum illorum lectitatione desuda-
ret, quæ Artis suæ professores ante illum vi-
ventes ediderant, nihilominus tamen veteres
Græciæ Poetas evoluere, singularique illos at-
tentione lustrare non prætermisit; e quibus pul-
cherrimos collegit flores, qui Divina eiusdem
opera undequaque intertingunt, illud fortasse
nobis ostendens in amænam quamdam, insu-
vemque asperitatem a medici facultate, atque
ingenio esse alienam. Quam longam hic illu-
strium virorum seriem, posse texere, de quibus
utrum Medici magis, an Vates essent Mundus
potuit ambigere? Quis nesciat Pamphilum,
Nicandrum, Æmilium, Macrum, Falsum Ma-
crum, Q. Serenum Sammonicum, Q. Rennium
Fannium, scholæ Salernitanæ Auctorem, Fra-
castorum, Gorreum, Hugonem Fridevalle, Ia-
num Cornarum? Quid dicam de Julio Alexan-
drino, Adriano Iunio, Ioanne Cuspiniano, Ju-
lio Cæsare Scaligero, Henrico Smezio, Ioanne
Sambuco? Si recentiores denique placeat recen-
sere, quam illustres floruerunt Æmilius Vezzosius,
Castor Durantes, Lusitanus noster doctissimus,
Adiunctus noster, Hophmannus, Iacobus
Bonzius, Meiobomius, Beverovicius, Oelzeli-
nus, cæterique quamplurimi? Silentio reliquos

libet omittere , quos adhuc superstites Europa
miratur & colit , a quibus novæ semper res
antiquis ignotæ in lucem prodierunt ; neque
illud miretur aliquis tot , tamque gloria me
hoc loco nomina commemorasse ; Siquidem ea
de causa libenter a me id effectum est , ut om-
nes intelligent , quam vera sit Hispani Auctoris
observatio , qui non modo asservit , verùm etiam
Philosophiæ argumentis demonstravit , ex Me-
dicis ijs omnibus , qui Arte præcellunt , Poetica
neminem facultate destitui . Id autem ex ima-
ginativæ præstantia contingit , quæ potissimum
est Artis cuiusque præsidium ; Siquidem eius vi-
tum morbos , tum morborum origines faciliùs
possunt agnoscere . Imaginativa insuper [in-
quit ille] remedij invenit occasionem , quo de-
beant uti , qua in re practicæ munus præcipuum
situm esse ignorat nemo . Quamobrem occa-
sionis inventorem Galenus Medicum nuncupa-
vit . Locum autem tempus , & occasionem agno-
scere imaginativæ opus esse quis dubitet ? dicit
enim figuram , & correspondentiam .

Anatomen simul cum Medicina natam ,
cumque ea adolevisse , eiusque oculum esse , eius-
que integrum cognitionem Medicis , & Philo-
sophis necessariam existere , & fenestram , quam
Momus in humano corpore desiderabat , sapien-
tibus .

tibus exploratum est ; huius ignarus quisquis Medicinę Mare Vastum sine velo , & gubernaculo naufragaturus excurrat ; quare , si sermo , quj de Anatome partium priùs instituitur , claritatem affert ijs , quæ de morbis , & affectionibus eorumdem præter naturam pertractantur , perpetram sane , atque inconsultò ipsum omittentes ageremus , at conferre sermonem de Anatome partium ad historias morborum nullus sanæ mentis negare ausus est , cum summus Medicinæ legislator præceperit * doctrinam in Medicina initium capere debere a natura corporis , & Galenus non semel docuerit cognitionem partium esse præiiciendam jis , quæ de earum affectionibus differuntur ; Non enim putamus accessurum quempiam ad deliria Thessalij , qui [eodem referente Galeno] ut Hippocrati , omnibusque antiquioribus Medicis contradiceret , & novam Medicorum sectam conderet , pronunciare haud erubuit , non oportere Medicum de hominis natura curiosum esse . Quis enim tam excors , ut non putet cuilibet Artifici opportunam cognitionem subiecti , circa quod operari debet ?

Peritiores ergo sint Sutores , Zonarij , ęris , ferrari , marmorisque artifices , apud quos de natura

tura illarum rerum, in quas agunt sollicitior est cura; Medici præstantissimi Artificum, & quibus hominum commissa est salus, noscere suum subiectum negligēt, & temeraria circa ipsum operentur.

Homo siquidem cæterorum omnium Animal longè præstantissimum, caduca, atque peritura parte una, immortali, ac sempiterna altera, Animo scilicet, & Corpore constat. Animus Divina refulgens luce ille dumtaxat est, qui ab hisce terrenis, & corruptilibus nos se iungit, proximosque, & affines omnium Parenti, ac Servatori Deo efficit, cum immunis ab interitu, atque in omni æuo duratus præstet, ut nunquam toti intereamus. Sequiat mors in hoc concretum, terrenumque corpus, & ipsum in limine vitæ plerumque occupet, ius nullum habet in animum, qui à contagione sensuum liber, & à vinculis membrorum, carcereque corporis, (ut Divinus Plato sentit) solutus emicat alacrior, purusque, æthereis orbibus, unde prius emanarat se reddit. Quantum ergo est, quod ab Animo Divinæ auræ particula hominibus accedit, cum hic immortalibus, superisque ipsis nos terrea portione celerrimè perituros exequet? Hinc fit, ut corporis bona, quibus etiam præceteris animantibus abundat homo, rectè sentientibus

tibus putentur sordida, & vilia, si cum ijs, que ab Animo inseparabilia sunt, componantur; Pulcra sanæ, & admiranda, que in exteriorem hominis fabricam elucent, sed quantum, obsecro, pretiosiora, que intùs latent, cum illa miserè, caduca, & fragilia sint, hæc perpetuò splendida, ac immortalia? Vnde, quid mirum, si idem Sapientissimus Plato totum hominem ex Animo metiretur, corpusque eius tantummodò instrumentum, non nostri constituentem partem censuerit?

Verum licet animus sit, quij solus spectari, & coli debeat in nobis, licet fragilis, & fluxa corporis hmani species, ea tamen est, ac talis, quæ summam Divini Opificis Sapientiam, pronamque erga nos indulgentissimi Numinis benignitatem testetur..

Quid n. in corporea hominis structura compries, quod non sit, & ad pulcritudinem, & ad necessitatem affabre concinnatum? singula, que in conspectum se se proferunt membra si lustraveris oculis, hec mirabilia, sibi consentientia, & compacta, opportuno ordine disposita, eleganti figura condecorata dignosces; Iam verò quantum afflat decoris surrecta corporis statuta! qua [ut ait Romani Parens eloquij] ad Cæli, quasi domicilijs pristinj conspectum meliori animantium.

tium omnium conditione excitamur?

Si etenim humanum corpus, Ægyptiorum more, in quatuor partes, Crura, Thoracem, Manus, & Caput distribueris, singulasque attenti-ori acie consideraveris, summam equidem in om-nibus artificij elegantiam, & providi Artificis sapientiam admiraberis: Conspice primò Crura ad progreendiendum data, ut eorum a truncō cor-poris delapsa, & latioribus toris valida longi-tudo, quo faciliùs onus corporis sustineret, pa-ulatim se se cogat, utque genua determinet, quorum decentes nodi flexuram pedibus ad gra-diendum, sedendumque aptissimam exhibent: Hinc, ut non æquali modo ducta, ne habitudo indecēs deformaret pedes, sed teretibus suris cle-menter extantibus, sensimque tenuatis descen-dat usque ad plantas, quæ pulcherrimæ huius fabricæ quoniam fundamenta sunt, admirabilis, summusque Faber nequaquam rotunda specie, ne homo stare non posset, aut quadrupedum instar, alijs fulcris indigeret, sed exorrectiores, longioresque efformavit, ut planicie sua sta-bile, firmumque corpus efficerent, unde non iniuria plantarum ipsis nomen inditum fuit. Pa-ulisper ex cruribus ad Thoracem [totum enim illud corporis spatiū, quod a Claviculis ad pudenda est, cum veteribns Thoracis nomine

audimus, obtutum eleves, occurrunt hic primò Genitalia vocata membra, quorum quis est, qui admirabilem vim non advertat, cum nos mortales, & caducos similj specie perpetuent, prætentque, quemadmodum præcinuit Lucretius.

„ *Vt res per Veneris blanditum sæcla propagent*
Altiùs paulisper exurgit Abdomen molle
ferè totum, & carneum, ut liberè con-
trahi, atque extendi possit, ac propè Umbili-
cum leviter extuberans, partibusque coctioni
alimentorum dicatis ampliorem locum ce-
dit: Hic Illa a lateribus utrinque adstant;
Hic Lumbi, qui ab Anatomicorum quo-
que experientissimis libidinis decantantur se-
des, ex illis etenim egressi dicuntur homi-
nes, ijsdemque flagellatis sopitus Veneris
appetitus exurgit, ex quibus inde vicina ir-
radiantur vasa Spermatica, quemadmodum
à Cerebro subiectæ sibi partes insita proprie-
tate luminis æmula, & in sacris paginis Job
de Dæmone sic loquutus auditur, *Virtus ei-*
us in Lumbis, & in Umbilico potestas, qui pro
Viri, Mulierisque genitalibus à Divo etiam
Hyeronimo usurpantur; Hic Hypocondria, Hic
Epigastrium; Quod si huius partes, tam quæ
continent, quam, quæ continentur, intusque

latent, animadvertere lubeat, has mira sagacitate dispositas, ac pulcro ordine cohærentes inveniemus, nam ut musculos, quibus tegitur, & ad excernenda excrementa iuvatur, Notharumque costarum, lumbalium. Vertebrarum, Ossium Pubis, Ilij, sacri, nexus omittamus, contenta Peritonæo, tanquam comuni quodam involucro, membra possunt ne aptius distribui, elegantius ordinari? Sub Præcordijs iacet medius, ciborum culina, Ventriculus, & ab eo diducta Intestinorum volumina tot anfractibus, atque Mæandris admiranda, proferuntur ad Anum, lacteique cremoris, ex quo sanguis singularum partium nutrimentum constat, à superfluo excremento, & extra corpus relegando, secretionem procurant.

Adstant Ventriculi lateribus Lien, & Hepar, ille quidem à sinistris, hoc a dextris, amboque munia circa alimentum corporis insignia perficiunt. Posteriori vero in parte Glandularum potissima, & Maxima (Pancreas scilicet) non vulgaris hac nostra tempestate officij, atq[ue] utilitatis inhabitat; Cui varia adeo, ac præcipua munera permulti Anatomicorum adscripsere, licet, à summo artis nostræ dictatore, ne quidem nomine Pancreas.

creas dignatus fuerit , quæ Clarissimus Regnerus de Graaf luculenter enumeravit , ut alij tantum pulvinaris instar Ventriculo substerni , & Vasorum distributioni inservire voluerint , alij Chylum ex intestinis admittere , alij eiusdem recrementa purgare , alij ferre Vesiculam Biliariam Lienis existere , alij in eam ordinaria naturæ lege , crassiores sanguinis , & ineptas secerni particulas , alij ad Nervorum excrementum recipiendum , glandulam hanc efformatam esse , alij tandem in ea humorem non dumtaxat utilem , sed maximè necessarium , segregari palam docuerint .

Sub geminis visceribus accumbunt Renes , a quibus aquæ ductus ad Vesicam , quæ cisterna aquosi humoris est , & sub Pube latet , emanant ; supra Abdomen Pectus est , partim ossibus munitum , ut quemadmodum ait Aristoteles , naturæ thesaurum , calidum scilicet innatum securius contineret , partim carneum , ut pro respiratione se extenderet , homini latissimum , eo quod plurimum abundet caloris latè se fundentis ; Anterior Mammis , quibus Infantes entrimur , extuberans , posterius Dorso ; Tot Vertebris , Costis , Sterno Concinnatum Frenis ubi sedem hilaritatis Plinius reposuit , ac

proinde in prælijs, gladiatorumque spectaculis mortem cum risu træcta præcordia afferebant, eaque in parte uulneratum Thyconem risisse narrat Hippocrates; ab ipso Abdomine discreturn, ac spirabilia viscera continens, intro enim ipsum Pulmones, & Cor præcipua corporis membra, quæ suis officijs vitam, & dant, & conservant, & in quibus, ut cum Platone sepius loquamur, Audacia, Metus, Fuga, Consultores amentes sedem quandoque posuere cum implacabili sæpe Iracundia, Amor item intrepidus inuasor blanda spe socia castra fixere; quæ si perversa fuerint, voluptatem malorum seminariū, & dolorem proinde parem efficere consuescunt; At si Fortitudo ex adverso omnium contemptrix, & bonæ mentis filia, Cupidinis, & Voluptatis iussa spreverit, animusque forte pallore torrentium obiecto pertimuerit, sanguis, & spiritus venarum numerosam veluti stipatorum Regionē ad imperata subito accurrentem citat, tum celeriter metu discusso, sua potentia animi Fortitudo utitur.

Pari modo si Iræ vis exardecens repente permiscet flagrantes æstus, Pulmonum cum cavis fistulis spiritus respiratione crebra, ac refrigeratione Cor continuo temperat, unde Iracundia, alioquin implacabilis, facile recedit; Qua-

mobrem in hostes voluptates , ac cæteras ani-
mi perturbationes potestas data est sapientibus,
qui animi fortitudine , & corporis patientia li-
bero marte eminus vibrata tela alacres exci-
piunt , & cominus in Cordis penetralia gravio-
res Irę ictus , aut Odij propulsant inanes .

In his itaque partibus , iuxta Divinum Pla-
tonem , Moralis Philosophia versatur , ac totum
benè vivendi dogma in hisce sedibus contine-
tur ; Hinc læta felicitas originem ducit , hinc
mortis terricula abiguntur , atque ad Divina
Arcana mens sublimis excitatur ; Quod si præ-
ter præstantissimos harum partium usus , stru-
eturam earumdem spectare voluerimus , occur-
rent statim Pulmones , rara spongiosaque
substantia , & quēadmodum perbellè scripsit Are-
thēus , lanæ persimili fistulis tamen quamplu-
rimis diducta , quibus liberè excipere , atque al-
ternatim emittere haustum spiritum valeant ;
Cor vero se se in conspectum dabit densum ,
compactum , fibrarumque plurimarum numero-
sa , & admirabili simul serie constructum , qui-
bus ad saltū promptissimè cieri possit , thalamis
duobus intro cauum , a quibus ibidem refta-
gnans sanguinis æquor , flumina cæteras irri-
gantia partes immittit . Quamobrem neminem
futurum putamus adeò hebetem , exordemque ,

ut Pectoris compaginem , sive forinsecùs , sive
 internè spectatam , non pulcherrimam , utilissi-
 mamque fateatur . Vtrinque a summitate late-
 rum eiusdem demittuntur Manus (hoc enim
 nomine totum id quod a scapulis , usque ad
 extremos digitos est intelligimus) quibus Pa-
 rentes , Filios , Coniuges , Affines , Propinquos , &
 carissima quæque dulcij amplexu teneamus , &
 licet inermes geniti , omne armorum genus in
 totius Corporis propugnaculum earum ope
 comparemus ; Hinc vel disertissimè scripsit Ga-
 lenus . * Quod homo sicut corpus armis nu-
 dum , ità & animam artibus destitutam habet ,
 proque corporis nuditate manus , pro animi
 inertia rationem accepit , quorum usu strenuè
 corpus quidem armat , & modis omnibus inge-
 niosè custodit : Quin ? omnium maximè Ma-
 nū commendavit Aristoteles , dum ipse velut or-
 ganum quoddam ante omnia organa dixit , māus
 enim quamvis nullum sit eorum , quæ particularia
 sunt organa , quoniam autem omnia recte potest
 recipere , organū est ante omnia organa ; à manu
 proinde hominis , quæ admiranda opera profecta
 sunt ? omittamus magnificas ædium structuras , ac
 tecta domorum Cælum referentia splendide inte-
 xtas vestes , marmora adeò expolita , & expressa , ut

loqui-

soqui, ac spirare videantur; Nonne admiremur
necessè est Architæ Tarentini ligneā Columbam
verarū aviū volatū emētitā? Zeusis uvas ita co-
loribus expressas, quarum turgere aliæ, primulo
nonnullæ maturescere nigrore, acerbæ quædā,
florentes, aliquæ adeo viuidæ videbantur, ut
aves ipsas deceperint? Apellis equum, ad quem
prætereuntes equæ hinnirent, Archimedis sphæ-
ram, aliaq; perplura, quæ manus hominis fusè,
industrièque perfecit?

Verùm proinde illud, quod idem Galenus,
eodemque in opere scripsit, ut sapientissimum
Animantium est homo, ità pariter, & manus
sunt organa sapienti Animali convenientia; non
enim quia manus habuit, propterea est Ani-
mal sapientissimum, ut Anaxagoras opinaba-
tur, sed quia sapientissimum erat, propter
hoc manus habuit, ut rectissimè Aristoteles cen-
suit; Quod si totam manum in suas partes, Hu-
merum scilicet, Cubitū, extremamque Manum
diviseris, admirabile in singulis aliquod semper
comperies; Conspice Brachij prominentem il-
lam summitatem, ut elegans, ut decens sit, &
sub eamdem sinus, quos Axillas vocant; Con-
spice flexible Cubitum, ut duobus ossibus, Radio
scilicet, & Vlna descendat, Musculisque, qui-
bus digitorum manus motus perficiuntur, de-
center.

center turgeat; Conspice extremam manum ipsam, admirandamque digitorum structuram, cuius an sit venustas, an emolumentorum amplitudo maior ignorabis; Conspice maximum in numero decus, maximum in gradibus, ac serie, Digitorum facilem contractionem, non minus ex commissurarum mollitie, & concinnitate protensionem; Ceterum quamvis singulæ corporis nostri partes mirabili quadam Arte constructæ sint, nullamque eorum sapientissima natura impolitam, atque illaboratam, aut sine Rhythmo, & lepore reliquerit, præstantissimam tamen omnium humanum corpus componentium, ac summi, optimique Opificis Dei præferentem effigiem Caput existere, sublimiore inque in hac admirabili membrorum compagine sedem occupare, strenueque ac cor ipsum viscerum Reipublicæ regia dignitate præesse, quis vel invito etiam animo non fatetur? Hoc mentis sacrarium, ac divini seminis vasculum Timæus Platonicus appellavit, cui tanquam Consultori cætera famulantur membra, ac veluti numen servili circumferunt gestamine, quod censoria quadam potestate, ut collibuerit, omnia disponit, & dirigit; Huius divinitatem repræsentantes veteres Ægyptij simulacro Serapidis specie humana,

Cælum

Celum pro Capite imposuerunt ; Hinc summus Medicinæ legislator in Epistolis suis protulit ; *Hanc mentis arcem inahitant Artes , Virtutumque genus , Dij, Dæmones, Consilia , & Sententiae illaque in regione magnus polus ; Idem sensisse Platonem in Dialogo de Iusto scribentem legimus ; Dij figuram Capitis ad rotunditatem Mundi finxere , in eoque duos illos animæ Divinos Circulos statuerunt .*

Age verò quanta inest species , & pulcritudo in capite ? Aspiciamus celsissimum ipsius verticem , culmenque spesabilis huius edificij , ut decenter contegatur pilis demissis , aut crispis , nigris , fuscis , flavis , rubentibus , quibus varia propendet Cæsaries , non capitistutela tantum , sed ornatus gratia a mulieribus præsertim nimo opere , strenuaque sedulitate concinnanda . Audivere mehercule Apuleium hisce loquutum . Mulier etiam venustissima , si capillitio nudetur , quamuis Cælo deiecta , Marj edita , fluctibus educata , licet inquam Venus ipsa , omnj Gratiarum Choro , Cupidinumque populo stipata , Balteo cincta , Cinnama fragrans , & balsamrorans , si calva processerit , placere non poterit ne Vulcano quidem suo . Hinc galericolum ex alieno Capillo consulunt ad velandam caluitij deformitatem ; Hinc Cosmotica medicamenta ,

sive ab Archigene composita , sive a Galeno
recensita , ac pretiosissima unguenta ad illorum
culturam excogitavit officiosa nimis Medicorum
industria , de quibus Martialis .

„ Non erubescit murice aureo nobis

„ Dividere Mæchæ pauperis capillare

Hinc mos vetus erat, ut in supplicijs Matronæ passis Crinibus Templa verrent , adeo ut,
quæ inter molliores delicias enutriebantur co-
mæ , vilescerent in ludibrium , sic Livius * Matres
crinibus templa verrentes veniam irarum Cæ-
lestium exposcunt , sic & Atalantam Dianæ
Altare aditoram conquestam** Papinius cecinit.

Illam Diva ferox etiam num in limine sacro

„ Expositam , & gelidas verrentem crinibus
auras

„ linquit .

Hinc apud Græcos , Romanosque sapientes
Puerorum , & Virginum comæ numinum alicui
consecrabantur , vetustissimumque ritum Achil-
lis exemplo confirmavit Homerus , Thesei Plu-
tarctus , atque Earinus Domitianj libertus , iam
formæ gratia languente crines dicat Aescula-
pio Pergameo , de quo Statius . ***

„ Ite comæ facilemque precor transcurrite
Pontum

„ Ite

,, Ite coronato recubantes molliter auro.

Aspiciamus faciem admirabilem sanè hominum partem , quam solj inter cætera omnia. Animantia obtinēt, & cuius varietate , tam pulcris notis invicem distinguntur ; Hic se se explicat frons Tristitiae, Hilaritatis, Clementiae, Severitatis index ; Hic prominent supercilia pilosa propugnacula pretiosissimarū in corpore partiū ; Hic nitent oculi naturæ lucidissima specula , sidera parvi nostrj Orbis , membra præ cæteris omnibus carissima , quæ nos in dias luminis auras perduxere , & quæ(asserente Plinio)dulcissimo lucis usu vitam a tenebris, morteque discentunt . Scitissime igitur Stoicj visum Dei appellatione honestare non verebantur , quemadmodum Theophrastus formam appellare ausus est , illo namque exuta facies (Calcidius inquit) evadit informis ; Sique oculos Doricj vocabant Optilos , unde Optiletis Minerva , merito eidem monumentum excussi ab Alcandro oculi templum erexit Lycurgus .

Hic nares adsunt scitissima ratione , ac peculiarj in sublimi positæ , cum ea odorum natura sit , ut superna petant , ornamentum non mediocre faciei , adeò , ut olim apud Ægyptios mulieres in adulterio deprehensæ earum amputatione multarentur , qua perpetuò ob fla-

gitij pænam deformes viverent; Hiat hic labijs
dissectum os, aniini vestibulum, ianua Oratio-
nis, cogitationum comitium, dentiumque
valido septo, ac munimine occludit lingu-
am, incomparabile Dei donum, & in quo in-
finita bonitas inextimabili munificentia nos
veluti legitimos filios est amplexata, hæc ete-
nim gustus index, hæc fons sermonis, & Dux,
hæc eloquentiæ parens, qua (veluti Tullius in-
quit) cohortamur, persuademus, perterritos a
timore obducimus, gestientes comprimimus,
cupiditates, irasque restinguimus; Hæc nos Iu-
ris, Legum, Vrbium societate devinxit, hæc a
vita immani, ac fera, qua belluarum more
utebantur principio homines segregavit, tum
ne mutuis cædibus interirent, tum ne rapinæ
fierent, & iniuriæ, sed Iustitia violentiam co-
cereret; Primus itaque noster, & universi hu-
ius ortus a Deo est, vitæ quoque conservatio,
Artes, leges, & quod mortales cum simus, im-
mortalitatem per partes successione imitemur.
Hic sub ore pars illa est, quam Latini Mentum
dicunt, in qua viris luxuriat barba, maturita-
tis, ac sexus discerniculum, virilitatis, ac ro-
boris argumentum; Hic protuberant Malæ,
Genæque sanguine dulce rubentes, & quæ pri-
mo in Maribus veluti iuventæ flore pilis ve-
stiu-

stiuntur; in fæminis verò ad gratiam, amoremque conciliandum glabræ, ac depiles perpetuò sunt; Hic demum a lateribus eminent aures, nobile auditus organum, ac percipiendæ disciplinæ sensorium, quo dulci vocum, cantusque vario modulamine admirabiliter afficimur; Harum siquidem beneficio Musicam, si veram expendamus, atque legitimam, [cum Rodigino loquimur] universis hominibus conferre plurimum constans benè sentientium opinio est. Apud Arcades Musicam nescire nemo potuit, omnis, quia necessariò didicit; Hæc autem non deliciarum, non lasciviæ causa, sensus, mentemque oblectetur, sed labores assiduos, ac vitæ pariter duritiem, & asperitatem, animique mores austeros, ac tristes perturbationes certa quasi dulcedine remolliat, atque contemperet, Duces interdum strenuos reddat, & ad fortitudinem erigat; hinc memorię proditū est Thimoteum Musicum, ubi in Convivio Cytharam apud Macedonem Alexandrum pulsaret, adeo Regis animum inflammasse, ut ad capienda arma è genialibus epulis surgeret, deinde cum ab illa tam acri chordarum tractatione ad leniores modos devenisset, iterum Alexander accubuit, quemadmodum in libro de tibicinibus Scripsit Aristoxenus. Sed iam Minervæ templum ingredimur

sacras-

sacrasque ædes, in quibus delapsa Cælo nostri
pars immortalis inhabitat sedulo perlustrandas
subimus, sed o quali, quantoque sagacis naturæ
artificio, Divinique Architecti molimine has fa-
brefactas intuebimur? Quæ Singulas humani
corporis particulas, tam affabre extruxit, sum-
ma elegantia concinnavit; putamus ne non ma-
iorj diligentia effinxisse atria, regalesque sedes,
quibus animum divinum hospitem reciperet?
nullibj compertum est maiorem, quam in cere-
bri fabrica illius industriā extitisse, cū tot diver-
sisque partibus ipsum constituerit, circumduxe-
rit in labyrinthos, suspenderit in fornices, laxa-
verit in sinus; non mirum inde, si dissectoriæ
Artis peritissimi præcipuum hoc circa membrum
plurimum impendant operis, ac diligenter subli-
me hoc nobis thalamum pervagilj cultro reserare
procurent; O Thessale, Thessalique sētentiaæ pro-
pugnatores, si vestrīs deliramentis sagacior polte-
ritas assensum præstitisset ad tantæ dignitatis fa-
stigium verenda hæc Ars non per venisset, immò
non solum longè a Romanorum finibus & domi-
na terrarum Vrbè, verum etiam a toto Orbe exi-
bilata exularet, sed in hosce insipientissimos ho-
mines non est cur amplius invehamur, & opinio-
nes absurdas, monstrisque, portentisque similes
è limitibus Medicinę arcere pauperie sermonis
nostrí

nostri conemur, cum easdem adversus felix Pergameni facundia, & torrens illa dicendi copia satis, satisque tonuerit. Verum caveant, obsecro, Medici illi dissectoria Arte, leniter dumtaxat superficie incrustati, ne de illa ab ambitione prolecti seriò differere audeant, ac si viscera rum latebras, & corporum penetralia adeo perlustrassent, ut Alcmeoni Philosopho, eiusque nepotibus hucusque florentibus nihil cederent, nam in foveam illam inciderent, in qua mersi Neoterici quidam adhuc in ipsa immorantur, qui dum præ manibus haberent aureum præstantissimi Varoli Anatomici Bononiensis librum, in quo mirifice edocet subjicendo Anatomi cerebro, inversè locandum esse (præclarum equidem inventum) cum eo usque à superiori parte imam versus secaretur; occasione quadam scripserunt inversè secandum esse caput, vice scribendi inversè secandum esse cerebrum, non discriminantes a continente contentum; caput enim appellatur id totum, quod collo superimpositum prima vertebra terminatur, quo significatu utimur, cum alicuius caput absindimus, quemadmodum Galenus *, nam in capite continentur oculi, nasus, aures, lingua, & omne id, quod enumeravit Thomas **.

Barto-

Bartolinus, eique subscripti serunt Ioannes *** Rio-
lanus iunior Isbrandus ****, cæterique omnes
Anatomiam profitentes. Speciosum equidem
foret, & peregrinum Anatomi subijcere, ocu-
los, linguam, nasum, & aures inversositu a quo
eos sagax natura locavit, & in quo propria mu-
nera exercent.

Vtinam non persistant aliqui ex medentium
agmine, qui procul dubio credant non unum
dumtaxat cor in animantibus aliquando repe-
riri, verum etiam bina, Plinij testimonio suasi
scribentis, duo Perdicibus in Paphlagonia corda
inesse: Ridiculum sanè in rebus Medicis com-
mentum, nam quamvis exta quædam alia, ut
Lien, & Hepar [referente Aristotele alijsque
celebratissimis viris] gemina evisceratoribus ap-
paruerint, cor perpetuò in animantibus unum
fuit, ea scilicet ratione, quam ex Homero re-
tulit idem Peripateticorum Princeps.

,, *Haud multos regnare bonum est Rex unicus esto.*

Decet enim in benè instituta Reipublicæ
administratione unum esse, qui Imperij habe-
nas regat, alijs omnibus Maiestate præsit, &
cum in nostro corpore quod varia, ac mirabi-
li partium diversitate Reipublicæ non iniuria
quis composuerit tale cor à Philosophis pute-
tur,

tur, ipsum multiplicari iuxta eorum sententiam nunquam potuit; & quamvis scribat Plinius in Paphlagonia bina perdicibus corda inesse, in his avibus minus commoda dexteris sinu cum sinistro agglutinatio, atque propria circumscriptio, visceris huius substantiam in duos apices distrahendo gemini cordis speciem exhibuit. Hoc enim contigisse viro cuidam in Galli corde Galenus* retulit his verbis. *Gallum quispiam Dijs sacrificans cor invenit duobus fastigiatum verticibus, deinde ratus id esse augurium huius interpres disquirebat, Casu autem in me incidens, duo in uno animante Corda, cum Dijs sacrificaret, se invenisse dixit, atqui duo non erant, ut arbitrabatur sed dexteris ventriculi vertex peculiarem circumscriptionem habebat;* Natura igitur non nisi unum cor animantibus indulxit, ipsum tamen nunquam deesse voluit. Qui igitur Labyrintum ingrediuntur, cui Anatomes concinnè comparatur sine fili glomere ab Arianna recepto, cuius nomine Sapientia obvelatur, perpetuo egredientur in gloriè; Vnde Divini Magistri præceptum inviolabile penes ipsos sit, *Breviloquentia;* satis enim scit, qui non scit, tacere si scit.

Mathematicam Medicinæ opitulari quis deneget? cum de apta, & concinna membrorum

E

collo-

collocatione, decenti figura, æquabili proportione decernat; multaque in re Medica vix mente comprehensibilia evidenti demonstracione dilucidet; O terque, quaterque Beatus Artis nostræ Professor hac facultate exornatus sed non adeo de se eminenter sentire velim, ut Principes Mathematicos inculpet, & corrigat; unde conqueritur clarissimus Ioannes Alphonsus Borellus, qui propositionem ducentesimam quadragesimam quartam, in libro de motionibus naturalibus a gravitate pendentibus uerissimam esse, dum altruit oppugnatores invenit, qui enim illam arguunt ex eo, quod corpus descendens in aere habeat eamdem resistentiam in principio motus, & in progressu, decipiuntur; si quidem non eadem est resistentia, quo magis enim velocior est motus, eo maior est resistentia aeris, & aliorum corporum fluidorum, quod experimento etiam comprobatur, cum enim virga aerem verberamus veloci ictu, tremor quidam exoritur, qui non exauditur, si lentè admodum aerem percutiamus; patet id luculentius in aqua, in quam si oblique saxa veloci ictu iaciamus, resiliunt ter, aut quater, veluti pila Iusoria, cum in terram delabitur, secus autem evenire videmus, cum eadem saxa oblique lento motu in ipsam aquam projiciamus. Ita Na-

vis,

vis, quæ remis agitur, ex primo remorum ictu
movetur, & quamdam velocitatem cursus acqui-
rit; quæ augetur deinde magis, magisque ex
cæteris remorum ictibus, quo usque eò crescat
velocitas, ut a maiori resistentia aquæ motus
navis reddatur æquabilis; nam, & in hoc casu
adest in principio motus navis, resistentia aquæ,
sed tamen multo minor illa, quam invenit na-
vis, cum velociori motu cietur. Ex quo liqui-
do patet ex hac difficultate [nempe, quod cor-
pus mobile habeat eamđe resistentiam in prin-
cipio, & in progreſu motus] nihil infirmari demon-
strationem doctissimi Borelli, quoniam & si sem-
per adſit resistentia, tamen in principio motus
est minor, & deinde semper augetur, quo us-
que augeatur motus, & æquabilis reddatur. Hec
pauca, & mihi incognita celeberrimi præcepto-
ris, ac beneficentissimi amici in obsequiū satis es-
ſe confidimus, nam in tot voluminibus, tantis
scientiarum momentis illustribus, si mini-
mum (quod non conceditur) non integrè peri-
clitatum exarasset, largo etiam iure proferre
posset, æternæ beatorum mentes à vinculis,
carcereque corporis iam solutæ, omnia ritè di-
gnoscunt, & peragunt, nos in cognitione nos-
tra ſæpiùs allucinamur, & præcipientes, aut ad-
dixentes à veritate deficimus.

T E X T V S.

Etiam ex disputationibus nihil utile spectantibus.
 Nihil utile afferentes disputationes, affanias, nugasque esse, quis, vel excors vertit in dubium? Magni verò ponderis, & momenti, clarioris doctrinæ, & scientiarum altrices, quis vel invito etiam animo non fateatur? Circulus, & calamus pariunt viros, veritatis enim amantes, eam sedulò inquirentes, labore improbo insudant Sterilia, quævis hominum ingenia, densaque inficitiæ caligine mersa, ancipitum rerum certamine, lucem, & fæcunditatem acquirunt. Quemadmodum metalla igne, malleo, & scalpro omnia domari possunt, & in tenuissimas duci laminationes; Nullum prorsus ingenium est adeò durum, in quo cura, & emulatio non promoveant aliquid, dummodo tranquillo, pacatoque animo controversias agant, & insanabile non teneat illos scribendi cacoethes, neque de illis resonet.

Ora tument ira, turgescunt sanguine venæ,

Lumina Gorgoneo sævius angue micant.

Neque adversus Antagonistam acrior ferveat in præcordijs ira, quæ mentem obcecat, atque perturbat, unde fit, ut irati multa effutiant.

antinania, nihil consideratè, nihil cum ratione,
parum addiscentes, minus præcipientes.

Gravissimorum hominum controversias mente, oculisque perlustrans, aliquid didicisse confiteor, pluraque alia, me assequutur sperasse, ni ingenij mei tenuitas obstatisset. Quid prodest, obsecro, Medicinam profitentibus acerrimè expiscare, quibus nam salibus Villæ aqua in agro Lucensi admirabili scaturigine surgens prædita sit? quibusue morbis profit, si ægroto aliqui iuxta artis leges, integraque methodo præscripta, intus viscera eibentis per plures dies adeò immoretur, ut ne guttula secedat, disputare tamen volunt, utrum aquæ istius continuandus sit usus? certantes, æquum iudicem habeant Hippocratem, qui litem tam futilem, atque aeream dirimet, sententiamque hac verborum serie proferet *. Ita pariter si in præcordijs obstructione detentis, ac in flammatis, aqua digestu difficilis, sine exitu diu desideat, corruptitur, & inabilem præsertim porraceam facessit. Vnde sole clarius effulget, disputationem hanc, tanquam nihil utile spectantem, prorsusque erubescensem rei ciendam; nō satis est, quod medicamenta indicentur, sed operæ pretium est, ut impedimenta tollantur, quæ illa exequi non permit-

mittunt; Sed nescio, quo malo omine, quave
causa, quoties de aquis Villensibus negocium
facesto, in calamitatem aliquam semper in-
curram, si Astrologiæ crederem, malignos
Astrorum influxus libentissimè incusarem; non-
ne fuit qui aduersus sententiam meam de actua-
li calore Villensis aquæ, quem a subterraneis
ignibus sortiri adstruebā, scripsit, illas non ab
huiusmodi lignibus, sed à solis calore obti-
nere, unde ad leniter meum firmandum pla-
citum ratiociniis hisce insurrexi; Si sol actu
minerales aquas calefacit, qua ratione eum-
dem servant caliditatis tenorem hyeme, &
æstate, mediaque in nocte, ac in æstivis die-
bus? Immò cur hyemali tempore calidores,
quam æstivo persentiuntur? sique sol tantis
viribus pollet, ut radiis remotiora terræ visce-
ra invadat, intusque ipsa thermales aquas adeò
calefaciat, ut earum nonnullæ ebullientes erū-
pant in arva, cur dum sicciores refert dies,
robur non habet eodem gradu calefaciendi
(non inquam) Volsinium, Feronium lacum,
Liburnique mare; quin, nec fossulas Civitatum;
qua ratione Æthiopicas paludes, & maria sub
Zona torrida feruere non cogit, quæ nullo um-
brarum tegmine ab æstuanti face defenduntur,
cur, obsecro, iste sol tot aquas sulphureas, ac
bitu-

bituminosas sensui frigidas apparentes non ca-
lefacit? tales in Lacu Vadimonis servantur,
tales in territorio Latino propè uetus tam Ar-
deam, tales in arvis Figurinis. Quem latet sul-
phureas Cydni undas læthali morbo celebres,
quo ob actualem algorem correptus Macedo
Alexander fuit, cum captus Cydni fluminis
amænitate per medium Vrbem influentis, pro-
iectis armis, plenus pulveris, ac sudoris in præ-
figidam undam se proiecit, & tamen istæ, &
illæ sulphure, & bitumine plenæ ob consimi-
les qualitates [quemadmodum Peripatetici lo-
qui amant] expeditum, & liberum habent
transitum ad ignem, nihilominus nativam frigi-
ditatem retinent, invito etiam sole, qui, iux-
ta erroneam opinionem, eis impertitur actualem
caliditatem, quod nisi falsum omnino es-
set, quomodo sol munus hoc adimplere in re-
motissimis algentibus Septemtrionis montibus
posset, in queis emortuam, vel saltem fæmivi-
vam lucem Oriens, & Occiduus elargitur? at-
tamen in illis glacie, niveque undique perfusis
montanis, fontes, lacusque adeò ebullientes re-
periuntur, ut duriores etiam carnes in illos ini-
ecte vel citissimè elixentur. Patet verum hoc
Chadenis, Gothis, Ostroghotis, Anglicis, Hi-
berniæ populis, & Orcadum incolis; obstupef-
cunt

cunt Pannoniæ agricolæ, cur sol non solvat ;
 & liquet concretas Danubij undas, & faciat per
 gelidas eiusdem ripas excurrere fontem feren-
 tibus lymphis, quem Purgatorium appellant .
 Non igitur, non mehercule sol est immediata
 causa, cuius ope actu calidæ aquæ erumpunt ,
 nam solares radij in maximo etiam activitatis
 vigore non imas telluris latrebas attingunt ; Tef-
 tis sit terra in fervidiori æstatis parte effossa ;
 quam candidam veritatem confirmavit Philo-
 sophus Peripateticus * , Christiq; fidelis scribens

*Puro clarum lumine Phæbum
 Melliflui canit oris Homerus ,
 Qui tamen intima viscera terræ
 Non valet , aut Pelagi radiorum
 Infirma perrumpere luce .*

Eminentius philosophati sunt, qui evicerunt
 calorem, actualemque ebullitionem Mineralium
 aquarum à subterraneis ignibus promanare .
 Permutas rationes, variaque experimenta in-
 medium afferre possem, sed quoniam cordatis
 viris, verique amatoribus patet, alacriter pre-
 termitto . Satis sit venerari Empledoclis ** pla-
 citum à Seneca relatum, & Servij Grammatici.
Ignes [inquit Moralis Philosophus] multis in locis
terra

terra opertos tegit, & aquas calefaciendo inalterat, si subditi sint solo, per quod illarum incursum est. Causa huius incendiū [subdit Servius] secundum Aetnam Virgiliū hæc est; sunt terræ redundantes sulphure, ut fere totus tractus Campaniæ, ubi est Vesævus, & Gaurus montes, quod indicat aquarum odor calantium. Arrisit etiam horum sententiæ primitiva geminans Ecclesia, quemadmodum in actibus D. Martiryis Pionis effulget propè mortem decentis. Vos Decapolim Lydiæ regionem igne combustam videtis ad impiorum exemplum usque in præsentem diem, Aetnæ item incendium, & Siciliæ, atque Liciæ, & Insularum, quod si hæc vobis videntur abesse longius, cogitate usum aquæ calidæ ex terra scaturientis; unde enim, nisi ex igne in intimes terræ partibus sito contrahit caliditatem? Omitto recentiorum doctrinas & diserta verborum serie à clarissimo, & nunquam satis laudibus elato præceptore nostro Ioanne Nardio excusum claudio. Stolidus plane est, qui thermales ferre aquas perenni scaturigine conspicatus hæsitat, usque ignis subterranei controvertit.

T E X T V S.

Hi enim sunt, qui conventus faciunt quæstuoso artis usu decipientes, & in circulis civitatum versantes.

F

Oqu-

O quali, ò quanto divini senis gaudio animus perfunderetur, si nostra hac ætate publicas vacare circulatoribus plateas, & absque hac penes ipsum detestabili culpa medicos resulgere dignosceret. Perijt tandem, perijt exēcrandum Agyrtarum géus benefico Apollinis favente Numine, manibus ad Cælum erectis iucunda fronte clamaret.

T E X T V S.

Cognooverit autem, quis ex vestitu, & alijs linneamentis. Quamuis enim fuerint splendide ornati, multò magis fugiendi sunt, & à conspicientibus odio habendi.

Multo magis Asclepiadum clarissime obstu-
pesceres, si Medicinam facientes, non pallio,
non toga indutos, sapientiæ, & nobilitatis Ar-
gumento, nec barbam pascere intuereris, ast
thorace eleganti, fæmuralibus concinnis, avul-
fisque pilis è mento galericumque gestantes;
Sed ut benigniori hospitio magnum suscipiamus
Hippocratem, ei exploratum credimus tempo-
rum vicissitudini, Vrbiumque moribus indul-
gendum fore, & vestiendi ratio, corporisque
cultura, quæ tunc in veneratione erat, modo
in ludribrium habitura, dummodo præsentis eu-

Medi-

Medici non adeò indelicis se habeant, & feli-
tuca peregrinos ritus ad se se exornandos non
quærant. Nec medicamenta Cosmotica crini-
bus venustandis, sive ab Archigene composita,
sive à Galeno recensita, quibus aut nigrigent,
aut rufi evadant, aut in candorem perducantur
sedulò adhibeant; forsitan ne medentes fortes
affectare debent, aut deformitatem; quemad-
modum de Hermocrate adeò deforme cecinit
Martialis, ut Andragoræ in somnis apparente
illum infamii turpitudine occideret?

,, *Lotus nobiscum est hilaris cœnavit, & idem*

,, *Inventus mane est mortuus Andragoras.*

,, *Tam subitæ mortis causam Faustine requiris?*

,, *In somnis medicum viderat Hermocratem*

Improbam, sævamque novercam Medici iure
appellarent naturam, si Gibbosos, Distortos,
Coclitæ, Cicatricosos ipsos progeniisset. Fæ-
lices sane illi, & invidenda sorte spectabiles,
qui decora specie ditati ægrotantium obtutui-
se se offerunt, propriæque virtutis in eorum ani-
mos imaginem insinuât; Quasi interioris sa-
pientiæ energia esterior quoque cortet, & su-
perficies velut indice, & luce illustretur; Sic sum-
mus ille Architectus excellentibus animis hos-
pitia quodammodo præclariora constituit. Ha-

ud secus ac comitiales metatores videmus insigniora urbis loca , tectaque commodiora Principibus , Magnatibusque, humiliora ministris designare.

Vtrum verò in persanandis morbis potentior sit Ars vel Natura dubitandi ansam præbuere medicinæ proceres ; vel facillimè controversia dirimitur , at arduum sanè est , quid sit natura , quidue naturæ nomine proferendum , cum tam variæ apud sapientię Patres opiniones extiterint . Hinc non mirum Clarissimum Boyle in suo admirabili opere de ipsa natura tam exactè negocium hoc perpendisse commonstrando remoram ad scientiarum progressus meritò nuncupari , nam in ipsa contemplanda ingenium quodlibet gradus sifst , nec ulterius iter prosequitur explorandi gratia , quid verè proculq; dubio hæc natura sit , cui tot admirabiles , do tes , & altissima munia tribuuntur , toto animo meditans , quid circa ipsam protulit Romani Parés eloquij . * Namq: alij naturā cēsent vim quādam fine ratione cīentem motus in corporibus necessarios , alij autem vim participem rationis , atque ordinis tamquam vita progredientē , declarantemque , quid cuiusque rei causa efficiat , quid sequatur , cuius solertiam nulla ars , nulla manus , nemo opifex consequi possit imitan-

imitando. Sed ne amplius expatiemur colligamus vela, afferentes multas præter naturam affectiones absque ullo artis auxilio à sola natura persanari, quemadmodum Oppilationes, & Malaciam præsertim in Virginibus, nullas verò ab arte absque auxilio naturæ. Ad extrahendam è vulnere sagittam, & ad necendum os fractum cruris, aut brachij, Chirurgi opera necessariò opus est, verùm si potens Natura genio suo præstò non sit, neque carnis generationem, neque Pori Sarcoides, nec cicatricem, ossiumque firmitudinem assequemur.

T E X T V S..

Obuiam itio.

Singula ad Medicum necessaria, utilia, & decora perpendit Divinus senex, ideoque, qualis ad ægrotum, & assidentes se se proferre debeat sapientissimè præcipit, obuiam igitur euntibus in limine domus, hilari fronte, oculis blandè inflexis, & palpebris suavitèr connictantibus animi serenitatem prodat; non umbras expavescens, non terriculamenta meditans, veluti mors in propinquò esset, infirmum, parentes, amicos exterreat, neve id agere sibi per callicitatem licere credat, mendacis politicæ opinio-

nione; consilio Vallesij innixus scribentis. Profecto ad medici honorem, & admirationem artis magis refert prædicere mortem in morituris, quam salutem in evasuris, ea ratione firmata, ut culpa putetur Medicus vacare, quod prædixerit; verum pace, veniaque tanti viri, huiusmodi placitum non me allicit, neque trahit, cum veritati omnino mihi consonum videatur in eudem offendere errorem Medicus ille ægrum asserens moriturum, & sanitati reddatur, ac ille sanitatem prædicens, & moriatur infirmus; ex futuri eventus prænunciatione perfecta vaticinatio colligitur; nonne æqualiter decipitur, qui venturos imbres existimat, & serenum cælum eluceat, ac ille qui serenū Cælū asserat, cælumque tonet, & pluat? summoperè edoceri desidero, quis nam dignior sit gloria, an ille qui prædictit mortē, & æger evasit, an ille qui vitam, & periit? utrumque toto Cælo aberrasse cōfirmo, nam si ad Vallesij mentē, moriente ægroto, culpa putetur medicus vacare, quod prædixerit, ita pariter evadente ægroto, gloria exornari Medicus putetur quod prædixerit; rectam prædicendi artem assequi, non omnibus datum est, & si ingenij mei mei tenuitas non obstitisset, his vebis, illam me edocentem totis viribus conatus essem audire Galenum. Cum omnia concinne se habent,

velu-

*veluti chorus tunc libere est proferendum; monitum
eternitatis voluminibus, aureis caracteribus in-
cidendum, quod ut animo perstringatur, effi-
ngamus aliquem, febre maligna correptum, cu-
ius Medicus ab amico efflagitetur, an eius fa-
lutem speret, aut interitum pertimescat, ille si
artem calleat, & signa salubria, & lethalia si-
mul adesse respiciat; sumus in certamine, adhuc
sub iudice lis est respondebit, si verò lethalia
tantum signa, *veluti chorus*, adesse dignoscet tunc
liberè obitum enunciabit; at si signa salubria;
tunc sanitatem auspicabitur; Non persanare ali-
quem, sed ritè Mederi omnibus tenerur Medi-
cus, & præter Catholicas leges hoc sapiens Sta-
girita patefecit, & lippis & tonsoribus adagi-
um patet.*

„ *Non est in Medico semper relevetur ut æger,*

„ *Interdum docta plus valet arte malum.*

Vnicus animus, mens unica, nempe infirmos
suos sanitati reddere medentibus insit, intenti-
ones alias à corde exulet, & præ cæteris ava-
ritiam; ab humanis nempe, divinisque legibus
alienum est, liberalis artis professores avaros
existere, Hinc (ah Deus avertat) Medicorum
substantias funditus sæpè sæpiùs everti contin-
git. O iucundam animi tranquillitatem eorum,
qui ab ægro sibi traditam mercedem in eius fa-
miliæ

miliae detrimentum redundantem solo charitatis titulo recusarunt. Hi prosperas curationes, Deumque Optimum Maximum retributorem expectent.

T E X T V S.

Gravitatis breviloquentiæ &c.

Iurè, ac merito multiloquos divinus Hippocrates notat, atque redarguit. Habemus sanguinis in gyrum motus enarratorem; de ipso præclarè agentem, ipsumque verum verissimum commostrantem, qui statim paulò post falsum falsissimum subiungit, nempè vix emanato sanguineæ circulationis inventu perisse doctrinam revulsionum, derivationum, interceptionum, maximas praxim Medicam excentibus utiles, nec non necessarias remediorum materias, culpamque adscribi oculatissimo Vwillio, quod nunquam insomniavit hic auctor; scripsit dumtaxat in curanda Pleuritide parum, nihilque referre ab uno, aut ab altero Thoracis latere venam tundere, quemadmodum demonstratione Anathomica patefecit, verùm in alijs medendis morbis, revulsiones, derivationes, interceptiones, & ipsas interdum evacuationes adhibet. Huius sincerè veritatis testem exibet seipsum hac verbo-

verborum serie in curatione Phrenitidis *. Quia propter, si res exigat, vena modo in brachio, aut manu, modo in crure, aut pede, modo in cervice, vel fronte aperiatur; potest ne clarius loqui, glossa ne indiget, vel comentario? parcior (quæso) parcior ista viris.

Mirum in modum obstupescō [Maxime medicinæ parens] dum aliquos, qui insublimiori doctrinæ fastigio florere se credunt, te etiam mendacii criminē redarguunt, quemadmodum in aphorismo illo, *mulier podagra non laborat, nisi mensura defecerint*, ad quem astruendum errorem. **Moralis Philosophi** auctoritatē adducunt. *Quid ergo mirandum est maximum Medicorum, ac naturæ peritissimum in mendacio prehendi cum tot fæminæ podagræ sint?* *Beneficium sexus sui vitijs perdiderunt,* & quia fæminam ex-verunt, *damnatae sunt morbis virilibus;* nonne vident, dum à culpa vindicare te iactant graviorem tibi imputare? Astrologum satius, quam Medicum te effingentes, dum fæminarum intemperantiam, vivendique licentiam futuris sèculis cognoscentem te autumant? & quomodo huiusmodi morum vicissitudinem linceis etiam oculis despicerem poteras? Ut plurimū, qui malè tractant ensim defendendi vice vulnera infigunt. Non intem,

G

pera-

perantia tantummodo mulieres podagricas efficit, sed solus menstruorum defectus, proindeque verissimum Hippocratis oraculum; sed adhuc obganniantur, increpant etiam clamantes; si singulis mensibus menstruales purgationes erumpunt, quid ulterius desiderandum? quibus ego Senecæ venia respondeo; Sanguinem iuxta medicorum omnium calculum, quantitate, qualitate, & motu peccare, confitentem me habent quolibet mense menstrua sufficienti quantitate erumpere, verum non illius qualitatis secundum nature præscriptum, quæ expurgari debent, scilicet retinentur ille, qui causa materialis, & efficiens, remota, & proxima podagræ censemur: Hinc cum expresserit in alio aphorismo; *si talia purgentur, qualia purgari oportet, confert, & leviter ferunt;* cōplete purgationes omnes, tum à natura, tum ab arte, tum in acutis, tum in Cronicis passionibus confectas, aperte demonstrans verbis illis *talia qualia,* non de quanto, sed de quali sermonem habuisse; intelligens aphorismos hosce unum ad alterum referri, unoque nexu teneri, id est. *Mulier podagra non laborat, nisi menstrua defecerint;* Et *si talia purgentur, qualia purgari oportet;* nam quando Divinus senex de quantitate pertractavit generaliē aphorismum protulit, quæ relinquuntur in

Mor-

*Morbis post iudicationem recidivas facere con-
sueverunt. Complectens dictione illa, quæ reli-
quuntur, quantitatem, qualitatem, & motum;
Vnde à Mendacii culpa vindicari non oportet-
bat, nihilque ei gloriæ plaususue adiecit. Tibi
quoque, Divine Præceptor, prima frōte officere
visus est Leonardus de Capua, at si ad trutinam
revocetur negocium non tanta iniuria, quanta
Medicorum Respublica opinatur, te afficere con-
fitebitur, sciebat enim deberi tibi æncomium
illud à Macrobio prolatum *nec fallere, nec falli
potuit*; Verum quia cunctis placitis tuis subscri-
bere designatus es, ne putaretur iurare in ver-
Magistri, confidenter nimis, utpotè biliosus,
sanguine, & spiritu ad fervorem propenso,
exarsit levi occasione, deprimens supercilia,
limis, & obliquis oculis contuens, quasi pugno
minitans ad propriæ causæ tutelam. Hinc non
spernendi desiderio, adversus Hipocratem im-
putanda Capuani licentia. Fateri (si vera
loqui adamamus) quisquis tenetur adeò in Me-
dica facultate præstantissimum fuisse Leonar-
dum, ut de eo effari possit, habuit Coos suum
Ippocratem, habuit suum Ipocratem, & Par-
thenope; Oterque, quaterque beati, qui Ty-
rones illius dogmata percepere, nam inde sa-
pientes Magistri effulixerunt, in quorum flo-*

renti cætu Clarissimus Lucas Tozzius in Medico Cælo Sydus inter maiora sydera, Occasus expers elucet. Verum sapientum omnium suffragio, tantum Hipocrates ingenij, sapientiae, bonarumque Artium corona Leonardum excedit.

,, *Quantum lenta solent inter viburna cupressi.*

Mihique videtur Coorum maximus motum virj huius, non modo non irasci, sed Magnanimi Leonis exemplo pusilli Catuli latratus non curat, non vindicatur, sed illæsa Maiestate, spernit, & parcit, lucem siquidem furari ex Sole non quisquis vapor, sed nec maiores valent Eclipses.

T E X T V S.

Instabilia enim sunt, quæ in humidis consistunt.

Ad febrium tractationem præsens textus vel facillimè reduceretur, sed quoniam de earum essentia, & curandi ratione in adiuncta Epistola non nihil innuimus, & quoniam integrum opus peregrina, novaque methodo à celebri viro de febribus exaratum, promissumque expectamus ideò tacere decernimus: Quousque ex eo luci tradito clariores, certioresque doctrinas didicerimus.

Illustriſſ. ac Reverendiss. Domine

Præfens excursus in librum Hippocratis de decenti
Ornatu satis ostendit Excellentiſſ. Virum Ioannem An-
dreas Moneglia auctorem suum , preclaris dotibus &
summa eruditione ornatum eſt . nec quidquam in
eo reperitur , quod fidem & pietatem offendat . Sed
quod ad virtutem excitet animos , alliciat mentes , ac
delectet . In quorum fidem Dat. Florentiæ in Conve-
ntu Divæ Annunciatæ Die 17. mensis Iulij 1700.

Frater Iulius Antonius M. Roboredo Ordinis Ser-
vorum Beatæ M. Virginis in Vniverſitate Pisana Publi-
cus Sacræ Theologiæ Professor

Imprim.

Nicolaus Castellani V.G.F.

De mandato Reveren. Patris Inquisitoris Generalis
Florentiæ Excellentissimus Dominus Doctor Francis-
cus Guiducci Medicus Phisicus perlegat attentè præ-
sentem librum , cui titulus est *in librum Hippocratis de*
decenti hornatu Celer Excursus & referat , an eiusdem
possit permitti impressio ,

F. Lucius Augustinus Cecchini de Bononia Min. Con. Vice
Gen. Sancti Officij Florentie.

Reverendiss. Pater.

De mandato R.R.P.P. attentè, simulq; summa admirationi perlegi Celerē Excursū in librū Hippocratis de Decenti Ornatu Auctore Ioanne Andrea Moneglia, Regiæ Celsitudinis Cosmi III. Magni Hetruriæ Ducis Archiatro, & in Celeberrimo Pisarum Lyceo Medicinam Practicam ordinario loco Edocente, nec in eo inveni aliquid bonis Moribus, & Orthodoxæ fidei obstante, sed exornatum veneribus, est leporibus eruditione, & doctrina locupletatum. In quorum fidem &c.

Datum Florentiæ nono Kal. Augosti 1700.

*Servus Obsequentissimus,
Franciscus Guiduccius.*

Attenta superscripta relazione, Imprimatur F. Augustinus Cecchini de Bononia Min. Conv. Vic. Gen. S. Officij Florentiæ.

Imprim.
Philippus Bonarota S.M.D. Aud.

Errata

Sic Corrige

Pagina versus

14.	4.	negligent & temeraria	negligant , & temera- rie
15.	14.	hmani	humani
14.	14.	in omni ævo	omni ævo
19.	26.	Frenis	Phrenis
50.	13.	debent	debet
50.	13.	retinen- tur	retinetur.

